






9-9. c. 23





9-9. c. 23

ANASTASII

BIBLIOTHECARIII

SEDIS APOSTOLICÆ

COLLECTANEA.

Quæ in gratiam Ioannis Diaconi, cùm Ec-
clesiasticam historiam meditaretur,
è Græcis versa concinnauit.

Nunc primum in lucem edita studio & opera
IACOBI SIRMONDI Societatis
IESV Presbyteri.



PARISIIS,
Ex Officina Niuelliana.
Sumptibus SEBASTIANI CRAMOISY,
via Iacobæa, sub Ciconiis.

M.DC.XX.
Sum Privilegio Regi.





Ill^{mo} & R^{mo} D.

SCIPIONI
COBELLVIO,
CARDINALI S. SVSANNÆ,
SEDIS APOSTOLICÆ
Bibliothecario,

ANASTASII Bibliothecarij cum multa sint è Grecis ab eo fontibus deducta, quæ sacram historiã non mediocriter illustrant; tum verò ex iis quæ adhuc latent, parè expectari, fructum posse, si prodeant, fidem hæc, ni fallor, quæ ad te conuolant, Collectanea factura sunt, Cardinalis Amplissime. Quis enim erit, qui modò aliquem bonarum rerum gustum habeat, cui non statim arrideat illa, quam in fron-

ã ij



te gerunt, Ioannis IV. tam diu à doctis
experita pro Honorio Pontifice Apologia?
Quis deinde, quem Theodori. Martini-
que Pontificum epistola, Maximi Con-
fessoris, Anastasij vtriusque, tum Abba-
tis, tum Apocrisiarij, aliorumve alia om-
nia, quæ hæc continentur, utilitate, varietate
que sua non pariter afficiant? Et erunt
nimium, quos, dum hæc legent, alios alia
moueât: nullus, opinor, qui Martini Pape
exilij obituque tempora, quæ ignorari
antea videbantur, certis hæc notis insignita
non libenter recognoscat. Erunt qui oculos
ad Monothelitarum incōstantiam &
deliramenta conuertant, quod post Hera-
clij ec̃thesin, typumque Constantis, quo-
rum ille vnam in Christo voluntatem san-
xerat, huic neque vnam, neque duas dici
placuerat, eò tandem prolapsi sint, ut vnam
& duas, hoc est tres in illo volūtates opera-
tionesque affirmarent. Quis non illa Ma-
ximi, cuius aurea semper dicta & scripta
sunt omnia, suspicienda in primis & am-

plectenda iudicet, quibus Pōtificis Romā-
ni summum in Ecclesias omnes imperium,
atque, ut eius verbo utar, ἡγεμονίαν, & po-
testatem apud Græcos ipsos sic extollit, ve
mirum non sit, apud Græcos eosdem, post-
quam ab Ecclesia Romana desciverunt,
trunca fere hanc partem & mutila eius
opera reperiri? Vides hinc autem, Car-
dinalis Illustriss. quo instructum appara-
tu, quibus copiis ornatū hospitē excepturus
sis Anastasium. Tuas enim ille fores pul-
sat, apud te stativa designat; haud ignarus
metari se iustius nusquam posse, quā apud
eum, quē & Bibliotheca, cui olim præfuit,
Curatorē, & sacrarum Epistolarum, quas
dictavit, Magistrum, viriusque mune-
ris sui longo intervallo successorem videt.
Nec verendum scilicet, ne à cæteris im-
par, aut indecorus hospes sit tibi. Quan-
quam enim purpura caruit, qua fulges,
suum tamen ille decus & nomen gessit;
quem & Imperatoria & Pontificia lega-
tiones honestarunt. Quod si lingua incut-

tior facundiam istam assequi non potuit,
quam in te meritò amant & prædicant
omnes; non debet illi deterioris æui culpam
seculi nostri felicitas imputare. Cur ergo
diffidam, quin abs te tot nominibus hu-
manitatem impetret, quam vel ignotis
præstare atque immerentibus soles? Ego
verò, Cardinalis Amplissime, non mo-
dò non diffido; ut me potius admissionis
huius auctorem factum gaudeam; quòd
multis maximisque benevolentia tua vin-
culis obstricto, cum optandum esset quod
offerrem, id mihi muneris sua sponte obla-
tum est, cuius apud te gratiam deterere
nec tenuitas nostra possit.

Ill^m & R^m D. T.

Addictissimus,

IACOBVS SIRMONDV^s.



LECTORI.

De singulis opusculis quæ in hoc volumine continentur.



¶ *Æ* initio Præfationis loco posita I.
est Anastasij Epistola, ea non insti- Pag. i.
tuti solum operis rationem explicat; sed Honorij etiam Papæ defensionem continet aduersus sextę Synodi censuram, qua perstrictus inter Monothelitas videbatur. Indicem præterea texit librorum, quos in hanc collectionem coniecerat, non tamen omnium: plures enim re ipsa exhibet, quàm promittit. Ioannem autem Diaconum, ad quem scribit, illum ipsum fuisse conicio, cuius extant libri quatuor de vita S. Gregorij Magni.

IOANNIS IV. Papæ Apologia pro Honorio, I I.
cùm ad Constantinum Imp. scripta sit, quem P. xlii.
mensibus tantum quatuor post Heraclij patris obitum regnasse Græcorum annales produnt, cõsequēs est vt anno Christi DCXLI. quo ex vita excessisse dicitur Heraclius, scriptam fuisse intelligamus. Scribendæ occasio nata ex Pyrrho Patriarcha, & aliis Monothelitis, qui Honorij ad Sergium Pyrrhi decessorem epistola abutebantur, quasi ipsorum hæres faueret: quam Ioannes recto atque orthodoxo sensu dictatam probat. Huius Apologiæ testimonio vsus est S.

Maximus Confessor in Disputatione sua cum Pyrrho, quæ paucis post annis in Africa secuta est. Honorij verò ad Sergium litteræ, quarum nomine infimulabatur, in sexta Synodo actione xii. recitantur.

III. I O A N N I S Epistolæ subdita sunt Excerpta
P. xvi. quædam ex tribus Epistolis Maximi eiusdem. Ac
& xix. de prioribus quidem duabus, quarum in altera
quæ ad Marinum Presbyterum scripta est, Ho-
norij quoque ad Sergium Epistolam defendit,
in altera ad Petrum illustrem Honorio itidem
& Sophronio contra Pyrrhum patrocinator,
cur earum hoc loco iniecta sit mentio, perspi-
P. xlv. cua res est. de tertia, non item. quò enim refer-
ri debeat, incertum est.

IV. P R O X I M A est Epistola Theodori Papæ ad
P. xlvii Paulum Patriarcham, qua eius Synodica respõ-
det, arguitque illum duplici de causa. Primum
quidem, quòd Eccl̃esie Heraclianæ chartam pu-
blicis in locis à Pyrrho suspensam non sustule-
rit. Deinde quòd Pyrrhi, qui Patriarchatum
odio compulsus abdicarat, adhuc superstitis, &
nondum damnati sedem occuparit. Quare Sy-
nodum coram Apocrisiariis suis conuocari iu-
bet, ut illius causa examinetur. Quod ipsum e-
P. lxx. tiam in altera Epistola scribit ad Episcopos, qui
P. lviii Paulum consecrarant. Ad Decretum verò Ec-
cl̃esie anathematizandæ Constantinopolim
transmissum, quod inter utramque Epistolam
insertum est, alludere videntur Episcopi Cyprij
in Epistola ad Theodorum Papam, quæ in Sy-
nodo Romana Martini Papæ legitur Secreta-
P. lxxx. rio ii. At Serici Diaconi, quem Theodorus in

priore Epistola nominat, meminit etiam Honorius in altera ad Sergium Epistola, cuius pars quædam Synodi v. i. actione XIII. continetur. Ex quo liquet illum per diu & sub diuersis Pontificibus Apocrisiarij munere perfunctum.

Quæ sequitur ex alia S. Maximi Epistola v. Cômemoratio de Sedis Apostolicæ legatis, qui P. LXIII Græcos scito responso eluserunt, cùm Romani Pontificis consecrationem suspensam diutius tenerent, de iis legatis accipienda est, quæ Severino post Honorij obitum electo Constantinopolim eius causa missi sunt anno Christi DCXXXIX. quo ipso anno Ecthesis, de qua hîc sermo, ab Heraclio Imp. promulgata est, & Sedes Apostolica, nondum ordinato Severino, vidua fuit. Itaque cùm Ioanne ac Theodoro anterior fuerit Severinus, ordinem temporum, quem in ceteris fere obseruat, hoc loco neglectum ab Anastasio dici necesse est. Severinus porro missus ad Isaaciû Exarchum, sibi que Romæ oblatam Ecthesisin constanter repudiauit, vt testatur Martinus Papa sub finē Secretarij III. Synodi Romanæ.

DE MARTINI Papæ Martyris exilio duplex hinc narratio. Prior duas ipsius Martini Epistolas continet, quibus ea commemorat, quæ Romæ passus est, cùm inde à Calliopa Exarcho vi abreptus Constantinopolim missus est. Diem autem sui ab vrbe discessus incidisse notat in feriam quartam XIII. Kalendas Iulias: quæ duo annum Christi DCLIII. sine controuersia designant. Altera ea persequitur, quæ in illum Constantinopoli acerbè, crudelitèrque gesta sunt, priusquam in Cherfonem relegaretur. Cui qui-

P. CV. Idem narrationi adnexæ sunt aliæ Martini Epistolæ duæ, è Chersone ipsa de exilij sui calamitate scriptæ. Vtramque narrationem è Græcis à severam Martini Episcopi Narniensis rogatu iam antea ediderat Anastasius, anno, vt eius præfatio declarat, DCCCLXXV. Extatq, editionis illius in Bibliotheca Pontificia vetus exemplar à Card. Baronio in Annalib. non semel laudatum.

VII. IN quæstione de S. Maximo à Iudicibus
P. CXIV. Constantinopoli habita in Secretario palatij, multa sunt animaduersione digna; sed hoc præ cæteris memorabile, quòd de Apocrisiariorum sedis Apostolicæ, hoc est Eugenij Papæ, vt reor, legatorum cum Byzantinis vnione commemorat. Rem anno DCLV. superstite adhuc Martino Papa gestam fuisse certa sunt indicia. Quodnam autem id dogma fuerit, cui assentiri Legatos coegerunt, declarant Epistolæ Maximi ad Anastasium discipulum, & Anastasij eiusdem ad Monachos Caralitanos, quæ ordine subsequuntur. Ex his enim liquet. Monothelitas hæreticos eò tandem prolapsos, vt duas & vnā, id est tres in vno eodēque Christo voluntates & operationes prædicarent. Cæterum peracto hoc iudicio Maximus Bizyam, quod oppidum est Thraciæ, à Constante Imp. in exilium actus est.

VIII. DISPUTATIO verò Maximi eiusdē cū Theodosio Cæsare in Bithynia Episcopo, & procerib. qui cum, illo venerāt, Bizyæ in exiliò ipso peracta est, anno vt mensis Aug. & XIV. Indictionis nota docet, DCLVI. Quare in Annalibus Ecclesiasticis rectè huic anno adscribitur. malè autem Iudicum quæstio, quæ Maximi exilium, vt dictum

est, antecessit, in sequentem annum ibidem cō-
iecta est, cū ad præcedentem referri deberet.

A N A S T A S I I Apocrisiarij ad Theodosium ^{I X.}
Gangrēsem Epistola, præter ea quæ de Maximi ^{P. cxlii}
eius magistri, & Anastasij alterius condiscipuli
obitu narrat, eximiam continet ex Hippolyti
Portuensis Episcopi testimoniis disputationem
aduersus errores Monothelitarum. Huic nos ^{P. ccix.}
Græca Hippolyti verba ex Franc. Turriani no-
stri codice olim decerpta inseruimus, idem in
reliquis collectionis huius partibus præstituri, si
ad manum Græca exemplaria fuissent.

RESTAT Hypōnesticū, cuius auctores Theo- ^{x.}
dosius ac Theodorus Monachi fratres ipsi se ^{P. ccli}
prodūt. In eo verò non solū Martini Papæ, &
Maximi, atque Anastasij Abbatis agones & ex-
cessus cōpendio recēsentur; sed Anastasij etiam
Apocrisiarij, & Theodori atque Euprepij, alio-
rumque, de quibus apud alios nulla mentio.
Narrationem hī suam perducunt ad annum vs-
que dclxix. Quo fit vt annorum xxx. histo-
riam hæc Opuscula comprehendant. Quibus
nos **COLLECTANEORVM** nomen fecimus,
nō antiqui codicis, cuius nobis copia facta est ex
Bibliotheca Ecclesię Laudunensis, auctoritatem
secuti, sed ne titulo carerent; cū ita inscribi
posse viderentur, quæ in vnum corpus ex diuer-
sis collecta & congesta essent. Tu boni omnia,
Lector, consule, & vale.

SYNOPSIS CHRONICA

ANNORVM XXX.

*Præcipua quæque digerens & illustrans, quæ in his
Collectaneis comprehenduntur.*

A NNO CHRISTI DCXXXVIII Honorius Papa
sepultus est iv. Idus Octobris. Vacat Sedes annum
1. mens. vii. dies xviii. Severini electi consecratione
dilata. Pag. 39 64.

A N. CH. DCXXXIX. Capitula nouem Alexandriæ
à Cyro edita. Pag. 40. 126. 154. ECTHESIS fidei v-
nam in Christo statuens voluntatem ab Heraclio Imp.
Constantinopoli promulgata. Pag. 53. 126. Severini
legati de ea interpellati Græcos elidunt. Pag. 64. Ser-
gio Patriarchæ CP. mortuo succedit Pyrrhus Indiatio-
ne xii.

A N. CH. DCXL. SEVERINVS Papa xxx. Maij or-
dinatus, sepultus est i v. Nonas Augusti. Pag. 39 Va-
cat sedes menses iv. dies xxx. Ioannes ordinatur pri-
die kal. Ianuarias.

A N. CH. DCXLI. IOANNES i v. Papa sedit an-
num 1. menses ix. dies xix. ad Pyrrhum scribit ecche-
sia damnan^o quam ille publicis in locis suspensam af-
fixerat. Pag. 53. 60. 132. Heraclius ad Ioannem scribit
se auctorem Ecthesis non fuisse, sed Sergium. Pag. 38.
132. moritur mense Martio Indiæ. xiv. Post eum Con-
stantinus filius imperat mensibus iv. Ioannes pro Ho-
norio apologeticam scribit ad Constantinum pag. 1.
Valentinus rebellat. pag. 90. Constans factus Impera-
tor. Paulus Pyrrho Patriarcha pulso eius sedem occu-
pat mense Octobri.

A N. CH. DCXLII. Ioannes Papa sepultus i v. Idus
Octobris. Vacat sedes mensem 1. dies xiii.
T H E O D O R V S Papa Nouembri mense ordinatus se-
dit annos vi. menses v. dies xviii.

A N. CH. DCXLIII. Theodori Synodica ad Pau-
lum Patriarcham, Ecthesin è medio tolli, Pyrrhique

causam in Synodo examinari iubens. pag. 47. Decretum ad Constantinopolitanos, ut Eccl̃hesis anathematizetur pag. 57. Epistola ad ordinatores Pauli. pag. 59. Scripserat idem ad Constantem Imp. de Pyrrho in vrbem mittendo

AN. CH. DCXLV. Disputatio Maximi cum Pyrrho in Africam ante Iulio, Indict. xii. pag. 116.

Pyrrhus Romæ libello fidei Theodoro Papæ oblato susceptus est. pag. 97. 98. 99.

AN. CH. DCXLVI. Gregorius Prætor Africæ rebellat. pag. 116. 117.

THEODORVS & Euprepus fratres fidei causa capti, & in Chersonem exules missi pag. 137. 138

AN. CH. DCXLVIII. TYRVS fidei à Constante Imp. editus Indictione vi. silentium indicens, ne vna aut duæ in Christo voluntates, vel operationes doceantur. pag. 120. 121. 126. 129. 131. 134. 157. 158. 184.

AN. CH. DCXLIX. THEODORVS Papa sepultus est pridie Idus Maias. Sedes vacat dies xii.

MARTINVS Papa Iulio mense ordinatus sedit annos vi. mensem i. dies xxvi. Synodus Romana iiii. Nonas Octobris Indict. viii. pag. 127. 135. 136. 161. 170. 202.

AN. CH. DCLI. Olympius Exarchus Romam veniens Martino Papæ insidias frustra rendit. Pag. 76.

AN. CH. DCLII. Martinus Papa Iunio mense à Calio Exarcho Roma abductus. Pag. 79.

EVGENIVS Papa Martini loco Septembri mense creatus sedet annos ii. menses ix. dies xxiv.

AN. CH. DCLIV. Martinus anno in Naxo Insula exacto Constantinopolim perductus xvii. Septembris. Pag. 80. 85.

Paulo Patriarcha defuncto Pyrrhus iterum sedit menses iv. deinde illo mortuo Petrus successit. pag. 112. 150.

AN. CH. DCLV. Martinus Constantinopoli diris modis vexatus Chersonem relegatur. Byzantio digressus die cœnæ Domini Chersonem peruenit Idibus Maiis. pag. 102. 106.

Collatio S. Maximi cum Iudicibus in palatio Constantinopoli, eiusque exilium Bizyense. pag. 114.

Monothelitæ VNAM ET DVAS in Christo volunta-

tes & operationes docent, & Apocriſtarios ſedis
Apoſtolicæ aſſentiri cogunt. pag. 127. 139. 146.

Anaſtaſij monachi Epiſtola ad Caralitanos. pag. 142.

S. Martinus Papa exul obiit xvi. Septembris Indiſt.
xiv. pag. 104. 262.

Euprepius Theodori frater moritur xxvi. Octob. pag.
262.

A. N. C. H. DCLVI. Eugenius moritur ii. Iunij. Ser-
des vacat menſ. i. dies xxviii.

VITALIANVS Papa ſedit annos xiv. menſes vi.

Collatio S. Maximi cum Theodoſio Epiſcopo, & aliis
Bizyæ, ix. Kal. Septemb. Indiſt. xiv. pag. 149. S. Maxi-
mus Bizya tranſlatus Perberim. pag. 189. 190.

A. N. C. H. DCLXII. Anaſtaſius Abbas Maximi di-
ſcipulus obiit xxiv. Iulij Indiſt. v. pag. 264.

S. Maximus in Lazica, tertio exilio, mortuus die Sab-
bato xiiii Auguſti. pag. 196. 264.

A. N. C. H. DCLXV. Anaſtaſius Apocriſtarius exul à
Lazica epiſtolam mittit ad Theodoſium Gangrenſem
cum Hippolyti testimoniis. pag. 192.

A. N. C. H. DCLXVI. Anaſtaſius apocriſtarius obiit
die Dominica, v. Idus Octobris. pag. 206. 266.

A. N. C. H. DCLXVII. Theodoſius & Theodorus
fratres exemplum epiſtolæ Anaſtaſij à Gregorio mo-
nacho accipiunt xx. Auguſti, Indiſt. xi. & Hypomne-
ſticum proxima, vt videtur, Indictione ſcribunt. pag.
251. 265.

I N D E X.

A	NASTASII Bibliothecarij Epistola ad Ioan-	
	nem Diaconum Urbis Romæ.	pag. 1.
	Ioannis IV. Papæ Apologia pro Honorio, ad Constan-	
	tinum Imp. filium Heracly.	12.
	Excerptum ex Epistola S. Maximi ad Marinum pres-	
	byterum, apologizantem cetera pro Honorio fa-	26.
	cientis.	
	Ex Epistola eiusdem S. Maximi ad Petrum illustrem,	
	ubi Pyrrhi, & Sophronij Hierosolymitani, ac Papæ	
	Honorij mentionem facit,	35.
	Ex Epistola eiusdem S. Maximi ad Marinum presby-	
	terum Cyprium de processione Spiritus sancti.	44.
	Theodori Papæ Synodica ad Paulum Patriarcham Con-	
	stantinopolitanum.	47.
	Eiusdem Propositio transmissa Constantinopolim.	57.
	Eiusdem Epistola ad Episcopos qui cōsecrarunt Paulum	
	Patriarcham Constantinopolitanum.	59.
	Commemoratio quid legati Romani Constantinopoli	
	gesserint, ex Epistola S. Maximi ad abbatem Tha-	
	lassium.	63.
	Anastasij Biblioth. Epistola ad Martinū	
	Episcopum Narniensem.	69.
	Martini Papæ Epistola ad Theodorū.	71.
Exilium	Eiusdem Epistola II. ad Theodorum.	74.
S. Mar-	Commemoratio eorum quæ in S. Mar-	
tini Pa-	tinum Constantinopoli acta sunt,	
pæ.	ex Epistola cuiusdam ad Occidenta-	
	les.	81.
	Martini Papæ Epistola duæ ab exilio	
	scriptæ.	105. 107.

- Relatio factæ motionis in S. Maximum & socium eius
coram Principibus in Secretario.* 114.
*S. Maximi Epistola ad Anastasium monachum disci-
pulum suum.* 138.
*Anastasio Monachi Epistola ad Monachos Caralita-
nos.* 142.
*Relatio de dogmatibus quæ agitata sunt inter S. Maxi-
mum & Theodosium Episcopum Casarea Bithyniæ,
& proceres quicum eo erant.* 149.
*Anastasio presbyteri & Apocrisiarii Romæ Epistola ad
Theodosiū presbyterum Gangrensem, vnicum sub-
iacentibus testimoniis & syllogismis.* 192.
*Hypomnesticum declarans gesta SS. Maximi, & u-
triusque Anastasio, atque S. Martini Papæ, nec-
non Theodori & Euprepj, aliorumque.* 251.
-

Summa Privilegij Christianissimi Regis.

LUDOVICI XIII. Franciæ & Navarræ
 Regis Christianissimi autoritate conces-
 sum est SEBASTIANO CRAMOISY Bibliopolæ
 Parisiensi Iurato, typis mandare, & venalem
 habere, ANASTASII BIBLIOTHECARIJ Sedis A-
 postolice COLLECTANEA, &c. aliisque cuiuscun-
 que conditionis interdictum est intra decen-
 nium, ut patet in Diplomate Regio dato Pari-
 siis 6. Martij 1620.

Subsignato

RENOVARD.



ANASTASII

BIBLIOTHECARIJ

SEDIS APOSTOLICÆ

COLLECTANEA,

AD IOANNEM DIACONEM
urbis Romanæ.

*Carissimo fratri Ioannidigno Christi Leuitæ
Anastasius exiguus in Domino
salutem.*



CCLESIASTICAM
scripturæ ad multorum
instructionem historiam
industriæ tuæ promiseram
ex Græco me sibi sermone
quædam in Latinum vecturum eloquiũ.
Dixeras enim, & summa veritate docen-
te perhibueras, Ecclesiasticam te ordiri
non posse fidenter Historiam, nisi vtriuf-

A

que linguæ quædam rerum gestarum
conscripta series ad tuam notitiam de-
uenisset. Quapropter qui tantæ me im-
peritiæ recognosco, vt nec ipsius linguæ
meæ, in qua natus sum, ne dixerim alie-
næ, vim penetrare sufficiam; ac per hoc
nunquam interpretandi quacumque ra-
tione conamen arripere præsumpsissem;
consentiens à magistris reprehēdi, quàm
te à prædicta torpore meo texenda Hi-
storia remouere, satisfacere tibi ecce pro
viribus maturavi. Credēs planè à te cor-
rigendum, quicquid meum distortum,
poliendum quicquid repertum fuerit
impolitum. Sanè fateor, testimonium
mihi perhibente conscientia, malletm
hæc & huiusmodi ab aliis fieri, non tam
laborem fugiens, quàm imperitam vn-
decumque scientiam meam, si tamen
scientia, & nō magis inscitia sit dicenda,
non nesciens, si salua pace fraternitatis
tuæ, seu scribendæ à te Historiæ propo-
sito, hæc omittere potuissem: qui profe-
ctò tanta luce sapientiæ rutilas, vt à me
non quod necessarium, sed temerarium
experiri saporem proposuisse videaris.
Itaque mihi, interueniente obedientia,
fata ab aliis rustica falce collegisse, & ad

Ad Joannem, Diaconem. 3

aream Latinitatis fideli humero trans-
uexisse sufficiat, nil videlicet addenti vel
minuenti. Tuum autem erit, adiectis sen-
tentiis, veluti quodam ventilabro iudicij
opus historię dilatare, & verba nostra,
quæ in ea inferenda decreueris, quasi
quædam frumenta purgare. Verum nos
sic & hæc & alia interpretandi proposi-
tum sumpsimus, vt nec ab ipsa verbo-
rum vsquequaque circumstantia disces-
sisse noscamur, nec pro posse à sensus ve-
ritate decidisse videamur. Porro nouis-
simorum temporum breuia quædam O-
puscula transtuli, quoniam priorum tem-
porū gesta priores, immò maiores nostri
transferentes, nos in huiuscemodi ope-
re præuenerunt, quemadmodum & lon-
gè præstantiùs transcenderunt. Igitur
post Chronographiam tripertitam, quam
te hortante transtulimus, & alia quædam
breuissima Opuscula, quæ ad petatum di-
uersorum patrum & fratrum nostrorum
interpretati sumus, ad manus nostras ve-
nire contigit Apologiam quarti IOAN-
NIS Romani Pontificis pro HONORIO
Papa à calumniatoribus impetito, quod
vnam Domini nostri IESV CHRISTI
tantum scripserit volutatem. Quæ vide-

licet Apologia satis hunc, vt reor, excusabilem reddit, licet huic sexta sancta Synodus quasi hæretico anathema dixerit, & in Dei solius iam iudicio positum reprobationis telo cōfoderit: cūm hæreticus non ex erroris tantūm deceptione, quantūm ex electione non recta & contentiosa pertinacia generetur. Quis autē erit, qui nobis interim dicat, vtrum ipse pro certo dictauerit Epistolam, de qua illum anathematizandi fomitem calumniatores susceperunt: cūm & ex scriptoris vel indisciplinatione, vel in Pontificem odio quid contingere tale potuerit? Quamuis non ignoremus, docente sancto Maximo in Epistola sua, quam Marino scripsit Presbytero, sanctissimum hāc scripsisse IOANNEM Abbatem. Esto, & ipse dictator extitit: quis hinc illum interrogauit? quis intentionem inuestigauit? quis hunc corrigere voluit, & ille percontanti, aut emendare conanti restitit, vel contentionibus seruiens resultauit? præsertim cūm in Euangelio illo, quo dicitur, *Nolite iudicare, & non iudicabimini*, & cetera, nihil aliud præcipi magnis etiam magistris Ecclesię videtur, nisi vt ea facta, quæ dubiū est quo animo

Inc 6.17.

Ad Ioannem Diaconem.

5

fiant, in meliorem partem interpretemur. Sunt quippe quædam facta media, quæ ignoramus quo animo fiant, cum bono & malo fieri possint, de quibus temerarium est iudicare, maxime ut condemnemus. Denique duo sunt, in quibus temerarium iudicium cauere debemus, cum incertum est quo animo quicquam factum sit, vel cum incertum est qualis futurus sit, qui nunc vel malus vel bonus apparet. Quantum autem temerarium sit iudicium præcauendum, apertè Dominus indicat, qui de Sodomitis more nostro loquitur, dicens: *De- Gen. 18.*
scendam, & videbo, utrum clamorem, qui ve- 21.
nit ad me, opere compleuerint, an non est ita, ut
sciam. Et rursus per Moysen, *Ne maledicas* *Lewit. 19.*
surdo, ait, nec coram ceco ponas offendiculum. 14.

Quòd eisdem penè verbis Apostolus monet, *Vnusquisque*, inquiens, *nostrum Rom. 14.*
pro se rationē reddet Deo. Non ergo amplius in- 13.
uicem iudicemus, sed hoc iudicate magis, ne po-
nat is offendiculum fratri, vel scandalum. Quis autem magis surdus, vel mutus dicendus est, quàm is, cui, cum exanimis & dissolutus iacet in sepulcro, nec auris patet ad obiecta solemner auditendum, nec os aperitur ad obiecta rationabiliter re-

fellendum. Verùm de huiusmodi iudi-
 ciis sufficiunt quæ venerabilis ANASTA-
 SIVS Apostolicæ Sedis Præsul ad ANA-
 STASIVM Imperatorem scribens, sacræ
 Scripturæ auctoritatis pondere grauida
 docet. Sed ne videamur tam sanctam,
 tamque reuerendam Synodum accusa-
 re, vel temere reprehendere, licere nobis
 opinamur de illa sentire, quæ sanctos Pa-
 tres nostros de Chalcedonenſi magna
 Synodo ſenſiſſe non ignoramus. Quo-
 rum vnus, ſanctus videlicet Papa GRE-
 GORIVS, vſque ad prolationem tantum-
 modo canonum hanc ſuſcipiendam fore
 ſignauit. Beatus autem æquè Papa GE-
 LASIVS in tomo de anathematis vinculo
 qualiter eadem Synodus recipienda ſit,
 luculentis exemplis, & nonnullis diui-
 nis testimoniis innuit, vbi horum cir-
 cumſtantiam tali deliberatione conclu-
 dit. Hæc, inquit, & huiusmodi exem-
 „ pla nos edocent, & testimonia diuina
 „ confirmant, nō omnia paſſim à quocunq-
 „ que dicta, vel vbicūque ſcripta indif-
 „ ferenter accipere, ſed retentis bonis quæ
 „ noceant refutare. Nam & hanc quoque
 „ ſanctam Synodum canonica quædam
 Capitula promulgaſſe, Græcorum ſcri-

pta testantur, quæ tamen penè omnia, quia Sedes Apostolica non approbavit, tota Latinitas reprobavit. Sed quid de hac sola dicimus? cùm & secundam vniuersalem Synodum, quæ primò Constantinopoli celebrata est, in causa primatus Ecclesiarum, Sedes Apostolica non admittat: quin & omnes Synodos sic recipiendas decernat, vt Chalcedonensem Synodum admittendam fore prædictus sanctus Gelasius Papa describat, pro fidei scilicet communione, & veritate Catholica & Apostolica, pro qua hanc fieri Sedes Apostolica delegavit, factamque firmavit? Verùm, si omnia exaggerare volumus, quæ in HONORII Papæ excusationem colligere possumus, faciliùs charta nobis quàm sermo deficiet, & interpretandi propositum ad dictationis profectò vertemus eloquium. Vnum tamen dicemus, quod reticere proculdubio non debemus, quia talis est dictus Honorius, qualis est & pronunciatus: quòd si talis non fuit, cui sit præfixa sententia, profectò non erit: quoniam sicut scriptum est, *Homo videt in facie, Deus autem in corde.* 1. Reg 16.

SED ecce, dum prolixiùs Præfatio ad

te nostra dirigitur, ab interpretandi studio procul abscessimus : ostendere gestientes, quòd in Apostolicæ Sedis petra, quantum ad fidem pertinet, nec etiam per Honorium inuentum sit vnquam serpentis, id est virulentæ sectæ, vestigium. Sume igitur iam memoratam IOANNIS Papæ pro HONORIO Apologiam : sume etiam & pro eodem ipso Apologiam ex Epistola MAXIMI Monachi, & reuera Philosophi, Christi que Dei nostri Martyris, missa Marino Presbytero, diffloratam. Ipse quippe beatissimus Maximus non solùm in iam dicta, sed & in ea quam scripsit ad Abbatem THALASSIVM Epistola, iam nominatum defendit Honorium. Verùm etiam in Epistola sua dogmatica, quam ad PETRVM scripsit illustrem, magnum hunc & diuinum appellat. Ex qua scilicet Epistola de eodem Papa Honorio, & Hierosolymitano Sophronio, de quo in translatis à nobis scriptis sæpè memoriam fecimus, atque de Pyrrho Constantinopolitano hæretico Patriarcha, difflorata quædam atque translata en tibi afferimus. Præterea interpretati sumus ex Epistola eiusdem sancti Maximi ad Marinum

Ad Joannem Diaconem. 9

scripta Presbyterum circumstantiam de Spiritus sancti processione, ubi frustra causari contra nos innuit Græcos, cum nos non causam vel principium Filium dicamus Spiritus sancti, ut autumant; sed unitatem substantiæ Patris ac Filij non nescientes, sicut procedit ex patre, ita cum procedere fateamur ex filio, missionem nimirum processionem intelligentes: piè interpretans, utriusque linguæ gnaros ad pacem erudiens, dum scilicet & nos & Græcos edocet secundum quiddam procedere, & secundum quiddam non procedere Spiritum sanctum ex Filio: difficultatē exprimendi de alterius in alterius linguæ proprietatē significans. Siquidem & huiusmodi pia interpretatione sanctus olim ATHANASIVS Orientales & Occidentales super subsistentiæ vel personæ nomine dissidentes univit, dum vnum idemque utrosque corde credere, sensuque retinere perdocuit: licet ob linguæ varietatem aliter atque aliter ore confiterentur, & importunis contentionibus deseruissent. Transtulimus etiam quasdam Epistolas THEODORI Papæ successoris prædicti Papæ IOANNIS, iuxta quod ordo

poscebat, scriptas ad Paulum successorem Pyrrhi, & consecratores eius: quorum, scilicet Ioannis ac Theodori, eximiorū Sedis Apostolicæ Præfulum, stylus Epistolarum Latina redolet eloquentia: ex quo liquidò constat, non Græcè illas, sed Latinè fuisse dictatas. Vnde notandum, quòd nonnulla quæ Latinè fuerunt edita, Latinitas funditus mole oblivionis obruta depiorasset, nisi ex Græcorum post fonte librorum hæc hausta sitibundo pectore resumpsisset, sicut Epistolam beati Papæ FELICIS in PETRVM sententiam proferentem Antiochenum damnationis. Quinimmò sicut & ipsum quoque CLEMENTEM, quem Rufinus nostræ linguæ redditum, restitutū, & redeuntem ad Gaudentium scribens inuit: & quòd Latinè scriptus fuerit & amissus, rursusque receptus, signanter ostendit. Excerpti nihilominus, & tibi ecce translata præsentò, quandam narrationis circumstantiam ex Epistola sancti Maximi ad Thalassium scriptam Abbatem, quid Constantinopoli Legati Romani gesserint, gratiâ imitandæ constantiæ in causa maximæ pietatis ad redargutionem pusillanimorum, & agno-

scendæ potestatis Apostolicæ Sedis, contra eos qui ab ipsa quid violenter extorquere nituntur. Porro ecce nihilominus exhibeo tibi exilij gesta sancti Papæ MARTINI, quæ ad petitum venerabilis Martini Episcopi Narniensis edideram; vnà cum Hypomnestico declarante breuiter gesta sanctorum Maximi Philosophi, & vtriûsque Anastasij, nec non & Theodori, ac Euprepij, & aliorum.

S. MAXIMI MARTYRIS
DE IOANNIS PAPAE
Epistola Testimonium,

EX DISPUTATIONE MAXIMI
eiusdem cum Pyrrho Patriarcha.

PYRRHVS. Quid de Honorio ad respondendum habes, qui aperte antecessori meo vnam voluntatem Domini nostri Iesu Christi esse tradidit? MAXIMVS. Quis fuerit fide & auctoritate dignus epistola huius interpretis, qui eam ex persona Honorij scripsit adhuc superstes, & qui totum Occidentem cum aliis virtutibus, tum dogmatibus fidei Christianae illustravit; an ij qui Constantinopoli quae ex corde erat loquebantur? PYRRHVS. Qui hanc composuit. MAXIMVS. Is igitur ipse, cum ad diuum Constantinum Imperatorem ex persona rursus sancti Papae Ioannis de hac epistola scriberet, dixit: Vnam voluntatem diximus in Domino, non diuinitatis eius & humanitatis, sed humanitatis solius. Cum enim Sergius scripsisset, quod quidam duas voluntates in Christo contrarias dicerent; diximus, Christum non duas voluntates contrarias habuisse, carnis inquam & spiritus, sicut nos habemus post peccatum: sed vnam tantum, quae naturaliter humanitatem eius signabat, &c.



IOANNIS

PAPÆ ROMANI

AD CONSTANTINVM

Imperatorem filium

Heraclij,

APOLOGIA PRO

HONORIO PAPA,

*Propter unam in Christo voluntatem,
cuius aiunt eum calumniatores
mentionem fecisse.*

DOMINVS, qui dixit de tenebris lucem splendescere, qui eripuit nos de potestate tenebrarum in admirabile lumen suum, lumen veritatis, & veritas luminis, in quo complacuit omnem plenitudinem diuinitatis habitare, & per eum reconciliare omnia, in ipso pacificans per sanguinem crucis eius, siue quæ in cœlis sunt, siue quæ in terris, propter eminens,

tem magnitudinem diuitiarum bonitatis suæ in faciem Ecclesiæ suæ respiciens; vestram præcognitam sibi & prædestinatam benignitatem ad fidei nunc integritatem vocare dignatus est : itavt omni fallaci caligine procul amota, per vos victricem faciat veritatem. Quantum enim ex diuersis suggestionibus, quæ ad nos cæteruatim venerunt, quinimmo & ex ipso quoque auditu didicimus, omnes Occidentales partes scandalizatæ turbantur, fratre nostro Pyrrho Patriarcha per literas suas huc atque illuc transmissas noua quædam & præter regulam fidei prædicante, & ad proprium sensum quasi sanctæ memoriæ HONORIVM Papam decessorem nostrum attrahere festinante, quod à mēte catholici Patris erat penitus alienum. Igitur vt vestra benignitas causam totam rei discere possit, subtilissima veritate quæ ante brevis intercapedinem temporis gesta sunt, enarrabo. SERGIUS reuerendæ memoriæ Patriarcha prædicto sanctę recordationis Romanæ vrbis Pontifici significauit, quòd quidam in Redemptore nostro domino IESV CHRISTO duas contrarias dicerent voluntates. quo præ-

fatus Papa comperto, rescripsit ei, quia Saluator noster sicut esset monadicus vnus, ita & valde mirabiliter super omne genus hominum conceptus & natus esset. Et sancta quoque ipsius incarnata dispensatione docebat, quia Redemptor noster sicut esset Deus perfectus, ita esset & homo perfectus: vt quam primus homo per præuaricationem amisit, sine aliquo peccato natus primæ imaginis nobilem originem renouaret. Natus ergo est secundus Adam nullum habens nascendo vel cum hominibus conuersando peccatum. etenim verbū caro factum in similitudine carnis peccati, omnia nostra suscepit, nullum reatus vitium ferens ex traduce præuaricationis exortum. Similitudinem ergo intelligimus, non carnis eius, sed peccati. Etenim carnem Dominus veram suscepit ex intemerata & beata Virgine Dei genitrice, consubstantialis nobis effectus. Ergo similitudinem carnis peccati sanctus dicit Apostolus, quam similem nobis peccatoribus sine peccato cum anima rationali suscepit. & idcirco vnā voluntatem secundum primam formationē Adæ naturalē humanitatis suæ Dominus noster IESVS

CHRISTVS habere dignatus est, non duas contrarias quemadmodum nunc nos habere dignoscimur, qui de peccato sumus Adæ geniti: quoniam corruptibilis per transgressionem primus homo effectus, & Creatori suo subdi contemnens, sensit carnem, quæ prius erat sibi subiecta, nihilominus repugnantem, & peccato suo totum genus humanum fecit obnoxium: sicut dicit Apostolus, *Re-*

Rom. 5. gnauit mors ab Adam vsq; ad Moysen, etiam in
54. eos qui non peccauerunt in similitudinem præ-

uaricationis Adæ. Quapropter & nos qui per præuaricationem & peccatum illius nascimur, duas contrarias habere voluntates dignoscimur: duas autem dico, mentis & carnis inuicem reluctantes, sicut

Gal. 5. 17. idem beatus docet Apostolus, Caro concu-
piscit aduersus spiritum, & spiritus aduersus car-
nem. Hæc autem inuicem aduersantur,
ut non quæcumque vultis, illa faciatis. Et
hoc omne humanum patitur genus sub
peccato constitutum, quoniam nemo est
mundus ab hoc peccato præuaricationis,
nec infans, sicut scriptum est, cuius est
vnus diei vita super terram. Et quemad-
modum Spiritus sanctus per David ait,

Ps. 5. 7. Ecce enim in iniquitatibus conceptus sum, & in
delictis

delictis peperit me mater mea. Sicut enim in ^{1. Cor. 15.}
 Adam omnes peccauerunt, secundum Apo- ^{22.}
 stolum, ita in Christo omnes iustificabun-
 tur. Et sicut per unum hominem peccatores ^{Rom. 5.19.}
 constituti sunt multi, ita & per unum ho-
 minem iusti constituentur multi. Ergo v-
 nus & solus est sine peccato mediator
 Dei & hominum homo Christus Iesus,
 qui in mortuis liber conceptus & natus
 est. In dispensatione itaque sanctæ car-
 nis suæ duas nunquam habuit contrarias
 voluntates, nec repugnauit volūtatī men-
 tis eius voluntas carnis ipsius. Neque
 enim habuit quodcumque peccatum,
 qui venit dimittere peccatum mundi,
 quemadmodum & ipse dixit: ^{Ioan 8.46}
Quis ex vobis arguet me de peccato? & aliās taliter ait,
Venit princeps mundi huius, & in me inuenit ^{Ioan. 14.}
nihil. Vnde scientes, quòd nullum in eo, ^{30.}
 cū nasceretur & conuersaretur, esset
 omnino peccatum, decenter dicimus, &
 veraciter confitemur, vnā voluntatem
 in sanctæ ipsius dispensationis humani-
 tate, & non duas contrarias mentis &
 carnis prædicamus, secundum quod qui-
 dam hæretici velut in puro homine deli-
 rare noscuntur.

SECVNDVM hunc igitur modum

18 *Ioannis IV. Papæ Epistola*

iamdictus decessor noster prænominato Sergio Patriarchæ percontanti scripsisse dinoscitur, quia in Saluatore nostro duæ voluntates contrariæ, id est, in membris ipsius penitus non consistunt, quoniam nihil vitij traxit ex præuaricatione primi hominis. In nobis enim, non in

Rom. 7. 18 eo, coaptatur quod scriptum est, *Scio enim quia non habitat in me*, id est in carne

1b. 19. 20. mea, *bonum*. Et iterum, *Non quod volo bonum hoc ago, sed quod nolo malum hoc facio.*

Si autem quod nolo malum illud facio, non iam ego operor illud, sed quod habitat in me pecca-

ibid. 23. *tum*. & post hæc, *Video enim aliam legem in membris meis repugnantem legi mentis meæ, &*

captiuantem me in lege peccati, quæ est in membris meis. Hinc ergo hæ duæ contrariæ

voluntates mentis & carnis, quas Apostolus docet, in nostro nequaquam Saluatore fuerunt, eo quod hic luctaminis

stimulus ex præuaricatione protoplasti fumpsit initium: quoniam à Redemptore nostro natura suscepta est, non criminis culpa.

Sed ne quis nonnunquam minus intelligens reprehendat, quam-

obrem de humana tantum natura, & non etiam de diuina natura docere sciatur.

etenim Christus in duabus naturis in

vna personā vnitis cognoscitur, adoratur, & colitur Deus & homo perfectus. Debet qui super hoc ambigit scire, quoniā ad hoc facta est responsio ad iamdicti Patriarchæ interrogationē. Præterea & hoc fieri solet, vt scilicet vbi est vulnus, ibi medicinale occurrat auxiliū. Nam & beatus Apostolus hoc sæpè fecisse dinoscitur, se secundum auditorum consuetudinem præparans: & aliquando quidem de suprema natura docens, de humana penitus tacet: aliquando verò de humana dispensatione disputans, mysterium diuinitatis eius non tangit. Etenim ipse hîc quidem de diuina natura ait, *CHRISTVS Dei virtus, & Dei sapientia.* 1. Cor. 13 alibi autem de incarnatione eius ita dixit: *Quod stultum est Dei, sapientius est hominibus; & quod infirmum est Dei, fortius est hominibus.* Sapientia autem & stulticia, virtus & infirmitas, contrariæ adinuicem absque dubietate ponuntur. Ergo ne contraria sibi met docet beatus Apostolus? absit. sed audientibus semet configurat sapienter, secundum tempus docens, vt prouida nutrix paruulis quidem lac præbens, perfectis autem solidum tribuens cibum. Quid ergo est quod ait,

20 *Ioannis IV. Papæ Epistola*

Quod infirmum est Dei, fortius est hominibus; & quod stultum est Dei, sapientius est hominibus? Hoc totum capitulum de dispensatione Christi, non de superna natura illius docere videtur: volens ostendere, quia Deus homo factus animam habuit & corpus humanum, quod stultum asserit & infirmum. Sapientia enim humana diuinæ collata stultitia est: fortitudo verò carnis cum Dei virtute comparata, infirmitas est. Quia profecto condita humana sapientia cum conditrici sapientia comparata, stultitia est. Igitur connectentes vtraque, & Christum Dei virtutem & Dei sapientiam secundum diuinitatem, naturam diuinitatis eius confitemur: & secundum eius sanctæ carnis dispensationem, quod stultum & quod infirmum est Dei, naturam humanitatis veraciter prædicamus, quoniam hoc infirmum & stultum, fortius & sapientius est omnibus hominibus. Omnes enim homines, sicut etiam superius dictum est, sub peccato præuaricationis nascuntur. Dominus autem noster IESVS CHRISTVS absque peccato existens, & nullum secum vitium ferens vetustatis, non solum fortior, sed & sapientior est

omnibus hominibus , quamvis infirmum nostrum & stultum solâ misericordiâ suscipere sit dignatus. Qui verò ex peccato primi hominis nati sunt , filij iræ ac tenebrarum à sanctæ Scripturæ magisterio nominantur. At verò Christus, cùm lux vera sit , sedentes in tenebris & umbra mortis illuminare dignatus est. Quid enim doceat Apostolus scribens ad Ephesios audiamus. *Et vos, inquit, cùm Ephes. 2. 1. mortui essetis delictis & peccatis vestris , in 2. 3. quibus aliquando ambulastis secundum seculum mundi huius , secundum principem potestatis aëris spiritus , qui nunc operatur in filiis diffidentie , in quibus & nos aliquando conuersati sumus , in desideriis carnis , facientes voluntates carnis & cogitationum , & eramus naturâ filij iræ, sicut & ceteri. Ecce istæ sunt duæ voluntates contrariæ, mentis scilicet & carnis , quæ in Salvatore nostro modis omnibus non fuêr. Nos has ex peccato progenitoris Adæ , qui & se , & omne humanum genus obnoxium fecit, habere dinoscimur , vt aliquando quidem, carnis aculeus menti resistere appareat, aliquando verò voluntas mentis voluntati carnis contradicere satagat: vt taliter cum Apostolo gementes confi-*

22 *Ioannis IV. Papæ Epistola*

Rom. 7.25 teamur, *Mente quidem serui legi dei, carne verò legi peccati.* Dominus autem noster vnā voluntatem humanitatis naturalem suscipere dignatus est, quam in propria carne potestatiuè vt omnium Dominus circumferebat, eo quòd omnia seruiant Deo: nullum profecto habens vel afferens ex prauaricatione peccatum, quoniam solus sine peccato & crimine prauaricationis est natus.

PRÆDICTVS ergo decessor meus docens de mysterio incarnationis Christi dicebat, non fuisse in eo, sicut in nobis peccatoribus, mentis & carnis contrarias voluntates: quod quidam ad proprium sensum conuertentes, diuinitatis eius & humanitatis vnā eum voluntatem docuisse suspicati sunt. quod veritati omnimodis est contrarium. Verumtamen vellem, vt interroganti responderent, secundum quam naturam dicant Christi Dei vnā voluntatem. Si secundum diuinam tantum, de humanitate ipsius quid respondebunt? quoniam & homo perfectus est, vt non cum Manichæo condemnentur. Porro si secundum humanitatem Christi dixerint, quòd hæc voluntas Deus esset perfe-

ctus, obseruent ne fortè cum Photino & Hebione iudicentur. Iam verò si ex vtrâque natura vnâ voluntatem esse dixerint, non solùm naturales voluntates, sed & ipsas naturas confundent; vt nec hoc, nec illud, id est diuina & humana, intelligi possit. Sicut enim vtrâsq; naturas in adunatione vnius Christi, vt impius Nestorius, non partimur; ita differentiam naturarum penitus non negamus, sed neque confundimus, quoniam vtrâsq; naturas cum adunatione vnius personæ Christi Dei inenarrabili consonantia confitemur. Quia enim vnâ voluntatem dicunt diuinitatis Christi & humanitatis, & vnâ simul operationem; quid aliud, nisi quia & vnâ naturam Christi Dei secundum Eutychianam & Seuerianam diuisionem operari noscuntur? Denique orthodoxi Patres, qui in toto mundo claruerunt, sicut vtrâsq; naturas, ita & voluntates ac operationes Christi docere concordî prædicatione monstrantur. Comperimus autem, quòd Charta quædam mandata sit, in qua Sacerdotes subscribere coacti sunt contra tomum beatæ memoriæ Papæ Leonis, & Chalcedonensium

24 *Joannis IV. Papæ Epistola*

Synodum: in qua Charta quædam sint per nouitatem composita, quæ dogma Ecclesiasticum refutare omnino dinoscitur. Inspiret ergo diuina clementia Christianissimæ pietati vestræ, & cum sitis custodes immaculatæ fidei nostræ, vos ad compunctionem incitet, quo eos, qui nouis sunt adinventionibus corrumpendi, imperatoriis sanctionibus arceatis, & prædictam Chartam, quæ in scandalum properat fidei, & locis publicis est suspensa, præcipiatis depositam scindi. Omnes enim, qui in Occidentalibus partibus hoc audierunt, sed & populi qui sunt Regiæ vestræ vrbis, cognita prædictæ Chartæ cōcinnatione, corde perculsi sunt. Erit enim per auctoritatem vestram & Apostolicam perfectionem prædicta Charta, quæ contra Chalcedonensem Synodum est composita, nunc & in omni tempore otiosa, & cunctis virtutibus irrita. Perfectio verò fidei quemadmodum vsque in præsens refulset, oramus, vt & per vos, sicut etiam per piæ memoriæ CONSTANTINVM, diuino auxilio in robore suo permaneat. Propter quod Christianissimi & Christi fidei custodes, donate hoc munus in pri-

mordiis vestris Ecclesiæ matri vestræ, cuius estis post Deum opitulatores, ut fidem Sponsi eius serpentina calliditas non audeat violare. Hoc in primordiis salutare sacrificium afferte Domino Deo nostro, & ab eius Ecclesia omnis nouitatis nebulam radio pietatis vestræ dispergite : quatinus Dominus Deus noster vicaria ope omnes, quæ contra vos sunt, conterat nationes, quæque pacem & inexpugnabilem Deum repellunt. Quatinus vobis ea quæ sunt Dei curantibus, Deus quæ vestra sunt benignus dignetur perficere. Propter quod etiam mentis inclinato genu tota mecum Ecclesia supplicat, ut ab integritate immaculatæ fidei nostræ, quam sancti Apostoli nobis tradiderunt, & sanctissimi Patres doctrinis luculentissimis consignauere, nouæ confusionis turbinem amouere dignetur. Quatinus Deus & Dominus noster, cuius fides immaculata custoditur, misericordias suas merito vobis & copiosissimè largiatur, qui est omnipotens & Dominus sempiternus. Creator omnium ad vestrum benignè respiciat imperium, & gentes, quæ in sua feritate confidunt, inexpugnabili suo potentatu prosternat.



DIFFLORATIO

EX EPISTOLA

S. MAXIMI AD MARINVM

PRESBYTERVM,

*APOLOGIAM INTER CETERA
PRO HONORIO FACIENTIS.*



HONORIVM etiam Romanum Papam non diffiteri reor naturaliter in Christo voluntatum dualitatem, in Epistola quam scripsit ad Sergium, eo quòd vnā dixerit voluntatem; sed potius confiteri, & hanc fortassis etiam constabilire. Nam hoc non in reprobationem dixit humanæ Saluatoris & naturalis voluntatis: sed quòd nullatenus conceptionem eius, quæ fuit sine semine, vel incorruptam natiuitatem præcesserit voluntas carnis, vel cogitatio vitiosa. Sola namque voluntas diuina atque paterna, per Filium vnigenitum per semet operantem, pro-

priam incarnationem, sanctique Spiritus
conventionem hanc operata est. & quod
hunc sensum sectetur hinc est manife-
stum. Cùm enim dixisset, quia propter
ineffabilem vnitatem humanæ ac diui-
næ naturæ, & Deus dicitur pati, & hu-
manitas de cœlo cum diuinitate descen-
disse : & hoc modo ostendisset eorum
quæ naturaliter insunt vtrique naturæ
vnius Christi & Dei Filij per commuta-
tionem summam redditionem, subin-
fert. Vnde, inquiens, & vnā volunta-
tem fatemur Domini IESV CHRISTI, «
quomodo ait, Quia profecto à diuinita- «
te assumpta est natura nostra, non culpa. «
id est, non à peccato, propemodum cum
magno effatus Athanasio, qui hæc con-
tra Apolinarium impium scribit: Natus «
est ex muliere, de prima plasmatione ho- «
minis formam sibi erigens in ostensione «
carnis absque carnalibus voluntatibus, «
& humanis cogitationibus in imagine «
nouitatis. Voluntas enim sola diuinita-
tis est, quoniam natura tota diuinitatis
est. Denique Verbi propter nos secun-
dum carnem natiuitatis super nos pro-
gressio facta est. Non enim carnis vitio-
sa præcessit voluntas vel cogitatio, sicut

in nobis aspicitur, propter generis desiderium, quod à deceptione primi parentis obtinuit: sed voluntas diuinitatis sola per filium, qui secundum beneplacitum Patris, & cooperationem Spiritus sancti, propriam, vt dixi, per se operatus est incorporationem, gerens in se, & per se nouiter inuentum naturæ modum natiuitatis, & sine semine suam ipsius patrans conceptionem ex sancta Dei genitrice semperque Virgine Maria. Hac ergo ineffabili natiuitatis eius inspecta ratione, ille quidem voluntatem solam in eo diuinitatis dixit, hic vero voluntatē vnā Domini IESV CHRISTI. Quia pro-

» fectò, inquit, à diuinitate assumpta est
» natura nostra, nō culpa, absq; carnalibus
» voluntatibus, & humanis cogitationi-
» bus, vt sacratissimus Athanasius ait. Non
tamen perhibuit eum tanquam hominem, quia est quoque naturā Deus, non habere humanam voluntatem & naturalem, quemadmodum & diuinam at-

» que paternam. Id ipsum autem etiam in
» subsequētib; innuit, asserens, sine
» peccato conceptus est de Spiritu sancto,
» & sancta immaculata semperque Virgi-
» ne Dei genitrice Maria, & sine conta-

gione ex ea secundum carnem natus est. Diuinam quoque Scripturam in laudem & vituperationem profert carnis memoriam facere: non aliam, absit, natura & substantia Domini carnem, quàm nostram commonens intelligendam: qui etiam hanc sciebat assumptam ex nostra substantia, id est ex congenitæ nobis semper Virginis & Dei matris sanctis visceribus: sed alienam à vitio, & nullatenus legem præuaricationis habentem, si ut nos, in membris repugnantem spiritus legi. Non enim assumpta est, ait, à Salvatore caro à peccato corrupta, quæ repugnaret legi mentis eius. Cuius enim sementationem, quæ per peccatum efficitur, non præcessit generationis lex, huius omnino nec in membris est, sed lex diuinæ iustitiæ ad imaginationem nobis ostensa, & eam quoque, quæ ex præuaricatione naturæ illata est, perfectè demolitur. Venit enim sine peccato quærere & saluare quod perierat, id est naturam humani generis quæ peccauerat. Alia enim lex in membris eius, aut voluntas diuersa vel aduersa, non fuit in Salvatore. Hinc ostendit, non quòd non habuerit humanam vo-

luntatem & naturalem, (non enim hoc dixisse videtur) sed quòd sicut homo neque secundum corpus per membra quamlibet habeat præter naturæ leges operationem: neque rursus secundum animam voluntatis contrarium, vel sine ratione motum, veluti nos: quia & super legem natus est humanæ naturæ. Expressius autem & in subsequentiis comprobatur, quòd sermo sibi esset tātum, vitiatam & non naturalem à Salvatore determinandi voluntatem, & quòd in naturali ac humana ad paternam ac diuinam coaptaretur quidem, sed nullam haberet ad illam ex repugnatione diuersitatem. Normam autem dans nobis seipsum, quod propriè suum erat, voluntariè subiiciebat; commendabat verò paternum. Quatinus & nos imitari, quod nostrum est reprobato, quod diuinum est omni studio expleamus, di-

Joan. 6. 38 cens ita: Licet enim scriptum sit, *Non*

„*veni facere voluntatem meam, sed eius qui*

Marc. 14. *misit me Patris. Et, Non quod ego volo, sed*

36. „*quod tu Pater, non sunt hæc diuersæ vo-*

„*luntatis, id est, contrariæ ac repugnan-*

„*tis, sed dispensationis humanitatis as-*

„*sumptæ, quæ sua compassibiliter fecit*

quæ nostra sunt. Ista enim propter nos
dicebat, quibus dedit exemplum picta-
tis magister, ut sequamur vestigia eius,
& non suam unusquisque nostrum, sed
Domini potius in omnibus præferat vo-
luntatem. Non ergo interemptionem,
ut dixi, naturalis & humanæ voluntatis,
sed vitiosæ, ac eius quæ est extra natu-
ram, facit: & totum fateamur ab omni
peccato Deum liberum esse, testatur,
qui secundum nos propter nos incarna-
tus est. Et ut compendio dicam, per
vnam voluntatem, solam eius secundum
carnem natiuitatem eum diuinam præ-
cessisse voluntatem indicare, conicio.
Per id verò quod ait, non esse voluntatis
eius diuersitatem, contrarium vel repu-
gnans quid non eum habere perhibet,
sed conueniens & prorsus vnitum ex to-
to. Vnde cum nostram quidem naturam
de diuinitatis voluntate dicit assum-
ptam, vnius mentionem facit. Illud au-
tem quod introducit, *Non veni facere vo-*
luntatem meam, in medium verbo præpo-
nit omisso numero. Non sunt, inquit,
hæc diuersæ voluntatis, id est contrariæ
atque aduersatrici. Ex quo duas secun-
dum naturam existere in Salvatore vo-

Ioan. 6. 38

luntates manifestè colligitur. Si enim contrariam non habuit, naturalem habuit tanquam homo. Quod enim non est contrarium, naturale profectò est. Et nemo contradicit. Nihil quippe in natura, vel in his, quæ sunt secundum naturam, est omninò contrarium. Timor ergo est opinari, quod in eius propriè non est sermonibus scriptum, & moliri aduersarios propriæ opinionis tanquam non bonæ ad velamentum illius viri literas faciendum: secundum utrúmque has præter illius intentionem falsò referentes. Aduocatum quippe habet rationis sermonem omnem calumniatoris abigentem incursum. Et ego quidem sic se illius habere sensum existimo, ab omni suspitione purgatum. Certiorem autem mihi hunc sanctissimus fecit Presbyter, dominus videlicet ANASTASIUS Abbas à seniori Roma reuersus, vir scilicet incomparabilis, virtutèque diuina & prudentia venustatus: qui asserens, quòd multum sermonem mouerit ad sacratissimos magnæ illius Ecclesiæ viros, propter Epistolam, quæ ab eo fuerat ad Sergium scripta, percontans cuius rei gratiâ, vel qualiter in ea inserta fuerit

fuerit vna voluntas, & inuenit hæsitantes in hoc, & rationem reddentes. Insuper & cum, qui hanc per iussionem eius Latinis dictauerit dictionibus, dominum videlicet Abbatem IOANNEM sanctissimum symponum, affirmantem, quod nullomodo mentionem in ea per numerum fecerit vnus omnimodis voluntatis: licet hoc nunc sit fictum ab his, qui hanc in Græcam vocem interpretati sunt: verum nec quamlibet exinanitionem vel abolitionem naturalis secundum humanitatem Saluatoris voluntatis, sed eius quæ nostra est, & reprobata, perfectam deiectionem & interemptionem. Iuxta quod & in inuicem eorum quæ vnus generis sunt efficitur bellum. Ostendere volens, ab omni esse peccato mundam assumptam carnem, secundum sacratissimorum eloquiorum, & paternarum doctrinarum traditionem. & apparet qualiter huiusmodi sermones concinentes sint cum his, quæ modo sunt ab exiguitate mea recitata, & veluti astipulatores factæ pro HONORIO defensionis. Ego, cum hæc ille ratiocinando respondisset, miratus sum, oppidò cognoscens subti-

litem ipsorum, & obstupui quodammodo super astutia eorum, qui pro vno frustra omnia gerere impie audent, & volunt, sicut eis ab olim moris, & nunc est, furtius & falsis narrationibus, eos, qui contra se magnanimiter agonizant, taliter, quin & absque omni ratione ad se ipsos attrahere, & sensum fraudare, qui se nullatenus sequitur. Necessario ergo & hoc cum didicissem, significavi tibi domino, honorabilis Pater, quatinus per omnia munitus, habeas qualiter insequaris aduersariorum phalanges, verboque indefessè iaciens, & fide potenter superans, gloriámque hinc Vnigeniti in præconium habens, & diadema huius communionem per gratiam & unitatem.

DIFFLORATIO
 EX EPISTOLA
 EIVSDEM S. MAXIMI
 SCRIPTA AD PETRUM
 Illustrem,

Vbi Pyrrhi & sancti Sophronij Hierosolymitani Episcopi, atque Papæ Honorij mentionem facit, ita post aliqua prosequutus.



ESTRIS laudabilibus syllabis dignatus es significare indigno seruo tuo propter Abbatem Pyrrhum. *Et post pauca.* Et futurum profectò esset, ut hac fortè pro causa ad redargutionem illius & omnium, qui secundum illum impiam nouitatem sectantur indifferenter, ad diuinitus conseruanda tua & famosissima vestigia properarem. Quatinus scirent omnes, qui secundum vos pietatis sunt amatores, illorum vna

cum omni prorsus inscitia, impietatis quoque superfluam abundantiam. Sed timui ne putarer extra sacra quicquam agere iura, præter voluntatem hoc faciens sanctissimæ Sedis Apostolicorum virorum, qui vniuersam plenitudinem, Catholicæ Ecclesiæ benè ducunt, & ordinatè secundum diuinam legem deducunt. Quoniam hæc diuina videlicet lege consistunt cælestia & terrestria, & oportet ab ea nequaquam exorbitare, sed quæ sunt diuina secundum Deum agere illos, qui sanctè secundum vos viuere proposuerint: quatinus & Deum gestorum habeant curatorem, & sine successu receptionem. Quoniam, famosissime domine, peior his est, quod & antea intimaui, etiam ab antiquis hæreticis noua fides & expositio. Hanc enim multis quibus perdurauit annis in Episcopatu ad manifestationem reprobæ mentis suæ, (nam Deus & ad nequitia propalationem sæpè nouit longanimitè sustinere: non vt hanc ampliorem per inducias reddat, sed vt hanc ampliorem factam iustius puniat) decessor quidem eius impiè in vtero aluit, iste verò magis impiè genuit. & rursus posteriores ho-

rum in contemptum excolunt diuinitatis. *Et paulo pòst.* Et quod adhuc deterior illis est mos, & veluti speciale omnium peruerforum hæreticorum indicium, quia & suæ ipsius impietatis obnoxios, describunt innoxios. Sophronium quippe, qui prudenter diuina perdocuit & prædicauit Ecclesiæ Catholicæ dogmata, se in errorem mouisse hac illacque suffurrant. *Et post pauxillum.* Diuinus enim Sophronius, vt ipsi testamini, laudabilissimi, in Afrorum regione mecum & cum omnibus peregrinis Monachis moras agebat, cùm ipsi peruersitates illas fabricarent aduersus omnes. *Et post pusilla.* Et erat quidem domus omnium per diuinam concordiam & vnanimitatem in vnum Dei fauente gratia in vniuersitate, quæ sub sole consistit, pacifica & tranquilla fide munitis Ecclesiis. Hi verò, qui horum inuidebant consonantia, ac in Christum Deum confessioni, veluti quandam caliginosam nubem, & stridentem vel grauem fluctum maris ac barbarorum, nemine hos mouente, quàm solo dæmone turbationis amico, qui genus humanum ad simultatem concitauit, repentè contra veram Christia-

norum fidem nouam excogitauerunt
 eccl̃esiam. Deinde sententias pro ea, &
 compositiones iniustas. Dein actiones
 monumentorum. Deinde Synodos la-
 trocinales, & concursus Episcoporum
 non voto conuenientium, sed violentia
 contractorum, non exhortatione pro-
 perantium, sed ex fuga barbarorum per-
 egrè proficiscentium. Dein iussiones &
 minas huc atque illuc aduersus pios
 transmissas, Nam eum, qui tunc impe-
 rabat, sophisticè muneribus in seruitu-
 tem redigentes. *Et post pauca.* Ex proprio
 nomine viro eccl̃esiam producere persua-
 serunt. *Paulo post.* Fit autem horum ini-
 micus pariter & defensor, an potius asse-
 rendum fautor & accusator horum pu-
 blicans argumentum : & innotescens
 quòd ipse nequaquam ex se fuerit mo-
 tus, sed ab illis coactus, impiissimam fe-
 cerit eccl̃esiam in scriptis pro se ipso hæc
 dicens, & rationem reddens Ioanni san-
 ctæ memoriæ quondam Papæ senioris
 Romæ. *Et post pauxillum.* Conuincunt
 autem seipsos, quòd isti valde manife-
 stè fortissimi hanc fecerint, & nullate-
 nus ille. Neque enim quodlibet super
 hoc habuit studium, vt pote ad alia cir-

cumlatus. *Post breuia.* De quibus omnibus miseri nec sensus Apostolicæ facti sunt sedis, & quod est risu, immodè, ut magis propriè dicamus, lamento dignissimum, ut potè illorum demonstratiuum audaciæ, nec aduersus ipsam Apostolicam Sedem mentiri temerè pigritati sunt: sed quasi illius effecti consilij, & veluti quodam ab ea recepto decreto, in suis contextis pro impia cæthesi actionibus secum magnum HONORIVM acceperunt, suæ præsumptionis ostentationem ad alios facientes viri in causa pietatis maximam eminentiam. Quis itaque, ô famosissime, & qualis Sophronius hæc & tam atrociter & per tantum temporis facere his falsiloquis persuasit? quæ hos non rogauit Ecclesia? quis pius & orthodoxus non supplicauit Antistes, cessare illos à propria hæresi clamando & obtestando? Siquidem vltima sua expirabat sacer Archadius, & spiritum Deo tradebat, sed nec vsque ad horam illam eos rogare cessauit. *Et post pauca.* Quid autem & diuinus HONORIVS, quid verò & post illum Seuerinus senex, quid denique & is, qui post hunc extitit, sacer Ioannes? Porro is qui nunc præsider

beatissimus Papa, omisit quicquam supplicationi conueniens? Nónne Oriens totus & Occidens lacrymas, lamenta, obsecrationes, deprecationes ex æquo tam Deo per orationes, quàm his per Epistolas afferebant? Sed Deus quidem horum profecto beatorum virorum fidem admisit, & pro ea vicissitudinem in sæcula conseruauit. Illi autem Domini contemnentes inducias, ad conuersionem hos benignè cohortantes, & horum egregiorum facta per tot tempora supplicatione torpentes, suæ nequaquam passi sunt cælestem fidem præferre. *Post aliqua.* Diuinus ergo magnúsque Sophronius tunc Alexandriam veniens, mox ex prima lectione (dederat enim etiam ipsi Cyrus ad retractandum illa nouem impietatis capitula) lugubre quiddam & ingens vociferatus, fontes emittebat lacrymarum, illú feruidè obsecrans, supplicans, exostulans, in pauiamento ipsius vestigijs prouolutus, quo nihil horum super ambonem contra Catholicam Dei Ecclesiam prædicaret, quippe cùm hæc liquidò impij essent Apolinarij dogmata. *Et paulo post.* Taliter viri, ô mihi præ omnibus reueren-

dum caput, diuina Deo perosis insultationibus, & inuicem scenicis quodammodo illusionibus lacerabant, & sacratissimum Sophronium tam miserabiliter lamentatum, vtpote contritionem more cuiusdam secundi Hieremiæ Catholicæ deflentem Ecclesiæ, tantumque diuinorum lapsum benè valde & compatiensimè dogmatum deplorantem, nullatenus consolati sunt. *Et post nonnulla.* Si enim Romana Sedes non solum reprobum Pyrrhum, sed & malè sentientem & malè credentem non nescit, perspicuum profectò est, quia omnis, qui eos, qui Pyrrhum reprobauerunt, anathematizat, Sedem Romanam, id est Catholicam Ecclesiam anathematizat. Omitto enim dicere, quia vtique & seipsum, qui talis est, si duntaxat Sedi Romanæ communicat, Catholicæque Dei Ecclesiæ. Obsecro igitur, benedicte domine mi, præcipere omnibus, ne Pyrrhum sanctissimum vel almificum nominent. Neque enim tale quid sacra regula eum vocari permittit. A cuncta enim cecidit sanctitate, qui nimirum ab Ecclesia Catholica sponte profiliit. Non enim fas est illum ex quacúmque laude

cognominari, qui iam olim damnatus est & abiectus ab Apostolica Sede Romanæ urbis, ob externæ sensum opinionis, donec ab ea recipiatur conuersus ad ipsam, immò ad Dominum Deum nostrum perpiam confessionem, & orthodoxam fidem, qua sanctificationem recipiat, sanctumque vocabulum. Itaque si vult hæreticus neque esse, neque audiri, non isti aut illi satisfaciat, superfluum quippe hoc & irrationabile est. quia sicut vno contra eum scandalizato omnes scandalizati sunt, ita quoque vno satisfacto, omnes proculdubio satisfiunt. Festinet pro omnibus Sedi Romanæ satisfacere. Hac enim satisfacta, communiter vbi que omnes pium hunc & orthodoxum prædicabunt. Nam frustra solummodò loquiritur, qui mihi similes suadendos ac furripiendos putat, & non satisfacit & implorat sanctissimæ Romanorum Ecclesiæ beatissimum Papam, id est Apostolicam Sedem, quæ ab ipso incarnato Dei Verbo, sed & omnibus sanctis Synodis, secundum sacros canones & terminos, vniuersarum, quæ in toto terrarum orbe sunt, sanctarum Dei Ecclesiarum in omnibus & per omnia percepit

& habet imperium, auctoritatem & potestatem ligandi, atque soluendi. Cum hoc enim ligat & soluit etiam in cœlo Verbum, quod cœlestibus virtutibus principatur. Si enim alios quidem satisfaciendos ducit, & beatissimum Romanum Papam nequaquam implorat, simile quiddam agit ei, qui fortè homicidij, vel alterius cuiusdam criminis redarguitur, & insontem se non ei, qui secundum leges iudicandi iura sortitus est, exhibere festinat: sed tantum inutiliter & sine lucro aliis & priuatis hominibus munditiam monstrare sui satagit actus, qui nullam habeant se soluendi à crimine potestatem. Quapropter, benedite mi domine, adhuc magis extende præceptionem, quæ benè vobis & secundum placitum Dei visa fuisse dinoscitur, quo nemini licentiam habeat iste quicquam loqui & obloqui dogmatis causa. Sed liquidò discite voluntatem huius abundantius inuestigantes, si velit annuere penitus veritati: & si hoc agere studuerit, & ad id secundum rationem accelerat, hortamini eum suggestionem conuenienter facere ad beatissimum Papam Romanum: quatinus sic per illius

diuinam præceptionem, regulariter quæ circa ipsum sunt & decentissimè moderetur ad gloriam Dei, & vestræ laudem sublimitatis.

EXCERPTVM EX EPISTOLA

S. MAXIMI DE PROCESSIONE

Spiritus sancti,

*Scripta ad Marinum Presbyterum
Cyprium.*

NON in tot huius sanctissimi Papæ Synodica, quot scripsistis, capitulis Constantinopolitani reprehenderunt, sed in duobus tantum. Quorum alterum est de diuinitatis ratione, quia dixit, aiunt, procedere etiam ex Filio Spiritum sanctum. Alterum verò de diuina incarnatione, quoniam scripsit, inquit, absque originali & actuali peccato Dominum esse. Et in priore quidem consonantia protulerunt testimonia Latinorum Patrum, necnon & Cyrilli Alexandrini de

sacro ipsius opere, quod in sanctum Euangelistam fecit Ioannem. ex quibus non causam Spiritus sancti filium se facere monstrauerunt. Vnam enim norunt causam Filij ac Spiritus esse Patrem: alterius quidem secundum generationem, alterius verò secundum emissionem: sed vt hunc per eum prodire insinuarent, & hac substantiæ communionem & indissimilitudinem demonstrarent. In posteriori autem non est opus omnino defensione. Quæ enim in hoc sit altercatio, quamuis ita calumniatoribus ob suam peruersitatem videatur? Verùm profecuti sunt, dicentes, quòd nec in mente habuerit peccatum, secundum quod primus vitiatus fuisse apparet Adam, nec actionem mali & operationem. Ergo isti quidem hæc, de quibus non rationabiliter impetiti sunt: illi autem, de quibus & valde iustè, nullam nunc vsque fecerunt apologiam, quia nec abiectiorem eorum, quæ ab eis introducta sunt. Porro, secundum iussionem vestram, rogaui Romanos interpretari propria dicta, causâ furtiuas aduersantium surreptiones effugiendi. Verumtamen more obtinente ita faciendi

46 *S. Maximi Ep. ad Mar. Presb.*

atque mittendi, nescio vtrum consentiant. Alias autem nec valent in aliena dictione ac voce sensum suum, sicut in propria vel alumna, subtili exprimere diligentia, vel etiam quemadmodum nos in nostra nostrum.



SYNODICA

SANCTISSIMI

THEODORI PAPÆ,
AD PAVLVM PATRIARCHAM
Constantinopoli-
tanum.



YNODICAS fraternitatis vestræ literas datas per Georgium Presbyterum & Petrum Diaconum nos suscepisse significamus. quarum percurrentes textum, inuenimus eam inter spem & metum, quemadmodum inter fidum gemini litoris portum confidentem pariter & fluctuantem, & non frustra. Nam sacerdotium graue onus est, quod scilicet aliorum vitæ cura fatigat, **2. cor. 12.** iuxta quod scriptum est, *Quis infirmatur, 29.*

48 *Synodica Theodori Papæ,*

Et ego non infirmor? quis scandalizatur, & ego non uror? Et quanto metu sacerdotalis mens concutitur, ne fortè per silentium vel immoderatum eloquium maculetur, tanto spe & maxima propriæ fortitudinis penna ad altitudinem subleuatur, quando de subiectorum profectu gratu-

Prov. 14. 4. latur. Scriptum est enim: Vbi plurimæ segetes, ibi manifesta fortitudo bouum. Hinc

ibid. 6. 1. » econtrà metus reuerberat. Scriptum namque est, Fili mi, si sponderis pro amico tuo, defixisti apud extraneum manum tuam.

- » Illaqueatus es verbis oris tui, & captus propriis sermonibus. Fac ergo quod dico, fili mi, & » temetipsum libera, quia incidisti in manum proximi tui. Discurre, festina, suscita amicum tuum: ne dederis somnum oculis tuis, nec dormitent palpebre tue. Erue quasi damula de manu, & quasi avis de insidiis aucupis. Audiuimus, dilectissime frater, per timorem periculum nostrum, audiamus per spem repromissum consolationum solati-*

Num. 18. 20. tium. Ego sum, inquit Deus, pars hereditatis tue. Et iterum: Sacerdotes tui induant

Psal. 131. 9 iustitiam. Timor autem concutit, cùm Luc. 12. 48 aliàs dicitur: Cui multum creditur, multum

sap. 6. 7. ab eo exigitur. Et iterum: Potentes potenter tormenta patientur. Et rursus spes nos refouet,

Ad Paulum Patriarcham Const. 49

refouet, vbi ait: *Labia Sacerdotis custodient Mel. & scientiam, & legem exquirent ex ore eius, quoniam Angelus Domini exercituum est.* Inter tot ergo procellas atque tranquillos fluctus æstuaræ profundum, quid aliud est nisi in portu asperrimi litoris nauimentis nostræ tempestatibus concuti? Sed quia maiorem fiduciam ex longanimitate Dei Euan geliorû habere cognoscimur, spe gaudentes huiusmodi æstum nullo modo formidamus. Nos ergo quid nisi dispensatores vnius pastoris sumus? Ipso enim pascente pascimus, & regente regimus, quoniam omnes sub eodem pastore cum ouibus ipsius oues pascuæ sumus. Neque enim nostris viribus, sed Dei gratiæ deputamus quod sumus. Tantum restat, vt cum diuino auxilio petendo, quærendo, pulsando, fide & opere donum gratiæ irreprehensibiliter exhibere possimus, quo concutatis vitiis virtutum repromissa præmia percipere mereamur. Superbia, quæ est initium omnis peccati, longè à Sacerdotum mentibus fiat. Auaritia rursus, quæ est idolorum seruitus, atque omnium malorum radix, abscisa, & à turbine pulueris sui procul amota destruat,ur.

quæ excæcat etiam oculos sapientum. Dilectionem igitur omnium virtutum matrem, sine qua nihil perficitur, & in qua omnes virtutes pacis completæ vinculo indissolubiliter continentur, fide recta & spe certa studio indefinente teneamus. Et quoniam fide hominum corda purgantur, lecti apices dilectionis vestrę limpida fidei fluentia vos de fontibus Saluatoris hausisse, & sicut prædicamus prædicare, & quemadmodum credimus credere, & sicuti docemus indiminutè docere manifestarunt. His ergo ita se habentibus, cum ea quæ à Pyrrho aduersus Apostolicam fidem nostram ad subuersionem Synodaliū decretorū prolata sunt, tam per dogma Sedis Apostolicæ, quod expositum est à prædecessore nostro, quàm per iussione[m] filij nostri mansuetissimi Principis destructa sint: quamobrem fraternitas tua à publicis locis Chartam, quæ suspensa pridemque cassata fuerat, non abstulit? quæ scilicet scandalum sanctis Dei Ecclesiis non modicum intulit. Corde enim creditur ad iustitiam, ore autem confessio fit in salutem. Si deiciendum ergo eiusdem Pyrrhi conamen fraternitas vestra

Ad Paulum Patriarcham Const. si
ducit, qua pro causa prædictam Char-
tam de pariete non deposuit? Nemo
quippe quod abominatur colit. Si au-
tem, quod absit, huiusmodi scriptum
amplectitur, cuius rei gratia nobis hoc
per propria Synodica sua minimè pate-
fecit? Neutrū enim sine horum alterius
dejectione indemniter stare potest. Nam
si recta fides, quæ à tot Conciliis roborata
est, ab Heraclio & Pyrrho cum qua-
dam additione & emendatione corrigi-
tur: ergo fides à Patribus subtiliter exa-
minata commoueri cognoscitur, & mor-
tui vacua spe beatitudinis deciderunt,
quod auertat Deus à fidelium cordibus.
Hi enim qui defuncti sunt minimè pe-
rierunt. Pretiosa namque in conspectu
Domini mors Sanctorum eius. Et qui
viunt in hac fide, mundi effecti sunt:
Patrumque dogma signata fide verum
& pium firmiter est posteris traditum.
Restat igitur, quod contra fidem pro-
mulgatum est, irritum fiat, & cum aucto-
re proprio destruat. Porro, mirati su-
mus quia Episcopi, qui fraternitatem
tuam consecrauerunt, sanctissimum il-
lum in literis suis dixerunt. Sed & quia
propter vulgarem turbationē & odium

Ecclesiæ hunc Constantinopolitanæ abrenunciassse significauerunt. Propter quod etiam in ambiguitate positi, quæ à fraternitate vestra scripta sunt iudicaueramus ad modicum quid differre, donec iam dictus Pyrrhus ab Episcopatu Ecclesiæ Constantinopolitanæ pelleretur. Nam turbatio & odium populi Episcopatus gradum nescit auferre. Canonica enim vindicta super eo debuerat prouenire, quo fraternitatis tuæ consecratio irreprehensibilis & firma consistat. Scri-

Rom. 7. 2. ptum est enim, *Si vir eius mortuus fuerit, soluta est à lege viri. Si autem vir eius uiuit, adultera vocabitur si fuerit cum alio viro. Erunt enim duo in carne una. Mysterium autem hoc magnum est*, ait Apostolus; *Ego autem dico in Christo & Ecclesia.* Etenim licet indigni simus, locum tamen eius in Ecclesiis adimplemus. Viuentem itaque prædicto Pyrrho, & nondum naturâ vel culpâ extincto, ne forte fieret schisma oportuerat præcaueri. Vt ergo fraternitatis vestræ sacerdotalis robustior ordo permaneat, oportet debitum aduersus eum colligi Episcoporum ex propinqui-

Ephes. 5.
32.

bus locis conuentum. Præcepimus enim super hoc etiam carissimis filiis nostris

Ad Paulum Patriarcham Const. 53

Serico Archidiacono, & Martino Diacono, & Apocrisario, quibus & locum nostrum ad huius rei deliberationem credimus: quatinus cum fraternitate vestra prædicti Pyrrhi culpa regulariter exquiratur. Non enim præsentia eius necessaria est, ubi excessus eius, & scripta veritati repugnantia præsto sunt, ut cum de his diiudicatur, modis omnibus condemnetur. Primò quidem, quoniam Heraclium, qui anathematizauit inuiolabilem orthodoxorum Patrum fidem, diuersis laudibus extulit, & sophisticam iussionem ipsius, in qua quasi symbolum fidei composuit, subscribendo firmavit, furtiuisque surreptionibus quosdam Sacerdotes apud se singulatim prædictam Chartam roborare coegit, & in publicis locis suspendere ad destructionem Chalcedonensis Concilij audaci transgressione præsumpsit. Vnde non modicum dissensionis scandalum Ecclesiis Dei disseminavit, & obtestatione conuentus à decessore nostro corrigi paruipendit. His igitur & aliis in Synodo fraternitatis vestræ requisitis, canonicæ hunc executioni summittite, ut sacerdotali ordine & Episcopali legissa-

D iij

tione, ac regulariter eo sacerdotio denu-
 dato, non solum fides illibata perma-
 neat, sed & fraternitatis vestræ gradus
 Episcopalis firmior conseruetur. At ve-
 rò, si diligenter fraternitas vestra, dum
 consiliatur, perspexerit fautores iam di-
 cti Pyrrhi circumstrepere, & senseritis
 crebrò, insolèter presenti negotio quod
 diffiniendum est impedimentum per di-
 lationem afferre, vt proprium com-
 pleant quandòque consilium, vobis
 contradicentes, nisi iuxta votum suum
 quicquam proueniat. & si ob hoc frater-
 nitatem vestram obnoxiam facere, vel
 etiam schisma de eadem persona tem-
 ptauerint, possibile est vt abscidatur
 etiam in huiusmodi capitulo talis versu-
 tiarum ipsorum intentio, & obtineatur
 iussio à Domino nostro & filio Christia-
 nissimi Principis, quoniam de hoc eni-
 xiùs cum per literas nostras poposci-
 mus, vt scilicet sæpè dictum Pyrrhum
 ad hanc Romanam urbem iubeat mitti,
 quatinus conuentu Synodico à nobis
 effecto, pro sua temeritate iudicetur. Sic
 enim & fraternitatis vestræ Episcopalis
 dignitas omni futuro contrariorum
schismati firmior apparere valebit, &

scandalum nouitatis ab orthodoxa fide
pulsus necabitur, atque Dei Ecclesia
continuat paci donabitur. Deleri nam-
que ab Ecclesia Dei scandala debent, &
extirpari. Multa enim possunt oriri dis-
fensionis zizania contra promotionem
fraternitatis tuæ, nisi canonica falce ne
proficiant radicitus rescindantur. Si qui-
dem cum patitur vnum membrum, com-
patiuntur reliqua corporis membra. Absit
ergo, ut schismata & dissensiones pro-
ueniant, secundum quod & mansuetis-
simum dominum & filium nostrum
Principem per literas nostras petiuimus,
quo ab Episcopatu fraternitatis vestræ
omnia quæ nuper exorta sunt scandala
recidantur, & nos quidem veluti frater-
na viscera condolentibus prouidentia
nostræ medelam afferentes appareamus.
Verumtamen prædictam Chartam, quæ
contra orthodoxam fidem & Chalcedo-
nense Concilium sophisticè probatur
exposita, cunctis viribus irritam esse de-
liberamus, & vinculo anathematis refu-
tatam, atque ut à nobis & ab omnibus or-
thodoxis Episcopis abominatam respui-
mus. Sufficit namque nobis fides, quam
sancti Apostoli prædicauerunt, Conci-

lia firmaverunt, & sancti Patres confignaverunt, per quam renati & docti facti sumus, quàmque docemus, nullum augmentum in Symbolo fidei, quod à Synodis est firmatum, recipientes. Anathema his qui addunt, anathema qui demunt sancto mathemati, id est symbolo, quod in Concilio Nicæno definitum, Constantinopolique firmatum, & in Ephesino primo, atque Chalcedone, à sanctis & orthodoxis Patribus, qui in Catholica fide floruerunt, gratiâ sancti est Spiritus stabilitum. Hæc & his similia concordi sensu fraternitas vestra prædicando nobiscum ore & opere confiteatur. Similiter autem anathematizantes omnes hæreses & auctores earum, ut id ipsum dicamus omnes, sicut scriptum est, & schismata nullomodo germinent in Ecclesiis Dei, quæ spirituali iam & bis acuto sententiæ gladio sunt recisa. Porro præsentem literarum latorem fraternitati vestræ in omnibus commendamus, quoniam & mores eius exigunt, ut eum vobis nos commendare debeamus: quia manifestè vestram nobis præsentiam exhibere venerabilitas eius atque perfectio morum dinoscitur.

EXEMPLAR PROPOSITIONIS
TRANSMISSÆ CONSTAN-
tinopolim

A THEODORO SANCTISSIMO
Papa Romano.

DOMINVS ac saluator noster
in Euangeliiis Apostolis suis
ita dixit, *Quicumque soluerit* Mat. 5. 19.
unum de mandatis istis minimis,
& docuerit sic homines, minimus vocabitur in
regno cælorum. Sed & alia Scriptura dicit,
Ne transferas terminos æternos, quos posuerunt Prov. 22.
patres tui. His ergo sic se habentibus, ad 28.
notitiam fraternitatis vestræ deducimus,
quia Pyrrhus, qui quondam Ecclesiæ
Constantinopoleos Episcopatum surri-
puit, & instar lupi sub prætextu pastoris
latitabat, contra orthodoxam fidem cor-
nu bellico erecto, quædam nouitatis fi-
gmenta composuit, & Chartis à se dicta-
tis, quosdam furtiuus ac surreptitiis mo-
dis subscribere compulit Sacerdotes:
versutè gerens, vt hæreticum præsum-
ptionis suæ dogma surreptis aliorum

58 *Propositio a Theodoro Papa Rom.*
Subscriptionibus stabiliret, & veluti nouum mathema contra colendum, nobisque traditum à sanctis Patribus Symbolum componere conaretur. Et quoniam in Chalcedonensi Concilio anathema positum est his, qui addiderint, vel dempserint quid in fide, quæ à tot patribus est roborata: huius rei gratiâ dilectionem vestram præmunire consideraui-
mus, vt his quæ à prædicto Pyrrho aduersus Apostolicam fidem præsumpta sunt reprobatis, eandem fidem sicut & fisci sumus retineatis, quam ex ipso lacte vberum sanctæ Ecclesiæ simul suxistis, vniuersa temerariæ nouitatis deliraméta destruentes. Nos enim tam per alias literas, quàm per decretum præsentis propositionis, omnia quæ contra orthodoxam & Apostolicam fidem nostram ab eiusdem Pyrrhi noua & temeraria vanitate introducta sunt abominantes, simulque cum Charta, quæ proposita, & in publicis locis ab eo suspensa est, anathematizantes, volumus omnes illa sapere, id est tenere, quæ sancti Apostoli traderunt, & Patres qui in orthodoxa fide floruerunt, posteris tradita per sancta quinque Concilia firmauerunt.

THEODORI SANCTISSIMI
 PAPÆ AD EPISCOPOS QUI
 consecrauerunt Paulum Patriar-
 cham Constantinopolitanum
 propter Pyrrhum ex Patriarcha.

LITERAS fraternitatis ve-
 stræ, per quas nobis de pro-
 motione PAULI fratris &
 Coepiscopi nostri signifi-
 castis, suscepimus: & gaudi-
 fi quidem super huius sumus ordinatio-
 ne. Sed futura mœstitia huic videlicet
 successura, propter zizania, quæ nascitu-
 ra fore sperantur, animum nostrum val-
 de concussit, nisi diligentissima manu &
 cautissimâ cura priusquàm crescant, &
 dominicam messem suffocent, extirpen-
 tur. Debuerat igitur Pyrrhus, qui san-
 ctis Dei Ecclesiis scandalum seminauit,
 canonicæ prius animaduersioni summit-
 ti, & tum prælatus frater noster Paulus
 sacrari: ne fortè tempore aliquo de eie-
 ctione sua quampiam se putet querimo-
 niam obiecturum, quòd odium sustinuerit.

rit populare, & vi pulsus libellum dederit, & suam Ecclesiam refutauerit, sicut nobis fraternitas vestra per literas suas significauit. Facile quippè mutantur homines, & quidem aliquando ex odio ad dilectionem assurgunt, aliquando verò à dilectione in odium dilabuntur. Quæ ergo pro causa, quæ dissimulari futura sunt prouido non contemplantur obtutu? ne fortè proueniens scandalum variis simultatibus Ecclesiam Dei discindat. Sunt capitula, quibus prædictus Pyrrhus canonicè potest ab omni sacerdotali ordine pelli. Primùm quidem, quia Heraclium, qui anathematizauit Catholicam fidem & Patres orthodoxè sentientes, in literis suis laudibus extulit, & per surreptionem, per quosdam Sacerdotes qui subscripserant, sophisticam quoque Chartam aduersus Apostolicam fidem confirmare præsumpsit, & in publicis locis suspendere festinauit, quasi nouam fidem & symbolum suscitans contra sanctam Chalcedonensem Synodum: poenam minimè veritus æterni iudicii, & anathema quod positum est in eadem Chalcedonensium Synodo, quod nemo vnquam sancto mathemati, id est

Qui Paulum Patr. consecrauerunt. 61
colendo Symbolo, quicquam addere vel
minuere audere pertemptet. Prædictus
autem Pyrrhus nec protestatione con-
uentus à prauitate sua recedere passus
est. Ideò ergo iam memoratam Chartam
abominantes, & omnia quæ crebrò di-
ctus Pyrrhus contra fidem molitus est,
anathematizantes, quin etiam nunc ite-
rum atque iterum anathematizamus: il-
la tantum amplectentes, quæ sancti nobis
Patres in synodis tradiderunt; nihil fi-
dei addentes, nec auferentes. Et idcirco
quæ in personam prædicti Pyrrhi diffi-
nierimus, in literis quas ad iam memo-
ratum fratrem & Coepiscopum nostrum
misimus agnoscetis. Vt igitur scandalum
minimè futuro tempore generetur, se-
cundum præfixum modum diligenter
sacra prouidentia extinguere curet. Et
res quidem ipsa nos magis ad tribulatio-
nem prouocauit, & nascitura zizania cō-
iecturis probabilibus informauit, quo-
niam per literas vestras prædictum Pyr-
rhum sanctissimum nominastis. Si enim
alia taceamus, & nihil omninò peccauit
aut in religionem, aut in doctrinam fi-
dei, & nec vna culpa eum damnavit;
quamobrem de propria est eiectus Ec-

rit popularé, & vi pulsus libellum dederit, & suam Ecclesiam refutauerit, sicut nobis fraternitas vestra per literas suas significauit. Facile quippè mutantur homines, & quidem aliquando ex odio ad dilectionem assurgunt, aliquando verò à dilectione in odium dilabuntur. Quæ ergo pro causa, quæ dissimulari futura sunt prouido non contemplantur obtutu? ne fortè proueniens scandalum variis simultatibus Ecclesiam Dei discindat. Sunt capitula, quibus prædictus Pyrrhus canonicè potest ab omni sacerdotali ordine pelli. Primùm quidem, quia Heraclium, qui anathematizauit Catholicam fidem & Patres orthodoxè sentientes, in literis suis laudibus extulit, & per surreptionem, per quosdam Sacerdotes qui subscripserant, sophisticam quoque Chartam aduersus Apostolicam fidem confirmare præsumpsit, & in publicis locis suspendere festinauit, quasi nouam fidem & symbolum suscitans contra sanctam Chalcedonensem Synodum: pœnam minimè veritus æterni iudicij, & anathema quod positum est in eadem Chalcedonensium Synodo, quo nemo vnquam sancto mathemati, id est

Qui Paulum Patr. consecrauerunt. 61
colendo Symbolo, quicquam addere vel
minuere audere pertemptet. Prædictus
autem Pyrrhus nec protestatione con-
uentus à prauitate sua recedere passus
est. Idè ergo iam memoratam Chartam
abominantes, & omnia quæ crebrò di-
ctus Pyrrhus contra fidem molitus est,
anathematizantes, quin etiam nunc ite-
rum atque iterum anathematizamus: il-
la tantum amplectentes, quæ sancti nobis
Patres in synodis tradiderunt; nihil fi-
dei addentes, nec auferentes. Et idcirco
quæ in personam prædicti Pyrrhi diffi-
nierimus, in literis quas ad iam memo-
ratum fratrem & Coepiscopum nostrum
misimus agnoscetis. Vt igitur scandalum
minimè futuro tempore generetur, se-
cundum præfixum modum diligenter
sacra prouidentia extinguere curet. Et
res quidem ipsa nos magis ad tribulatio-
nem prouocauit, & nascitura zizania cō-
iecturis probabilibus informauit, quo-
niam per literas vestras prædictum Pyr-
rhum sanctissimum nominastis. Si enim
alia taceamus, & nihil omninò peccauit
aut in religionem, aut in doctrinam fi-
dei, & nec vna culpa eum damnauit;
quamobrem de propria est eiectus Ec-

62 *Theodori Papæ ad Episcopos.*

clesia? Sed fortasse quis dixerit, generale hoc odium fecit. Sed vulgaris tumultus ius sacerdotij auferre non potest, nec odium sacro quemquam ordine denu-
dare. Manifestæ quippe sunt canonicæ causæ, quæ iura sacerdotij recidere possunt. Nisi enim naturæ causa Præsul extinguatur, Ecclesiam eius alius non potest irreprehensibiliter apprehendere. Et hæc quidem non contradicentes ordinationi prædicti fratris nostri Pauli scribimus, sed vulnus latens & absconsum medente manu adaperimus, ne in vitalia viscera serpere possit, omnem immunditiam fœtidæ putredinis medicinaliter exhaurientes, & quæ possunt fieri diligentiam prouidæ incisionis penetrantes, non ut hæc fiant optantes. Nam prædictum fratrem nostrum in visceribus mentis nostræ complectimur & fouemus: sed ne schismata fiant fraterna prouidentia & affectione dilectionis terremur: quatinus Episcopatus eius manus impositio nullomodo maculetur. Denique interemptis & suffocatis schismatibus, & fides quoque orthodoxa, quæ tot spiritualibus paradisi florum odoribus, per agricolas Christi Dei no-

Qui Paulum Patr. consecraverunt. 63
ftri, sanctos videlicet Apostolos, eluxit,
nullatenus aliquibus zizaniorum spinis
poterit fauciari.

C O M M E M O R A T I O
Q V I D L E G A T I R O M A N I
Constantinopoli
gesserint,

*Ex Epistola sancti Maximi scripta ad
Abbatem Thalassium.*



IN his & huiusmodi esse te,
Pater, sciens, & sola quæ il-
lius sunt præ omnibus in ge-
neratione nostra omni stu-
dio procurare cognoscens;
oportere ratus sum virtutem innotescere
tibi eorum, quæ modo ab vrbe mihi fe-
licissima scripta sunt à quibusdam reue-
rendis viris, & tecum ex toto corde dili-
gentibus Deum, causa dogmatum ca-
tholicæ sanctæ ac Apostolicæ ipsius Ec-
clesiæ. Significauerunt enim quòd mul-

ta huius rei gratia & proluxa quædam in ea facta sit motio, id est in regia vrbe à sacratis illius Ecclesiasticis viris: & priùs quidem, sed præcipuè per idem tempus, quando illic missos in causa promotionis Papæ cum delatis decretis Apocrisiarios susceperunt. Tunc enim, tunc post plurimos sermones, quos ad eos causâ consecrationis mouerunt, nouissimè ad effectum eius, atque ad ipsius desiderij completionem, protulerunt eis dogmaticam Chartam nunc ab eis expositam, asserentes, Non aliter vobis in capitulo, pro quo tantum transigentes nauigium huc venistis, fauorem præstabimus, nisi priùs vos suasuros ei qui sacrandus est profiteamini, huic Chartæ suscribere, & dogmatibus quæ in ea continentur exceptis dilationibus consentire. At illi eorum quæ prætendebantur sibi virtute comperta, & quòd hac pro causa tanto tempore manere viduam Ecclesiarum principem matrem & urbem coegissent, hanc profectò per huiusmodi suum volentes obtinere commentum. Dum scilicet vsque ad eam quoque irrationabiliter extendendam fore nouitatem propriam putauerint, vt id pro quo stude-

bant

bant assequerentur, tranquillè rationem
prosecuti sunt, & quasi condescenden-
tes dixerunt : Nos quidem super hoc au-
ctoritatem præbere non possumus. mi-
nisterium quippe nobis est creditum,
non professionem faciendi præceptum.
Illud autem vobis certum reddimus,
quòd referamus omnia quæ à vobis præ-
tenta sunt, & Chartam ipsam ostenda-
mus ei qui consecrandus est. & si iudica-
uerit hanc bene habere, rogabimus an-
notare huic propriam subscriptionem.
Nunc autem ne velitis insperatè pro-
pterea nobis impedimento fieri, & vim
inferre protelando, & nos hîc retinen-
do. Neque enim est qui cuilibet, ma-
ximèque in causa fidei, vim possit infer-
re. In hac enim & nimis infirmus fortis
valde consistit, & valde mitis bellator
summus inuenitur : verbòque diuino
confortans animam, maximis etiam in-
uectionibus magis durus quàm dissolu-
tus quodam modo reperitur. Quantò
magis Romanorum Ecclesiæ & Clero,
quæ ab olim huc vsque, vt pòte senior
cunctarum quæ sub sole sunt Ecclesia-
rum, omnibus præest. hoc certè cano-
nicè tam à Conciliis & Apostolis, quàm

» ab horum summo principatu consecu-
» ta, & in fortem adepta. nullis omninò
» propter Pontificatus prouectionem scri-
» ptis, aut Synodicarum editionibus char-
» tarum subiecta, sicut etiam in his omnes
» ex æquo ei secundum ius sacerdotale
» subiecti consistunt. Hæc itaque cùm
taliter nihil reueriti, sed cum omni sa-
cra decentique fiducia stabiles illi & fir-
mæ reuera & immobilis petræ ministri,
maximæ videlicet & Apostolicæ, quæ
illic est, Ecclesiæ, ad regiæ vrbs cleri-
cos disputassent, hos sedasse apparue-
runt, & vt humiliter ac modestò senti-
rent prudenter egerunt, sinceritatem
& orthodoxiam propriæ fidei ab ipso eis
initio cognitam facientes. Illi autem
ipforum admirantes pietatem, huiusmo-
di factum duxerunt meritò recompen-
sandum. & à prætendenda Charta ces-
santes, iussionem in effectum ob Epi-
scopatum se suo perducere studio pro-
miserunt. Quam factam accipientes
Deo amabiles Apocrisarij gratulantes
remearunt ad propria. Huius autem
Chartæ, diuinitus honorate Pater,
exemplar & mihi quoque transmissum
est. Exposita verò ab eis fuerat causa ta-

cendarum in Christo Deo, id est in substantiis eius, ex quibus videlicet & in quibus est & creditur, naturalium operationum; & ne de cetero in eo siue vna siue duæ penitus prædicarentur. Fatebatur autem solummodò confitendum esse, ex vno eodémque Dei Verbo incarnato Deo decibilia & humana processisse, & in vnum eundémque referenda.

E ij



BEATISSIMO
AC
CELEBERRIMO
MARTINO
SANCTÆ NARNIENSIS
ECCLESIAE PRÆSVLÌ,

ANASTASIUS EXIGVVS
Apostolicæ sedis Bibliothecarius
in Domino salutem.



QUIA cum Episcopatus apice Præpositura sanctitati tuę, ob meritum summæ religionis, beati Martini Monasterij penes Urbem positi est à summis Pontificibus delegata; hor-
tari me visa est, quatinus quæ apud Græcos reperissem ex his quæ beato Papæ MARTINO pro fide ac rectis dogmatibus acciderunt, in Latinum con-

uerterem styllum : quamuis alius sit Martinus, cuius cerneris Cœnobio piè præfesse, & alius, cuius affectas ad liquidum accidentia nosse. Ille quippe Turonicus, iste verò Romanus fuit Antistes. Parui ergo exhortationibus tuis, Pater venerabilis, non tam scientiâ, quàm obedientiâ. Scio namque, dicente Samuele, meliorem esse obedientiam quàm sacrificium, & auscultare magis quàm offerre holocausta : quoniam quasi peccatum ariolandi est repugnare, & quasi scelus idololatriæ nolle adquiescere. Igitur malui imperitiâ, quàm peccare idololatriâ. Verùm huius operis media in aliis implicitus ipse non transtuli, sed ab alio petitu meo interpretata postmodum in quibusdam correxi. Quia verò quædam ex Actis beati Maximi monachi, ac discipulorum eius, huic operi connexa & continuata reperi, & ipsa quoque, si vita comes fuerit, transferre Deo præduce minimè recusabo, sanctissime ac reuerentissime Pater. Data Indictione VIII. tempore domni IOANNIS VIII. Papæ.

HVIVS SANE INITIVM OPERIS IVXTA
SENSVS DVNTAXAT VIRTVTEM
ITA SE HABET.

*Vnice nate, Deus, Verbum Patris omnipotentis,
Qui sola pietate volens homo factus habetis,
Et genus humanum patiens in carne piassti,
Auxiliare tegens, saluos fac, erue semper
Ta famulos ubicumque tuos à crimine peste,
Virginis egregia precibus genitricis amande,
Et duodenorum Procerum simul atque piorum,
Cunctorum sine fine decus, via, vita tuorum.*

Ex his quæ à THEODORO Spudeo sanctæ Sophiæ scripta sunt sanctis Theodoro & Euprepio germanis fratribus, & regiis pistorum principibus constitutis in exilio Chersonis, super his quæ iniquè gesta sunt ab aduersariis in sanctum & Apostolicum, nouum re vera Confessorem & Martyrē Christi Dei nostri, MARTINVM Papam Romanum, priusquàm il-
luc in exilium mitteretur, cum vi rapere-
tur propter verbum veritatis de Aposto-
lica Sede.

THEOD. POSTQVAM reuersus est in excubitu
cum sudoribus quos nouit Deus, potui ei

scribere ac innotescere omnia quæ de ipso diffamabantur. Cum quibus intuli & alia quædam, quæ implorarent eum ut nullatenus superaretur à nequam secta impiorum virorum, reuerens & tremens, ac præ oculis habens naufragium Sergij Cypriorum insulæ Archiepiscopi.

RESCRIBIT ERGO ITA.

MARTINVS THEODORO
SINCERA AFFECTIONE
DILECTO FRATRI.



QVONIAM agnoui ut potui ea quæ in scriptis à vobis significata sunt, in paucis verbis exequar. Cùm exirem ab Ecclesia, quæ vocatur Constantiniana, in qua exercitus mecum armis constrinxerat, in præsentia Exarchi, ac Theodori Cubicularij, seu Cleri, clara voce dixerunt: Anathema habeat quisquis dixerit vel crediderit, quia MARTINVS vsque ad vnum apicem fidem mutauit, aut mutaturus est: & anathema habeant qui in orthodoxa fide sua vsque ad mortem non permanserint. His auditis, Calliopas cœpit ratio-

E iiii

nem reddere, aliam fidem præter quam nos tenemus non esse, neque aliter se credere. Sed hoc propter eos, qui audiebant, non propter fidem dicebat. Et scire te volo, dilectissime frater, de fide quam significasti, necnon & falsis calumniis, quas aduersus veritatem proponunt: quia opitulantibus nobis orationibus vestris, ac omnium fidelium Christianorum, qui vobiscum sunt, & viuens & moriens salutis nostræ fidem defendam, & quemadmodum beatus Paulus Apostolus docet, tibi viuere Christus est, & mori lucrum. De falsis autem accusationibus, quas nouiter hæretici faciunt, abiicientes veritatem Christi Dei, qualem omninò poterunt hominibus veritatem loqui, qui Dei veritati resistunt? Tibi igitur reddo rationem, dilectissime frater, per eum qui iudicaturus est mundum istum per ignem, qui & reddet unicuique secundum opus suum. Ego aliquando ad Saracenos nec literas misi, nec quem dicunt Tomum qualiter credere debeant, aut pecunias vnquam transmisi, exceptis duntaxat quibusdam illuc venientibus seruis Dei causâ eleemosynæ, quibus & modicum quid præbuimus minimè ad Saracenos trans-

missum. Porro, de Domina nostra gloriosa semper Virgine Maria, quæ Deum & Dominum nostrum IESVM CHRISTVM peperit, quam omnes sancti & Catholici patres Dei genitricem appellant, utpote quæ Deum hominem genuit, falsum contra me, immò contra suas ipsorum animas iniqui viri testificati sunt. Nam quisquis beatam super omnem creaturam & naturam humanam, absque eo qui genitus est ex ea, venerabilem semperque Virginem, matrem videlicet Domini nostri non honorat atque adorat, anathema sit & in presenti sæculo, & in futuro. Sed homines occasiones quærentes scandala obiciunt ad scandalizandos multos. SUBSCRIPTIO, Deus te incolumem custodiat, amantissime fili.

SUSCEPTIS his, gratias egi Deo, comp- THEOD.
periens fortitudinem propositi sanctissimi viri. Anxiabar autem, volens discere qualiter sublatu fuerit à sede sua, & non poteram. Quotquot enim super hoc veram responsionem interrogabam, nemo mihi dabat, sed aliter atq; aliter. Vnde me necessitas cōpulit innotescere super hoc, & obsecrare illum, quo ab ipso discerem veritatē. *Scribit ergo ad hac iterum Sanctus.*

MARTINVS THEODORO.

NOSCERE voluit cara vestra dilectio, qualiter de Sede sancti Petri Apostoli, sicut vnus passer solitarius ab ædificio raptus fuerim. Et miror quia super hoc me inquirere voluisti, cùm prædixerit Dominus noster de nequam temporibus istis

Mat. 24. Discipulis suis: *Quia in diebus illis erit tribulatio, qualis non fuit ab origine mundi vsque nunc. & nisi quia abbreviati sunt dies illi, non posset sustinere omnis caro. Sed qui perseuerauerit vsque in finem, hic saluus erit.* Hoc in

paucis de Antichristo dicitur. Nam & sanctus Paulus secundũ datam sibi gratiã spiritus prænuñciauit dies istos Timotheo

i. Tim. 4. discipulo suo, dicens: *In nouissimis diebus*

1. & 2. c. *discedent homines à fide, & à veritate auditum*

1. & 4. *auertent, seipsos amantes, auari, & cætera.*

Et crede mihi, desiderantissime fili mi, non videndum tempus aliud, nisi manifestè hoc, in quo sint initia dolorum, quemadmodum Dominus prædixit aduentum Antichristi. Et mihi breuiter dicere necessarium visum est, antequam in toto mundo præualeat iudicium, & finem cursus tradam, hoc mihi expedire arbitratus, quo aliis mala mihi præparantibus exultem potius quàm fleam. Igitur, vt scias

qualiter sublatuſ & ductuſ ſim à Roma-
na vrbe, nil falſum audies accidentium.
Omnia præſciui per totum tempuſ, quæ
meditabantur, & ſumpto meipſo cum
omni Clero meo, priuatim manſi in Ec-
cleſia Saluatoris noſtri IEſu CHRISTI,
quæ cognominatur Conſtantiniana,
quæ prima in toto mundo conſtructa
& ſtabilita eſt à beatæ memoriæ Con-
ſtantino Imperatore, & eſt iuxta Epi-
ſcopium. Illic enim omnes noſ ſeor-
ſum morabamur à die Sabbati, quan-
do Calliopas cum Rauennati exerci-
tu, & Theodoro cubiculario, introiuit
ciuitatem. Miſi ergo in obuiam eiꝝ
quoſdam ex Clero. quibꝝ ſuſceptis
in Palatio, æſtimauit & me cum eiſ eſſe.
Cum autem quæſiſſet, & non inueniſſet,
dixit primis Cleri: Quia noſ cum volui-
muſ adorare. ſed cras, quod eſt Domi-
nica dieſ, obuij ei erimuſ, & ſalutabimuſ
cum, quia hodie non ſuffecimuſ. Porro,
Dominico die datis Miſſis in prædicta
ſancta Dei Eccleſia, ſuſpicatuſ ille tur-
bam multam colligi propter diem, nun-
ciauit hoc: Quia multum fatigati ſumuſ
ex itinere, & non poſſumuſ occurrere
hodie, ſed cras omnimodiſ occurremuſ.

„ & adorabimus sanctitatem vestram. Ego
 verò ipse grauitè infirmus eram ab
 Octobrio mense vsque ad prædictum
 tempus, id est vsque ad sextodecimo Ka-
 lendas Iulias. Ergo feria secunda dilu-
 culo mittit Chartularium suum, & quos-
 „ dam ex obsequio suo, dicens, Quia ar-
 „ ma præparasti, & armatos habes intus,
 „ & multitudinem lapidum collegisti ad
 „ repugnandum: & hoc necessarium non
 „ est, nec aliquid tale fieri permittas. Cùm-
 que præsens audissem hæc, necessarium
 magis non habui, qualiter hos certos
 redderem, quàm mittere illos giraturos
 per totum Episcopium, & si arma vel la-
 pidem vidissent, ipsi testimonium perhi-
 berent. Cùm autem issent, & nihil inue-
 nissent, subintuli eis per verba, quòd
 numquam aliquando aliter, sed semper
 per complexionem & fallacem accusa-
 tionem incederent aduersus nos, cùm
 & in aduentu infamis Olympij vani cu-
 iusdam hominis cum armis me hunc po-
 tuisse repellere faterentur. Ego itaque
 ante altare Ecclesiæ lectulum meum ha-
 bebam in quo iacebam. & nondum
 transacta media hora, ecce exercitus
 cum eis veniens in Ecclesiam, obumbra-

ti omnes tenentes lanceas & spathas suas, quin & arcus suos paratos vnà cum scutis suis. & facta sunt illic quæ nec dicenda sunt. Quemadmodum namque in hiemali tempore vento validè flante folia ex arboribus concussa cadunt, ita percutiebantur armis candelæ sanctæ Ecclesiæ, & retunsæ excutiebantur in pavementum. & audiebatur sonitus qui in eadem fiebat Ecclesia, veluti tonitrus quidam horribilis tam ex pressura armorum, quàm ex multitudine candelarum ab eis fractarum. Quibus confestim introeuntibus, iussio à Calliopa porrecta est Presbyteris & Diaconibus, in qua humilitatis meæ abiectio continebatur, quòd irregulariter & sine lege Episcopatum subripuissem, & non essem in Apostolica Sede dignus institui, sed omnimodis in hanc regiam urbem transmitti, subrogato in loco meo Episcopo. quod necdum aliquando factum est, & spero quòd nec aliquando fieri habet: quia in absentia Pontificis Archidiaconus & Archipresbyter, & Primicerius locum præsentant Pontificis. Dum ergo hæc mouentur, quæ de fide gesta fuerant iam manifestavi vobis. Quòd autem

præparati non fuerimus ad repugnandum, melius iudicaui decies mori, quàm vnus cuiuscùmque sanguinem in terram fundi. Quod quidem & sine periculo hoc gestum est, non paueis, quæ non placuerunt Deo malis effectis. Eadem itaque hora dedi meipsum ad exhibendum Imperatori, & non resistendum. Porro acclamantibus mihi, vt veritatem dicam, quibusdam ex Clero ne facerem hoc, nulli eorum accommodaui aurem, ne subito fierent homicidia.

» Sed dixi illis: Sinite mecum venire ex
» Clero, qui necessarij mihi sunt, Episcopos
» videlicet, Presbyteros, & Diaconos,
» & absolutè qui mihi videntur. Respondit
» Calliopas: Quotquot voluerint venire,
» cum bono veniant. Nos cuiquam
» necessitatem non facimus. Respondi
» ego: Clerus in potestate mea est. Exclamantes autem quidam ex sacerdotibus dicebant: Cum ipso viuimus, & cum ipso morimur. Post hæc cœpit dicere per se Calliopas, & qui cum ipso erant: Veni nobiscum ad Palatium. Nec hoc facere recusavi, sed exiui cum eis in Palatium eadem secunda feria. Et tertia feria venit ad me omnis Clerus, & multi erant

qui se parauerant ad nauigandum mecum. qui etiam res suas iam immiserant in ea quæ vocabantur leuamenta. & alij quoque nonnulli præparabantur clerici & laici, qui festinabāt peruenire ad nos. Eadem ergo nocte, quæ illucescit in feria quarta, quæ erat tertiodecimò Kalendas Iulias, circa horam quasi sextam noctis, tulerunt me de Palatio, retrusis omnibus qui mecum in Palatio erant, vsque ad res diuersas, quæ mihi in via & hîc erant necessaria: & non nisi cum sex puerulis & vno cauculo eduxerunt nos ex vrbe. & cū immisissent nos in vnum eorum quæ dicebantur leuamenta, circa horam plus minus quartam diei ad portum peruenimus. In ea sane hora, qua egressi sumus ab vrbe Roma, statim vt erant obseratæ portæ, iterum eas obserauerunt, & sic remanserunt, ne exirent à ciuitate aliqui, & venirent ad nos in portu, donec illinc nauigassemus. Vnde necessitas nobis effecta est, & omnium eorum res, qui in leuamenta missi fuerant, in prædicto portu dimitteremus; & mox eadem die moueremur. Et peruenimus Kalendas Iulias Mesenam, in qua erat nauis, id est carcer meus. Non

autem Mesenæ tantum, sed & in Calabria. & non tantum in Calabria, quæ subdita est magnæ vrbi Romanorum, sed & in plurimis Insularum, in quibus nos vel tribus mensibus peccata impediunt, nullam compassionem adeptus sum: excepto duntaxat in insula Naxia, quoniam ibi annum fecimus, merui lauari duobus vel tribus balneis, & apud urbem mansi in hospitio quodam. Et ecce quadraginta & septem dies sunt hodie, ex quo non merui calida nec frigida aqua rigare me, & effluxi & refrigui totus, quoniã ventris fluor & in naui & in terra vsq; ad præsentem horam requiem mihi omnino non dedit. & in ipsa quoq; necessitatis meæ hora cùm gustaturus sum, totus conquassatus corpore, ea quæ necessaria sunt percipere ad cõfortandã naturam non habeo, quia quod habeo tædet me sumere, cùm id habeam penitus in fastidiũ. Sed credo in virtutem Dei qui omnia conspicit, quia cùm de præsentis vita subductus fuero, exquirentur de his omnibus hi qui me persequuntur, vt saltem sic ad pœnitentiam ducti, ab iniquitate sua conuertantur. **SVBSGRIPTIO.** Incolumem te custodiat Deus, fidelulcissime. **COM-**

COMMEMORATIO

eorum, quæ saeuiter, & sine Dei respectu acta sunt à veritatis aduersariis in sanctum & Apostolicum nouum reuera Confessorem & Martyrem MARTINVM Papam Romæ, per Epistolam cuiusdam Christianissimi, directam his qui sunt in Occidente, seu Romæ, & in Africa, orthodoxis Patribus.



AFFLIXIONVM mœrores & lacrymas, communemque sine cessatione ac mœstissimam vocem, quæ in dolore ex imo cordis prolata est, puto autem quæ & profertur Deo ab his qui sunt Romæ, adhuc autem & in omni loco dominationis eius degentibus sanctis famulis Dei & fidelibus populis, ex quo facta est persecutio aduersus sanctissimum Patrem nostrum, Deo beatissimum & fidelem Sacerdotum principem & Apostolicum vniuersalem Pa-

F

pam, ac per hoc aduersus Catholicam Ecclesiam: puto autem hætenus hunc eundem mœrorem retineri in vobis, & multam sollicitudinem habere vos, scire quomodo peractum est contra eum, quando exulatus est & persecutione pulsus à Roma nauigio vsque Byzantium. Hæc in mente habens ego humilis & peccator famulus vester, quædam quidem exteriùs sollicitudine multa addiscens; plurimorum autem propriè contemplator factus indignus ministerij beatissimi & pretiosi sacerdotis nostri, iudicaui litteris reminisci, & nota facere, clarâque constituere vobis benedictis, atque per vos omnibus fidelibus & zelum habentibus culturæ diuinæ: quatenus cognoscentes cum cordis mœstitudine mecum illum propheticum

Hier. 9.1. sermonem proferatis, *Quis dabit capiti meo aquam, & oculis meis fontem lacrymarum,* & plorabo die & nocte contritiones Catholicæ Ecclesiæ & omnium Christianorum, immò perditionem, propterea quæ acta sunt in beatum & Deo plenum ducem veritatis & prædicatorem? Verumtamen Deo gloria, qui dedit ei virtutem & sufferentiam stabilem.

in tentationibus quæ superuenerunt ei à contrariis virtutibus & viris, in expugnando & viriliter dimicando pro cultu Dei, inrefragabiliter & spe firma vsque ad mortem ponens animam suam, vtpote imitator eius qui eum constituit athletam Dominus eius ad informationem pro veritate dimicare. Ea equidem, quæ inibi Romæ gesta sunt in beatum & adamantinum spiritualem patrem, sacerdotumque principem domnum Martinum, & vos scitis: qualibus periculis luctatus est, videns gladios vibratos & acutos confertos adinuicem, tentos à pluribus militibus paratum habentibus inficere enses, & commutare à vita beatum, in circuitu altaris astantibus, & in toto templo Catholicæ Ecclesiæ Romæ, quæ cognominatur Constantiniana, in qua sacerdotio fungens recubabat in foribus & grabato ipse beatus æger. & quomodo contritus animis, & artubus constrictus, impulsus & expulsus, raptus & extractus ex Apostolico throno, in quo Deus eum constituit loco, inspectorem sui Apostolum, & prædicatorem orthodoxum veritatis. Sed verè iste non fecit pretiosorem animam suam se, sed posuit

Ioan. 10.

11.

eam usque ad mortem, imitans sicut dictum est Dominum suum dicentem: *Bonus pastor animam suam ponit pro ouibus suis*, quo saluaret ubique errantem & perditam plebem ab insurgentibus nostris temporibus hæreticis. Traditus igitur Romæ de Catholica Ecclesia sancti Ioannis, à potentibus huius sæculi his qui hoc erant ministerio digni ministri, atque custodibus, depositus est ad portum, & coniectus est in lembo, & nauigantibus, sicut scitis, euntibusque iuxta Auidum, in insulam quæ vocatur Naxos, non concesserunt beato illi Apostolico viro custodes penitus contingere terram, dolentibus prorsus pedibus eius, cum ipsi per loca conferrent, & omnino quiescerent. Hi autem, qui per loca erant Sacerdotes, & ceteri fideles regionis ipsius, dirigebant munera beato illi causâ utilitatis eius, non parvæ multotiens quantitatis. quas quidem directas species & quantitates custodes bestiales continuo coram eo diripiebant, impropria & amara plurima congerentes in eum. Eos autem, qui munuscula detulissent, iniuriis & verberibus afficientes, dimittebant, dicentes ad eos: Quoniam

quicumque diligitis istum, inimici estis “
reipublicæ. Nunquid nam hoc solum ei “
non valebat inferre dolorem incompara-
bilem super infirmitatem quæ eum
ægrè deprimebat? Exinde igitur præmit-
tentes ab Auido quendam, custodes qui
retinebant eum nunciauerunt in Byzan-
tio aduentum & captionem eius, profe-
rentes aduersus eum plurima mala, hæ-
reticum & rebellem, Deique aduersa-
rium proclamantes, & subuertentem
vniuersam terram Romanorum. Cùm-
que tandem peruenisset Byzantium bea-
tus ille septimodecimo die Septembrij
mensis, in portum iuxta Euphemiam
prope Arcadianon, reliquerunt eum à
mane ministri vsque in horam decimam
recubantem in grabato navis, eratque
sicut scriptum est, spectaculum omnibus
Angelis & hominibus. Accedebant
enim varij homines, quos propter fera-
les mores lupaces dixerim, & subrogati
vt coniicio talia contra sanctum Papam
agebant, qualia Christianis dici non
oportet. Morantibus nobis in litore, to-
ta die eram incedens dolore plenus &
amaritudine, eo quòd viderem talem
sanctum virum ita dejectum: non solum

autem, sed & talia eloquia à quibusdam Ethnicis prolata contra eum, nihil aliud quærebam, nisi vt auferretur anima mea à me. De hinc circa solis occasum venit quidam scriba nomine Sagoleua cum multis excubitoribus: & auferentes de lembo posuerūt in gestatorio, duxeruntque in custodiam excubitorij, quæ cognominatur Prande aria. & fecit eum inclausum sub multa custodia, præci- piens excubiti custodibus, vt nullus penitus sciret ciuitatis, quia est in eodem excubitu. Fecit ergo sanctus idem Apostolicus clausus, & sine participatione penitus sermonis alicuius, nonaginta tres dies. In ipsa verò nonagesima tertia die, quæ est dies Parasceue, mane tulerunt eum de custodia, constituendum in cella Sacellarij, iubentes pridie conuenire omnem Senatum, quod & factum est. Iusserunt autem eum introducendum, & introduxerunt in portatoria sella: erat enim penitus æger, præcipuè autem illis diebus præ nauigatione & afflictione custodiæ per tot dies effectæ. Intendens autem in eum primus, qui præsidebat Sacellarius cum reliquis principibus à longe, iussit eum surgere à ferculo, &

stare. Aientibus quibusdam ministro-
rum non valere cum stare, turbatus præ
multa ira Sacellarius exclamauit, cum
eo autem & quidam de custodia, surgere
eum & altare censuræ subnixum hinc
inde. quod & factum est. Sacellarius au-
tem inquit ad eum: Dic miser, quid tibi
mali intulit Imperator? Tulit à te ali-
quid? oppressit te vi? Ille autem tacebat.
Tunc ait ad eum Sacellarius imperatiua
voce: Non respondes? ecce nunc in-
gredientur accusatores tui. Et continuo
cum sermone introducti sunt plurimi
accusatorum contra eum. Omnes au-
tem erant mendacij filij, & discipuli eo-
rum, qui Dominum nostrum IESVM
CHRISTVM necauerunt. Contradice-
bant verò sancto viro, quemadmodum
præmoniti fuerant. Erant enim voces
eorum præmeditatæ & præparatæ. In
quibus quidam eorum paulò ante inter-
rogati vt testimonium perhiberent, ten-
tabant dicere veritatem, sicut mos est. &
continuo turbati qui prætendebant cer-
tamen hoc, incipiebant validis minis in-
crepare eos, donec suaderent eis profer-
re quæ erant conuenientia in mortem
beati & iusti viri. *Contemplatus sanctus*

Papa introeuntes testificari, subridens
„ dixit : Isti sunt testes ? sic habet ordo ?
Erant enim priui ingredienti nomine
quidem milites, lupaces autem & bestia-
les sententia : & quidam eorum qui
erant Olympij, cum quibus erat & An-
dreas, qui fuerat eius notarius. Erant
autem inter accusatores infelices Imeri-
tus & Therinus, & reliqui numero quasi
viginti, primores milites & reliqui accu-
santes. Iurabant autem ad sancta Euan-
gelia, & sic testificabantur. Primicerius
sanè omnium accusantium erat Doro-
theus Patricius Ciliciæ, qui iurans dixit,
quoniam quinquaginta capita si habe-
ret, non oporteret eum viuere, eo quòd
solus subuertit & perdidit vniuersum
Occidentem, & deleuit, & re vera vnius
consilij fuit cum Olympio, & inimicus
homicida Imperatoris & Romanæ vr-
banitatis. Videns ergo iustus vir intro-
euntes eos & iurantes sine parcitate te-
stificatores, compassus perditioni ani-
marum eorum, ait ad eos qui præside-
„ bant Principes: Obsecro vos per Deum,
„ nolite præparare eos iurare, sed absque
„ sacramento dicant quæcúmque volunt,
„ vósque facite quæcúmque vultis. Et

quid opus est etiam iurando perdere illos animas suas? Ingresso equidem vno testium, & dicente, quoniam coniurationes fecit cum Olympio, & milites præparauit vt iurarent: interrogatus Deo pretiosus vir, si hæc ita se haberent, respondit: Si vultis audire veritatem, dico vobis sequentia. & cæpit dicere. Quando factus est Typus, & directus Romam ab Imperatore. Et hoc tantum dicente beato illo, aliud quid non concessum est loqui. Sed continuò ante omnes incipiens cum clamore Troilus inquit: Non inferas nobis hîc de fide, de duellio nunc scrutaris, quoniam & Romani, & nos Christiani sumus & orthodoxi. Et respondit idem vir iustus. Vtinam! Verumtamen inuenietis me in illa die tremendi examinis testem etiam in hoc. Denuò inter accusantes testes, ait ad eum Præfectus Troilus. Qualis homo es tu, quoniam cernens audiens talia contra nitentem effodiendum Olympium, non prohibuisti eum, sed e contra consensisti ei? Ad quem continuò dixit ipse beatus Apostolicus Papa: Dic domine Troile, quando sicut scitis etiam vos, & nos audiuius, Georgius à Ma-

„ gistratibus, qui erat ex Monachis, in-
 „ gressus est huc in urbem à castris, & talia
 „ verba locutus est, fecitque res tales; ubi
 „ eras tu, & qui sunt tecum, quoniam non
 „ restitistis ei, sed e contra concionatus est
 „ vobis, & quos voluit Palatij exulavit &
 „ prohibuit? Iterumque sub Valentino,
 „ cum præcepto Imperatoris indutus est
 „ purpurâ, & confedit ei, quò ieratis vos?
 „ non eratis hîc? cur ergo non prohibui-
 „ stis eum dicentes, Non attingas res non
 „ opportunas tibi? nōne omnes e contra
 „ conuenistis ei? Quomodo habebam ego
 „ tali viro aduersus stare, habenti præci-
 „ puè brachium vniuersæ militiæ Italicæ?
 „ an potius ego illum feci Exarchum? Ve-
 „ rumtamen denuò obsecro vos per Do-
 „ minum, quodcūque vultis & definitis
 „ fieri in me, citius explete. Nouit enim
 „ Deus, maxima mihi dona tribuistis, qua-
 „ cūque me clade iugulaueritis. Percon-
 „ tatus autem quendam de ministranti-
 „ bus, Sagolebam videlicet, Sacellarius,
 „ si sunt foris alij aliqui, qui debeant testi-
 „ ficari? respondit, Scribâ: Sunt, domine,
 „ plurimi alij. Deficientes autem hî qui
 „ præsidebant, sancto & venerabili astan-
 „ te viro in conspectu eorum, & potissi-

num Spiritu eum sancto firmante, dixerunt sufficere testes. Erat quippe interpret eorum, quæ à Sancto dicebantur, verborum Innocentius Consul filius Thomæ, qui erat ab Africa. & cum interpretaretur ea quæ à beato viro dicebantur, non ferebat, videns ignita iacula sancti Spiritus à Deo honorabili viro contra eos prolata. ait ad Innocentium cum furore, Cur nobis interpretaris quæ dicit? noli dicere quæ dicit. Surgens ergo continuò Sacellarius cum plurimis qui confederant ei, ingressus est nuntiare Imperatori quæque ipse voluit. Eduxerunt autem sanctum Apostolicum virum de cella iudicij, magis autem ex aula Caiphæ, in gestatorio sedili sedentem, & statuerunt eum in medio atrij quod erat ante cellam Sacellarij, & Imperialis stabuli, quò consueuerat omnis populus conuenire, & expectare Sacellarij ingressum. Circumdederunt eum excubitores, eratque omnibus spectaculum formidabile turbis. Post paululum ergo, iusserunt inferri eum in solarium expositionis, vt esset ibi, quatenus prospiceret Imperator per cancellos triclinij sui ea quæ futura erant fieri. Erat ita-

que multitudo populorum vsque ad hippodromium conferta conuenientium illic. Statuerunt ergo reuerentissimum virum in medio solarij dispositionis, præsentia totius Senatus subnixum hinc & inde. Facta est ergo constipatio subito non minima & exiens ab Imperatore Sacellarius apertis ianuis triclinij in solarium, diuidere vniuersum populum iussit. Veniensque ad sanctum ac venerabilem virum MARTINVM Apostolicum, dixit ad eum: Vide quomodo Deus te duxit, & tradidit in manus nostras. Tu nitebaris contra Imperatorem, quid tibi spei erat? Ecce dereliquisti Deum, & dereliquit te Deus. Et continuo exclamans Sacellarius quendam astantium excubitorum tonsorem, præcepit sine mora auferre psachnion summi & Apostolici atque præcipui pastoris omnium Christianorum, qui orthodoxam sanctorum Patrum & Synodorum confessionem, hoc est fidem confirmavit, & noui erroris exortos auctores, nouos videlicet hæreticos, cum impiis dogmatibus eorum canonicè & synodicè anathematizauit. Cùm ergò incidisset psachnion beati viri excubitor, & corrigiam

campagiorum eius, statim tradidit eum
Sacellarius Præfecto vrbis, dicens: Tolle
eum, domine Præfecte, & continuo
membratim incide illum. Cum his au-
tem omnibus iussit astantibus anathema-
tizare eum. quod & fecerunt. Non res-
ponderunt autem huiuscemodi voci vi-
ginti virorum animæ. Sed omnes qui-
que hoc ipsum videbant, & sciebant
quia est Deus in cælo conspector eorum
quæ fiebant, dimisso vultu cum multa
mœstitudine recedebant tribulati. Su-
scipientes ergo eum carnifices, exuerunt
exteriùs eius pallium sacerdotalis stolæ,
& scindentes alas tunicæ, quæ erat inte-
riùs à summo vsque deorsum, circum-
posuerunt ferrea vincula in sanctam eius
cervicem, & per omne corpus eius tra-
hentes eum vi, non concesserunt penitus
ei alicubi residere, & animam refocilla-
re, sed à Palatio duxerunt eum publican-
tes & dehonestantes per medium ciui-
tatis ad Prætorium, & gladius coram eo.
Erat autem dolor magnus beato illi, &
inenarrabilis. oppidò enim erat fessus &
infirmus, præ tantis incommodis futurus
relinquere animam à pressura passio-
num, & tenuitate corporis. Attamen

gaudens spe confortabatur in Domino:
& quo magis cum afflictione & vi trahebatur, eo sereno obtutu ductus cum multa constantia animæ iustus, cum vno solummodo indumento à summo discisso in duas partes, & sine cinctorio sequebatur, adeò vt interiora eius quodammodo nuda panderentur, & multifaria quidem continuò populorum conspectis quæ fiebant, gemebant, vt veritatem dicam, & lacrymabantur. Pauci autem ministrorum Satanæ gaudebant, & subsannabant, & capita transeuntes sicut scriptum est mouebant, dicentes: Vbi est
„ Deus eius, & vbi fides eius, & vbi doctrina
„ ipsius? Qui cum venisset in Prætorium de honestatus, & à carnificibus vinculatus cum gladiis, coniecerunt eum in vnum carcerum cum homicidis, & post vnā quasi horam tulerunt eum inde, & transposuerunt in eam quæ dicitur Diomedis custodia in prætorio Præfecti.
• Tanta autem instantia & vi trahebant eum vinculis nexum, vt dilaniarentur crura & poplites eius, & sanguis efflueret per ascensum scalæ eiusdem custodiæ. Sunt enim scopulosi & asperi valde, ac penitus in altum porrecti gradus. Erat

autem ipse beatus præsentis vitæ proximus iam carere, suppliciis animâ deficiente etiam ante gladium, cum iam non valeret conscendere cum se trahentibus. Introducentes ergo eum quomodo-cumque in custodiam decidentem sæpius & surgentem, posuerunt in scamno indutum calibis & catenis. Tunc enim, quando traditus est à Caïpha Pilato ut crucifigeretur, hoc est à Præfecto, continuo cum exuerent eum carnifices, grauius algoribus vexabatur. erat enim intolerabilis hiems. Imposuerunt ei grauissima ferri pondera, & nullus aderat ei hominum eius proprius, excepto vno solummodo Clerico adolescente: qui-que commanens ei in custodia, & superflans, lamentabatur magistrum, sicuti Petrus. Erat etiam conuinctus magister custodiæ eidem beato, quoniam sic erat mos, ut futurus pati per gladium conuinceretur magistro custodiæ. Erant ergo duæ mulieres, genitrix & nata, prænominatæ custodiæ clauces tenentes, quæque aspicientes importabilem dolorem Sancti illius, qui inter tot pœnarum genera, quæ aderant, algore quatiebatur durissimo: mortæ compassionibus quærebant

aliquam exhibere misericordiã cum eo,
& contegere eum, sed non audebãt pro-
pter conuinctum & custodientẽ carnifi-
cem. Putabant enim actutum venturam
censuram vt trucidaretur. Post quasdam
verò horas, cùm vocassent quidã ab imo
ex ordine militari magistrum vigiliæ
carnificum, descendente eo, vna mulie-
rum ergastulorum illorum pietatis visce-
re ducta, accedens amplectensque bella-
torem Christi, & Apostolicum patrem,
porcãnsque reclinauit eum in proprio
thoro suo, contegens vtiliter & inuol-
uens. Mansit autem vsque ad vespereum
sine voce. Vespere autem factò, misit ad
eum Gregorius Præfectus Eunuchus ex-
cubiculariis maiorem domus suæ, cum
paruis cibariis, qui refecit eum, dicens,
„ Ne deficias in tribulationibus, confidi-
„ mus in Deum, non moriêris. In quo ma-
„ gis aggrauatus ille beatus ingemuit. Ab-
stulerunt autem ferrea vincula conti-
nuò ab eo. Sequenti verò die abiens Im-
perator in Patriarchium visendi gratiã
Paulum Patriarcham, (proximus enim
erat morti) narrauit ei quæ consummata
sunt in sanctissimum virum. Ingemiscens
verò Paulus, & conuersus ad parietem
dixit:

dixit: Hei mihi! & hoc ad abundantiam iudiciorum meorum actum est. Percontatus autē ab Imperatore quamobrem hoc dixerit, respondit: Numquidnam, domine, non est mirabile talia pati Pontifices? Tunc attentius adiuravit Imperatorem sufficere ei in his quæ passus est, nihilque amplius sustinere. Vnde audiens beatus ille ac Apostolicus vir, quod non suscepit quod expectabat, non gratum habuit tale promissum, sed penitus mœstus effectus est. Festinabat enim explere bonum certamen, & abire ad eum quem desiderabat. Interea defuncto Paulo, & Pyrrho residere nitente, atque quibusdam Ecclesiæ contradicentibus, & prohibentibus, libellumque eius publicantibus in Palatio, asserentibusque quoniam & à beatissimo Paulo anathematizatus est: Pyrrhus reprobatus est Sacerdotio propter libellum quem fecerat Romæ. & multa commotione facta, post dies octo defuncto Paulo, dirigitur ab Imperatore ad Diomedis custodiam ad magnanimum Papam Demosthenes rescriptor & collaborator Saccellarij, & Libellifius cum eo. Intranses verò, dixerunt ad eum: Dominator no-

ster eximius Imperator misit nos ad te,
dicens: Ecce in quanta gloria prius con-
sistens, in qualem ordinem te ipsum du-
xisti, nemo tibi fecit hoc, sed tu ipse tibi-
metipsum. Ipse autem nihil aliud respon-
dit, nisi solum hoc. Gloria & gratiarum
actio per omnia soli immortalis Regi. Di-
cit ad eum Demosthenes rescriptor: Si-
gnificauit tibi dominator, dic nobis ea
quæ de Pyrrho expatriarcha hic & Ro-
mæ subsequenter gesta sunt. Pro qua
causa abiit Romam? iussus, an proprio
proposito? Respondens sanctus Papa di-
xit: Proprio proposito. Ait Demosthe-
nes: Libellum illum quomodo fecit?
compellente aliquo? Respondit sanctus
vir, nemine, sed propria propositione.
Demosthenes inquit: Veniente Pyrrho
Romam, quomodo suscepit eum sanctus
vir Theodorus decessor tuus Papa? uti
Episcopum? Respondit æquanimis Pa-
pa, & quomodo non? qui prius quàm ve-
niret Pyrrhus Romam, manifestè scrip-
sit huc, hoc est beatus Theodorus ad Pau-
lum, utpote ad eum, qui indecens fece-
rit, & alterius thronum inuaserit. Dein-
de autem sponte sua eodem Pyrrho ve-
niente Romam ad uestigia beati Petri,

quomodo non haberet eum suscipere
præcessor meus, & honorare, ut pote Epi-
scopum? Respondens Demosthenes di-
xit: Verè veritas sic se habet. Vnde au-
tem sumebat ea quæ ad vsum sui corpo-
ris erant necessaria? Dicit beatus, Mani-
festè de Patriarchio Romano. Ait con-
certator, Qualis panis dabatur ei? Re-
spondit honorabilis vir: Vos domini
mei, nescitis Ecclesiam Romanam? Di-
co enim vobis, quia quisquis venit illuc
miserabilis homo hospitari, omnia ad
vsum præbentur ei, & nullum immu-
nem suis donis sanctus Petrus repellit
venientium illuc: sed panis mundissimus
& vina diuersa dantur non solum ei, sed
& hominibus eius pertinentia. Si ergo in
miserabilibus hominibus hæc sunt, qui
venit etiam honorabilis sicut Episcopus,
qualem sumptum habet suscipere? Dicit
ad eum Demosthenes: Nos didicimus,
quia vi fecit libellum Pyrrhus Romæ, &
quia lignea vincula, sustinuit, & multa
dolendo passus est. Respondit vir ille
beatus, & dixit: Nihil tale factum est.
Nam nisi quia formidine aliqui tenen-
tur, non possunt fortè loqui veritatem.
Hic sunt Constantinopoli plurimi, qui

tunc erant Romæ, & sciunt quæ ibi gesta sunt. Ex quibus interim superest Plato Patricius, qui tunc Exarchus erat, qui- que direxit homines suos tunc ad Pyrrhum Romam. percontamini eum de his si mentior. Verumtamen, quid volumus plurima quærere? Ecce in manibus vestris retinetis me, & quodcûmque vultis consummate in me, Deo indulgente in vestra est potestate. Utique si membratim inciditis carnes meas, sicuti Præfecto iussistis cûm me traderetis, non communico Ecclesiæ Constantinopolitanæ. Ecce hîc sum, examine me, & tentate, & inuenietis experimento gratiam Dei, & fidelium seruorum eius. Iterum Pyrrhus in medium venit, qui totiens anathematizatus & nudatus est diuino honore. Stupefactus autem Demosthenes Rescriptor, & admirans super hac voce æquanimis Papæ audaciam atque constantiam pro Christo in morte sua, equidem ad hoc positus erat calix passionis. Similiter & hi qui consequentes erant ei stupentes, accepto libellario seriatim cuncta dicta à beato viro, conscribentes recesserunt. Fecit ergo reuerentissimus Papa in eodem Dionedîs

ergastulo octoginta quinque dies post primas nonaginta tres, hoc est omnes simul CLXXVIII. Venit igitur Sagoleba Scriba, dicens, quia iussus sum auferre te hinc, & transferre in domum meam, & post dies duos dirigere te quò iusserit mihi Sacellarius. Interrogante autem Papa quò ducendus esset, vel in quem locum, noluit ei dicere. Rogabat ergo Sanctus ille, vt sineretur in eadem custodia, quòusque exularetur, & ad horam auferretur de custodia. & nec hoc concessum est ei. Sed circa occasum solis dicit venerabilis Papa his qui erant in ergastulo. Accedite fratres, vale faciamus, quia ecce nunc aderit qui auferat me hinc. Et hæc dicente eo, hauserunt singuli calicem. Et surgens sereno vultu cum multa constantia atque gratiarum actione, dicit ad vnum concurrentium sibi dilectum, qui erat ibi: Veni, domine frater, & da mihi pacem. Erant porro præcordia fratris illius, sicut mihi ipse referebat in illa hora, qualia vt cōiicio discipuli illius contemplantis Dominum in cruce. Non valens ergo, vt aiebat, cohibere seipsum, vocante eum beato ad osculum, irrugit frater vt leo. Cum eo autem

inibi præsentes omnes lamentabantur
terribili lamento. Anxiatus in hoc vir
beatus flagitabat omnes ne ita facerent,
sereno obtutu dicens. Et impositis vene-
rabilibus manibus super verticem eius
subridens ait: Bona sunt hæc, domine fra-
ter, hæc sunt opportuna, & te oportet ita
facere? hæc sunt pacis? cùm econtra
nunc debeas gaudere super me. Ad quem
illico, cum contritione cordis respondit
» frater, Deus nouit, famule Christi. Læ-
» tor in gloria, qua dignatus est Christus
» Deus noster propter nomen suum hæc te
» omnia pati. sed lamentor omnium per-
ditionem. Salutantes ergo omnes eum,
recesserunt. Veniens igitur continuò
scriba, & auferens eum, intulit in domum
suam. Dictum est ergo, quia in Cherso-
nam exulatur. & post dies aliquot cogno-
vimus, quia illuc clanculò nauigio trans-
uersus est ipse sanctissimus Apostolicus
vir. Veniens ergo illuc, post dies aliquot
scripsit Epistolam in Byzantium ad quen-
dam sibi carissimum, ex illis videlicet, qui
sunt propter Dominum, & ob rectam fi-
dem eius amabant. Cùm esset in magna
tribulatione & exilio idem sæpèdictus pa-
ter noster sanctissimus constitutus, postu-

lans aliquarum specierum subsidia, propter multas & frequētes, grauēsq̃ ægrimonias corporales, angustiasq̃ omnimodas regionis illius, eo quod nihil ibi inueniretur, præcipuē triticum, quod quidem illic nominabatur, non autem inueniebatur. Vnde cum iureiurando scripsit, quia nauicula illò veniente, & parum tritici habente ad commutationem salis, vix potuerit emere ex eo vnum tritici modium quatuor solidis, cum multis & hoc precibus. Diuersas autem angustias scripsit sancta eius anima pati se ibi. non solum corporalibus angustis, sed etiam habitantium & dominantium ibi malis oppressus, itaut penitus contritus male peius moreretur, suasionē videlicet dominantium in Byzantio. Quamobrem quæso vos ego humilis & peccator famulus vester, à Deo honorabiles Patres, vt quemadmodum ego visa mihi. & audita diligentissimè declarauī vobis, hoc est imminentes temptationes beatissimo Papæ propter rectam confessionem in Christo Domino, & propter anathematismum in nouos factum hæreticos: quanquàm ex multis parua tamen quæ potui dirigere scripsi. Ita & vos zelum habentibus cultu-

re Dei, explicate eadem, & hortamini
imitari eum, & traditiones sanctorum
Patrum retinere secundum imitationem
eius, & non communicare omnino con-
traria sentientibus. Obsecrantes etiam
pro me indigno famulo qui scripsi, quo-
cum eo & vobiscum inueniam misericor-
diam à Christo Deo nostro in secula, amē.
Obiit autem idem sanctissimus ter beatus
Apostolicus MARTINVS Papa, recens re-
uera Confessor & Martyr Christi Dei no-
stri in eadem exultatione Chersonæ, iuxta
eiusdem ad Dominum Deum petitionem,
quā obtulit ei cum lacrymis, exiens
de naui, & calcans terram illam, id est vt
in ea finiret vitam, bonum certamen cer-
rans, cursum martyrij consummans, & bo-
nam fidem seruans, mense Septembrio,
die sextadecima, in qua felicissimæ Mar-
tyris & fidem custodientis orthodoxam
Euphemix, pretiosissima & beatissima se-
cundum anni circulum celebratur me-
moriam, indictione quartadecima. Positus
est autem in tumulis Sanctorum extra
muros Chersonitarum ciuitatis quasi sta-
dio vno, in pretiosissimo & reuerentissi-
mo templo sanctissimæ & præ omnibus
Sanctis colendæ, castissimæ & immacula-

tx, perbenedictæque gloriosissimæ & excellentissimæ omnium creaturarum, gratiâ plenissimæ, gaudium facientis & tribuentis Dominæ nostræ, propriè naturâ & veritate solius Dei genitricis, semper virginis Mariæ, quæ cognominatur Blachernes: factus typus imitabilis omnibus, qui benè viuere & decertare elegerint & voluerint, pro ea, quæ verissimè est, veritas. Cuius virginis, cuiusque Confessoris intercessionibus, Christus verus Deus & Saluator noster, qui ineffabiliter & sine semine ex eâ processit propter genus humanum, custodiat & conseruet nos, & omnes fideliter audientes, omnemque populum quem adquisiuit in sinceritatem fidei & conuersationem, in pace & dilectione perfectâ, & omni iustitiâ usque in finem. Cui est cum Deo patre & Spiritu sancto in Deitate vna substantia, æquus honor, virtus eadem, sine tempore regnum, semper principium, sceptrum iuge, gloria perpes, maiestas similis, per infinita secula, Amen.

HABET AVTEM SE PRÆDICTA EPISTOLA EIVSDEM SANCTISSIMI ET APOSTOLICI PAPÆ SIG.
INDICAMVS germanæ caritati vestræ,

domine frater, quia postquàm egressi sumus ex eo quod Ieron dicitur à Constantinopoli, nauigantes sancta quinta feria Cœnæ Domini, pertransiimus Pharum, per diuersa loca transmeantes Idibus Maiis, & Chersonem peruenimus. Ergo gerulus harum, qui præsentem vobis tradit Epistolam, post triginta dies post nos à partibus Byzantij venit Chersonem. Et gauisi sumus super aduentum ipsius, æstimantes quòd expensæ missæ nobis ab Italia essent in terram hanc, quæ deberent nos eo veniente consolari. Et cùm interrogassemus, cognouimus ab eo, quòd nihil huc detulerit ab Italia. & miratus sum, & glorificaui Deum meum etiam in hoc, quoniam sicut scit tribulationes nostras dispensat. maximè cùm fames in hac terra & necessitas talis esset, vt panis in ea tantùm nominetur, non tamen penitus videatur. Quoniam nisi mittantur nobis ex partibus illis sumptus, vel à partibus Ponti, hîc viuere omninò nequimus. Spiritus enim promptus est, caro verò infirma, vt etiam ipse nosti. Neque enim dispensatio quæuis potest in hac terra vllatenus inueniri in solatium saltem modici sumptus. Si ergo, vt dictum est, transmis-

sum fuerit illinc frumentum, & vinum, aut oleum, & alia quædam quoquo modo, festina prout potueris mittere nobis. Neque enim huiusmodi mala, vt reor, ostendi Sanctis, qui ibidem sunt, vel his qui sunt Ecclesiæ illius, vt vsque aded mandatum Domini paruipenderent: præfertim cùm Apostolus Philippësis scripsit, gratias agens eis, quòd & Thessalonicam & semel & bis in vsum sibi miserint: vbi & subdit: *Habeo autem omnia, & abundo.* *Philip. 4.* Si enim peregrinos illic, id est Romæ, ita *18.* reficit sanctus Petrus, quid dicemus de nobis, qui proprii serui eius sumus, & saltem ad momentum ministrauimus ei, & in tali exilio & afflictione consistimus? Cognitionem autem feci ad dilectionem vestram quarundam specierû, quæ comparari debent illic. & horum quæso te more solito curam habeto, vt nosti, ad emendum & mittendum nobis propter multas necessitates nostras, & frequentes infirmitates.

EXEMPLAR ALTERIVS EPISTOLÆ.

OMNE desiderium habemus semper literis nostris caritatem vestram consolandi, & releuandi vos à sollicitudine quæ

vobis de nobis est. Vobiscum verò & omnes Sanctos & fratres nostros, qui curam nostri propter Dominum gerunt. Ecce & in præsentiarum scribo vobis quæ coartant nos. Veritatem dico in nomine Christi Dei nostri. Remoti enim ex omni mundana turbatione, & depositi à peccatis nostris, ecce & ipsâ vitâ caruimus. Siquidem hi, qui in hac regione habitant, omnes gentiles existunt, & gentiles mores acceperunt hi, qui hîc habitare noscuntur, nullam caritatem prorsus habentes, quam iugiter hominum natura & inter ipsos quoque barbaros crebra compassione demonstrat. Nouit itaque Deus, nisi ex nauiculis, quæ veniunt ex partibus Romaniz, vt hi qui hîc sunt nuncupant, partes videlicet Græcorum Ponticas partes vocantes. Nam nec semel de regione ista vsque ad vnum trimisium frumentum potui comparare: sed nec alterius cuiuscumque generis speciem, nisi, vt prædictum est, ex nauiculis quæ huc rarò veniunt, vt sale onustæ recedant. Sic potuimus emere tres vel quatuor modios nomismate, vsque ad præsentem Septembrium mensem. Vsque nunc verò non potuimus de nouis geniminibus emere, nisi vno nomis-

mate modios quatuor. Miratus sum autem, & adhuc miror indiscretionem & compassionem omnium qui quondam mihi pertinebant, & amicorum meorum ac propinquorum, quia sic funditus infelicitatis meæ obliti sunt, & nec scire volunt ut inuenio, siue sim super terram, siue non sim. Miratus quoque multo magis sum in eos, qui sunt sanctissimæ Apostoli Petri Ecclesiæ, quoniam tantam dederunt operam de corpore ac membro suo, id est super dilectione nostra, ad reddendos nos sine sollicitudine, saltem super corporali usu, quotidianoque sumptu. Nam etsi autem Ecclesia sancti Petri non habet, frumento tamen & vino, & aliis necessariis expensa non caret per gratiam Dei, ut modicæ saltem exhibitionis curam gessissent. Qualem putas conscientiam habemus exhibendi ante tribunal Christi accusantibus omnibus tunc & rationem reddentibus hominibus, qui ex eodem luto & massa consistunt? Quæ formido est, quæ cecidit super homines ad mandata Dei minimè facienda, aut timor ubi non est timor? An subtractione usque adeò nos spiritus maligni operiunt? An ita inimicus omni ple-

nitudini Ecclesiæ apparui, & aduersarius illis? Verumtamen Deus, qui omnes vult saluos fieri, & ad agnitionem veritatis venire, per intercessionem sancti Petri stabiliat corda eorum in orthodoxa fide, & confirmet contra omnem hæreticum, & aduersariam Ecclesiæ nostræ personam, & immobiles custodiat, præcipuè pastorem qui eis nunc præesse monstratur. quo in nullo prorsus decidentes, vel declinantes, aut dimittentes eorum, quæ in conspectu Domini & sanctorum Angelorum eius in scriptis professi sunt, vsque ad pusillum quippiam, vnà cum humilitate mea coronam percipiant iustitiæ orthodoxæ fidei de manu Domini & Saluatoris nostri Iesu Christi. De humili namque hoc corpore meo & ipsi Domino cura erit, vt sibi gubernare placet, siue in tribulationibus indefinentibus, siue in modico refrigerio. Dominus enim propè est, & quid sollicitus sum? Spero quippe in miserationes eius, quòd non tardet modo finire meum quo iusserit cursum. Omnes vestrates propter Dominum salutate, & omnes, qui pro Dei amore meis compassi sunt vinculis. Deus excelsus potenti manu sua protegat vos

ab omni temptatione, & saluet in regnum suum.

EN ERGO QUÆ SCRIPTA SVNT A BEATISSIMO APOSTOLICO AD CARISSIMVM SVVM.

IGITVR saltem nunc, quando à sanctitate ipsius commoniti sumus, festinemus singuli qui diligimus Dominum, & habemus æmulationem erga sanctos eius, qui vsque ad mortem in fide Catholica permanferunt. & saltem ex parte resiciamus eum; & compatiamur ei, ministrantes illi ex his quæ Dominus vniciuique nostrum donauit, vt & communicatione in Domino claritatis eius efficiamur. Non autem hæc aio, quoniam sumus Sacerdos noster fuit, sed quia incruentum Christo Deo pro salute animarum nostrarum in Ecclesia vestra sacrificium obtulit, & tantum illuminauit populum Confessor & prædicator veritatis effectus. Æstimo sanè, quòd certificari etiam irrationabilia debuerint animalia, (quanto magis vos rationabiles & sensati?) quòd omnia; quæ in eum facta sunt, ob rectam fidem eius effecta sint, & hæreticorum abdicationem. Et hoc

non aliunde, nisi quia pertinaciter aduersarij perdurantes nullomodo flecti, vel ad lucem veritatis conuerti, sed & validioribus afflictionibus & tribulationibus afficiebant, à custodia in custodiam, ab exilio in exilium, eos qui circa monachum Anastasium erant, qui a tempore multo hic propter Christum de loco in locum tractus afflictus est. Simili modo & domnum Maximum, & discipulum eius. Numquid & isti rebelles sunt? Ceterum, de Pyrrho sciendum est, quoniam postquam certi facti sunt à ter beato Apostolico, ac Platone, quòd spontè fecerit libellum suum, locauerunt eum in throno isto. quanquam Deus statim iusto iudicio suo deleuerit eum de libro uiuentium. Similiter autem & nouus Præsul, ut comperimus, Pyrrhum & prædecessores eius, beatos patres & sanctos vocauit. Ut ergo scientes, dilecti, quia terribilem iudicem habemus, qui venturus est iudicare cogitationes & actus nostros, & exquirere rectam fidem suam, sapientiam fortem & stabilem, sicuti suscepimus, in Domino teneamus cum patientia multa. Sanctos quoque patres nostros, saltem ut vnum ex egenis, singuli

guli secundum vires reficiamus, & con-
solemur tribulationes eorum. Et hæc
quidem de sanctissimo & famulo Christi
Dei nostri Apostolico dicta sint. De ce-
tero verò necessarium duxi, etiam de di-
tinitus honoratis & illustratis patribus
nostris & concertatoribus eius dilectio-
ni vestræ significare.

H



RELATIO FACTÆ
MOTIONIS INTER DOMNVM
Maximum Monachum, &
focium eius,

CORAM PRINCIPIBVS
in Secretario.



IE qua domnus MAXIMVS,
& is qui cum eo erat, penes
hanc Regiam urbem appli-
cuerunt, circa occasum solis,
venientes duo mandatores
vnà cum decem excubitoribus tulerunt
eos è naui nudos & discalceatos, & sepa-
ratos eos abinuicem custodierunt in di-
uersis excubitibus. Et post dies aliquot
adducūt eos in palatium, & introducunt
senem in locum, in quem Senatus colle-
ctus est, & alia multa turba: & exhibent
eum in medium sedentium Principum.
& dicit ei Sacellarius cum ira multa &

Cum Principibus in Secretario. II5
furore: Christianus es? Et dicit: Gratia
Christi Dei vniuersorū Christianus sum.
Et dicit ille: Non est vetum. Respondit
Dei seruus: Tu dicis, sed Deus scit esse
me Christianum. Et quomodo, inquit,
si Christianus es, odio habes Imperato-
rem? Respondens Dei seruus, ait. Et vn-
de hoc claret? Odium quippe mentis est
occultus affectus, quemadmodum &
dilectio. Et dicit ei: Ex his quæ fecisti
cunctis factum est manifestum, quod
odio habeas Imperatorem & Rempu-
blicam eius. Tu enim solus Ægyptum
& Alexandriam, & Pentapolim, & Afri-
cam Saracenis tradidisti. Et quæ est, in-
fit, horum approbatio? Et falsò inducunt
Ioannem, qui fuerat Sacellarius PETRI
quondam Prætoris Numidiæ prouinciæ
Africæ, dicentem: Quia ante viginti
duos annos auus dominatoris iussit bea-
tæ memoriæ Petro exercitum sumere,
& pergere in Ægyptum contra Sarace-
nos: & scripsit tibi tanquam ad seruum
Dei loquens, certitudinem habens in te,
vt pote in homine sancto, si des ei consi-
lium abire. Et rescripsisti ei, dicens: Nil
tale facere, quoniam non benè placitum
est coram Deo, vt imperio HERACLIJ &

ii6 Collatio S. Maximi Mart.

generis eius cooperetur Respublica Romanorum. Dicit seruus Dei : Si veritatem loquitur , vtique habet & Petri ad me , & meam ad ipsum Epistolam , quæ deferantur , & subiaceo pœnis à legibus constitutis. Et dicit: Ego non habeo Epistolam , sed nec noui si omninò scripserit tibi. Verùm hæc in castris per illud tempus omnes loquebantur. Et dicit ad eum Dei seruus : Si exercitus totus hoc fatebatur , quomodo tu solus super hoc me accusas ? Vidisti me aliquando , vel ego te ? At ille : Numquam. Tunc Dei seruus ad Senatum conuersus dixit : Si iustum est tales adducere calumniatores , vel testes , iudicate. *In quo enim iudicio iudicaueritis iudicabimini , & in qua mensura metiemini metietur de vobis* , ait omnium Dominus. Et post hunc adducunt Sergium Magudam dicentem : Ante annos nouem beatus Abba THOMAS veniens Româ dicit mihi: Papa THEODORVS misit me ad Gregorium Patricium , vt dicerem ei , ne quisquam timeret. Seruus enim Dei Abba MAXIMVS vidit visionem , quòd in cœlis ad Orientem & Occidentem chori essent Angelorum: Hi verò qui erant in Occidente vocem

emittebant, dicentes : GREGORI Augu-
ste tu vincas. & magis sonuit vox Occi-
dentalium, quàm Orientalium voces. Et
tunc clamabat Sacellarius : Misit te
Deus, vt incendaris in hac vrbe. Dicit
Dei seruus : Gratias ago Deo, qui emun-
dat me à spontaneis malis meis per sup-
plicium non spontaneum. Verumtamén
væ mundo ab scandalis. Necessitas enim
est, vt veniant scandala. væ autem per
quem scandalum venit. Verè non oport-
tebat vt talia dicerentur in præsentia
Christianorum, nec impunitos manere
illos, qui talia fingunt ad placendum ho-
minibus, qui hodie sunt, & cras non
sunt. Hæc vt iste diceret dum Grego-
rius adiuueret oportebat, qui & notam
illi facere debuit suam circa eum deuo-
tionem. Iustum autem esset, si & vobis
quoque videtur, vt accusator, qui hunc
præcessit, cogeretur abire, ducturus Pe-
trum Patricium, & iste Abbatem Tho-
mam, & ille beatum Papam Theodo-
rum. Et tunc præsentia cunctorum di-
cerem Patricio Petro : Dic domine Pa-
trici, scripsisti mihi aliquando super his
quæ dixit Sacellarius tuus, aut ego tibi?
Et cùm adquievisset, sub supplicio fie-

rem. Similiter & beato Papæ: Dic domine, ego tibi aliquando somnium enarraui? Et cùm conuicisset me, illius esset crimen, non meum, qui videram. Res enim non voluntaria est somnium. Porro sola quæ sunt voluntaria punit lex, si duntaxat sibi fuerint aduersata. Tunc dicit ei Troilus: Iocaris Abba? nescis vbi sis? Qui respondens ait: Non iocor, sed lugeo vitam meam hætenus conseruatam, vt huiusmodi experimentum præstigiorum percipiam. Et dicit domnus Epiphanius: Deus nouit, benè facit, deludens eos si veræ non sunt. Post quem, Sacellarius iterum cum ira dixit ad eum: Absolutè omnes mentiuntur, & tu solus verum dicis? Et respondens seruus Dei, audito verbo cùm lacrymis ait: Potestatem habetis, permittente Deo, & viuificandi, & mortificandi. Verumtamen, si isti veritatem dicunt, & Satanæ naturâ Deus est. Si autem non est, sicut nec est, nec isti veritatem dixerunt. Denique nec merear cum Christianis videre aduentum supersubstantialis Dei, factoris videlicet, conditoris, & creatoris, & prouisoris, ac iudicis, & saluatoris vniuersorum, si somnium tale

aut vidi, aut alio referente audiui, excepta hora hac à domno Sergio dilecto imperij. Dein tertium calumniatorem proponunt, Theodorum filium Ioannis dudum candidati, cognomento Chila, qui gener est nunc domni Platonis Patricij, dicentem: Quia colloctione inter nos Romæ facta de imperio, detraxit quod dicebatur, mutiens & subsannationes faciens. Ad quem seruus Dei dixit: Numquam disputaui tecum, nisi semel cum sanctissimo Presbytero domno Theocharisto & archifratre propter Primicerium, iussus per litteras super hoc. Quod si repertus fuero mentiens, recipiam. Et post hunc quartum adducunt Gregorium filium Photini, dicentem: Quia perrexi Romam ad cellulam Abbatis Maximi. & me dicente quia & sacerdos est Imperator, dixit Abbas Anastasius discipulus eius: Non sit dignus fore sacerdos. Et statim dicit ad eum seruus Dei: Time Deum, domne Gregori, nil tale in huiusmodi disputatione conseruus meus locutus est. Et cum semet projecisset in terram, Senatui dixit: Sustinete seruum vestrum, & omnia dico vobis sicuti dicta sunt: & arguat me si

120 *Collatio S. Maximi Mart.*

mentitus fuero. Hic dominus meus Gregorius veniens Romam dignatus est venire ad cellulam serui vestri. Quo viso, sicuti moris est mihi, proieci meipsum in terram, & adoravi eum, & osculatus sum. & dixi ei post sessionem: Quæ causa est desiderabilis aduentus domini mei? At ille, Bonus, inquit, & à Deo confortatus dominator noster, sollicitudinem habens pacis sanctarum Dei Ecclesiarum, iussionem fecit ad diuinitus honoratum Papam, missa etiam oblatione ad sanctum Petrum, hortatus est eum, quò se Præsuli Constantinopolitano vniret, quæ mitti per mediocritatem meam dignatum est pium eius imperium. & dixi: Gloria Deo, qui fecit te dignum huiusmodi ministerio. Verumtamen sub quo fieri modo vnitatem à Deo coronata eius iussu tranquillitas, si nosti? Et dixisti: Sub typo. Et dixi: Impossibile, vtopinor, est hoc. Non enim patiuntur Romani auferri vnà cum impuris hæreticorum vocibus sanctorum Patrum luciferas voces, vel simul cum mendacio veritatem extinguere, aut cum tenebris lumen pariter dissipari. Nil nobis quod adoretur erit, si diuinitus osten-

forum fuit verborum ablatio. Et dixisti: Non ablationem sacrarum typus efficit vocum: sed taciturnitatem, vt dispense-
mus pacem. Et dixi: Est apud diuinam
Scripturam taciturnitas etiam demptio.
Deus enim per Dauid dixit, *Non sunt lo- psal. 18.3.*
quela neque sermones, quorum non audiantur
voces eorum. Ergo nisi dicantur & audian-
tur sermones qui de Deo sunt, nec om-
nino sunt secundum Scripturam. Et di-
xisti: Ne mittas me in siluas, ego sancto
contentus sum symbolo. Et quomodo,
dixi, potes sancto esse contentus symbo-
lo, suscipiens typum? Et quid lædet su-
scipere typum, & dicere symbolum? asse-
ruiſti. Aio, Quoniam euidenter obtrun-
cat symbolum typus. Et dixisti: Quo-
modo propter Dominum? Recitemus,
dixi, symbolum, & scito qualiter ob-
truncetur à typo. Et cœpisti dicere: Cre-
do in vnum Deum Patrem omnipoten-
tem, factorem cœli & terræ, visibilium
omnium & inuisibilium. Attende, dixi,
paululum, & disce qualiter apud Ni-
cæam conuenientium fides negetur. Fa-
ctor enim non esset Deus voluntate ac
operatione naturali priuatus, si volens
& non coactus fecit cœlum & terram: si

Psal. 134. veritatem profert Dauid in spiritu, di-
 6. cens : *Omnia quæcúmque voluit Dominus fecit, in cælo & in terra, in mari & in omnibus abyssis.* Si autem dispensationis gratia vna cum credulitate nequam salutaris demitur fides, separatio Dei fit omnimoda. sed non vnitas est huiusmodi species eius quæ dicitur dispensatio. Si quidem cras nefandi Iudæi dicent: Dispensemus in alterutros pacem & vniamur, & amputemus nos quidem circumcisionem, vos verò baptismum, & non iam inuicem impugnemus. Hoc & Arriani aliquando prætenderunt in scriptis sub Magno Constantino dicentes: Auferamus dictum vnus substantiæ, & alterius substantiæ, & vniantur Ecclesiæ. & non id admiserunt deiferi patres nostri, sed elegerunt potius persecutionem pati & mori, quàm tacere vocem comprobantem vnâ Patris, & Filij, & Spiritus sancti supersubstantialem deitatem. & hæc conhibente his qui hæc prætendebant Magno Constantino, sicut à multis refertur, qui ea quæ tunc gesta sunt studiosè scripserunt. & nullus Imperatorum potuit mediis vocibus suadere deiloquis patribus, vt conuenirent in ea

quæ ipsi sectabantur : sed expressis vocibus ac propriis, & dogmati quod quærebatur congruis vsi sunt: dicentes liquido, quoniam sacerdotum est quærere ac diffinire de salutaribus Ecclesiæ Catholicæ dogmatibus. Et dixisti.: Ergo non est omnis Christianus Imperator etiam Sacerdos? Et dixi, Non est. Neque enim astat altari, neque post sanctificationem panis exaltat eum, dicens: Sancta sanctis. Neque baptizat, neque chrismatis confectionem patrat, neque facit Episcopos, vel Presbyteros, aut Diaconos. neque linit Ecclesias, neque indicia Sacerdotij fert, super humerale scilicet & Euangelium, quemadmodum Imperij coronam & purpuram. Et dixisti: Et quomodo Scriptura Regem & Sacerdotem dicit esse Melchisedech? Et dixi: Vnius naturâ Regis cunctorum Dei, naturâ etiam ob salutem nostram Pontificis facti, vnus erat typus Melchisedech. Quòd si secundum ordinem Melchisedech, alium dicis esse Regem & Sacerdotem; & reliqua præsume dicere, id est sine patre, sine matre, sine genealogia, neque initium dierum, neque finem vitæ habentem. & aduerte quod

ex hoc oriri valeat malum. Alius quippe talis reperietur Deus incarnatus secundum ordinem Melchisedech. & non secundum ordinem Aaron salutem nostram perficiens. Veruntamen, quid volumus per multa discurrere? Inter sacras oblationes supra sanctam mensam post Pontifices, & Sacerdotes, & Diaconos, omnemque sacratum ordinem, cum laicis Imperatores memorantur, dicente Diacone: Et eorum, qui in fide dormierunt, laicorum, Constantini, Constantis, & ceterorum. Sic autem & viuorum memoriam facit Imperatorum post sacratos omnes. Hæc eo dicente, clamat Menas: Hæc dicens scidisti Ecclesiam. Et dicit ad eum: Si is qui dicit ea quæ sanctarum sunt Scripturarum, atque sanctorum Patrum, scindit Ecclesiam, qui adimit sanctorum dogmata, quid monstrabitur Ecclesiæ faciens, sine quibus nec dici ipsam Ecclesiam est possibile? Et conuersus Sacellarius dixit hominibus Exarchi cum clamore: Dicite Exarcho: huiusmodi hominem debebas dimittere viuere vbi præes? Et cum eduxissent eum foras, intromittunt discipulum. A quo cum exegissent, ut diceret

contra magistrum, quòd tribulauerit Pyrrhum: respondit quìeta voce quæ veritatis erant, quia nemo honorauit Pyrrhum vt honorauit magister meus, & iubetis clamare. Quia verò passus non est à decenti monachos reuerenda voce diuertere, iubetur percuti ab his qui astabant. & pugnis summissum semimortuum reddiderunt. Quibus dimissis ad carceres, venit ad senem Mennas, dicens in præsentia Principum. Misit te Deus, & duxit te huc, vt recipias quæcumque in alios fecisti, seducens omnes in Origenis dogmata. Ad quem seruus Dei coram omnibus dixit: Anathema Origeni, & dogmatibus eius, & omni consentaneo eius. Et dicit Epiphanius Patricius: Destructa est, domne Abba Menna, querimonia, quæ à te aduersus eum illata est, quoniam & si esset Origenianista, ex quo anathematizauit eum, ab huiusmodi sese liberauit querela. Interim ergo tale dictum super eo vltèrius non admittam. Et inductus est vnusquisque ipsorum in locum, in quo custodiebatur. Et eadem die circa tactum lucernæ, Troilus Patricius, & Sergius Eucratas, qui erat super Imperatoriam mensam,

venerunt ad seruum Dei senem, & sedentes iusserunt etiam illi sedere. & dixerunt ad eum. Dic nobis, domne Abba, motionem dogmatum, quæ inter te & Pyrrhum Romæ & in Africa facta est: & quibus ei verbis persuaseris anathematizare proprium dogma, & tuo pacisci. Et enarrauit eis omnia per ordinem quæcumque retinere memoria valuit. Addidit autem & hoc, dicens: Ego dogma proprium non habeo, sed commune Catholicæ Ecclesiæ. Neque enim moui vocem quamlibet, vt proprium meum dicatur dogma. Et post totam narrationem dicunt ei. Non communicas throno Constantinopolitano? Et dixit, Non communico. Quamobrem non communicas? dixerunt. Respondit: Quia sancta quatuor Concilia eiecerunt per illa nouem Capitula, quæ facta sunt Alexandria, & per eëthesin, quæ in hac vrbe à Sergio patrata est, & per typum, qui nuper, id est per sextam est indictionem expositus. & quia quæ per illa dogmatizauerunt, per eëthesin damnauerunt, & quæ dogmatizauerunt per eëthesin, per typum irrita statuerunt, & deposuerunt semetipsos totiens. Illi igitur,

qui à seipsis damnati sunt, & à Romanis atque à Synodo, quæ post hæc per octauam indictionem facta est, sunt depositi, & sacerdotio denudati, qualia celebrant rōgo mysteria? Aut qualis spiritus ad ea quæ à talibus celebrantur, aduenit? Et dicunt ei: Ergone tu solus saluaris, & omnes peribunt? Et dixit. Neminem damnauerunt tres pueri non adorantes iconam, cū hanc omnes homines adorarent. Non enim intendebant ea quæ aliorum erant, sed intendebant quatinus ipsi non deciderent à vera pietate. Sic & Daniel missus in lacum leonum non damnauit quenquam eorum qui non adorauerant Deum secundum Darij sanctionem. sed quod suum erat intendit, & elegit mori, & non cadere à Deo, & à sua conscientia flagellari in præuariatione eorum, quæ legalia sunt naturâ. Mihi que Deus non det damnare quenquam, vel dicere quòd solus ego saluer. Quantum autē valeo, eligo mori, quàm terrorem habere in conscientia, quod in fide, quæ in Deum est, per quemlibet errauerim modum. Dicunt ei: Et quid facies, cū Romani vniti Byzantiis fuerint? Ecce enim heri venerunt Apocri-

fiarj Romani , & cras Dominico die communicabunt Patriarchæ. ac per hoc omnibus manifestum fit, quòd tu subuerteris Romanos. Denique te illinc ablato, mox consenserunt his qui hîc sunt. Et dixit ad eos: Hi, qui venêre, præiudicium quoquomodo Sedi Romanæ, quamvis communicent, eo quòd non detulerint ad Patriarcham epistolam, non faciunt. & non credo aliquando quòd Romani vniantur istis, nisi confessi fuerint Dominum nostrû & Deum secundum vtrûmque eorum, ex quibus est, & quæ est esse, & natura voluntarium, & operatorium habere salutis nostræ. Et dicunt: Quòd si connexi fuerint his Romani, quid facies? Et dixit: Spiritus sanctus etiam angelos anathematizat præter id quod prædicatum est quid innouantes. Et aiunt: Vtique necessitas est voluntates dici in Christo, & operationes. Respondit: Omnis necessitas est, si dumtaxat piè reuera sapere volumus. Nihil enim eorum quæ sunt sine operatione naturali subsistit. Sancti namque Patres manifestè dicunt, non esse, nec sciri, sine substantiali operatione, quæ hanc substantialiter caracterizet. quomodo.

Cum Principibus in Secretario. 129

modo esse Christum, aut agnosci Deum natura veraciter & hominē est possibile? Amisso quippe secundum sanctos Patres fremibili leo, non iam leo, & latrabili canis, non iam canis; & aliud quodcumque perduto quod se naturaliter commendabat, non vlteriū est quod erat. Et dicunt ei: Nouimus verē quod ita sit. verumtamen ne contristes Imperatorem, qui propter pacem tantummodo fecit typum, non in ademptionem cuiusquam eorum quæ in Christo intelliguntur, sed ad pacem silentium vocum quæ faciebant dissensionem, dispensans. Et proiciens se Dei seruus in terram cum lacrymis dixit: Non debuerat contristari benignus & pius dominus aduersus humilitatem meam. non enim possum contristare Deum, tacens quæ ipse nos loqui & confiteri præcepit. Si enim secundum sacratissimum Apostolum ipse est, qui posuit in Ecclesia primo Apostolos, secundo Prophetas, tertio Doctores, perspicuum est quod ipse sit qui per istos locutus est. Per totam ergo sanctam Scripturam, tam scilicet vetus quam nouum testamentum, sanctosque Doctores, ac Synodos, edocemur voluntatis

& operationis tam in diuinitate, quàm in humanitate, incarnatum Deum esse capacem. In nullo enim eorum, quibus ut Deus scitur, vel eorum quibus ut homo naturâ cognoscitur, excepto dumtaxat peccato, est imperfectus. Si autem perfectus est in utrôque, sicut in nullo ex ambobus est minoratus; manifestè totum ipsius adulterat sacramentum, qui non confitetur eum esse quod est, cum existentibus sibi omnibus, naturalibus idiomatibus, ex quibus, & in quibus, & quæ esse probatur. Et cum paululum tacuissent, & ad inuicem innuissent, aiunt: Vnde potes ostendere, quòd sanctas Synodos abiiciant hi, qui sunt throni Constantinopoleos? Qui dicit eis: Iam partim ostensum est per ea, quæ Romæ locutus sum ad dominum Gregorium à secretis. Et nunc, si placet dominatori ut hoc ostendatur, iubeat dari licentiam indigno seruo vestro, & facio notitiàm librorum, quoniam mei ablati sunt. & cunctis hoc manifestum facio sine qualibet prauitate verborum. Et deinde cum alia multa dicta fuissent, in scripturales, ac naturales, & artificiales conuersi sunt exercitationes & theorias, quibus

delectati hilariores effecti sunt, & cœperunt dicere: Nouit Dominus, profecimus, & ex hoc vobis molestiam non ingeremus. Porro, domnus Sergius dixit ei: Sæpè veni ad cellulam tuam in Bellas, & audiui doctrinam tuam, & Deus auxilabitur tibi, ne sollicitus sis. In vno verò solummodo contristas omnes, quia videlicet multos facis separari à communione huius Ecclesiæ. Est aliquis qui asserat, ait Dei seruus, quòd dixerim, Ne communices Ecclesiæ Byzantiarum? Respondit domnus Sergius: Hoc ipsum, inquit, quo ipse non communicas. magna est apud omnes proculdubio vox non communicandi. Et Dei seruus: Nil, ait, certius est quàm conscientia, quæ accusat: & nil eo, cui hæc testimonium perhibet, maiorem habet fiduciam. Ceterum, cum audisset domnus Troilus, quòd typus anathematizaretur in toto Occidente, dicit ad seruum Dei: Bonum est, quia pij dominatoris nostri opinio iniuriis laceratur? Respondit seruus Dei: Deus ignoscat his, qui dominatori facere typum persuaferunt, & his qui permiserunt. At ille: Qui, ait, sunt, qui persuaferunt, & qui sunt, qui permiserunt?

Respondit : Hi qui erant Ecclesiæ suaserunt, & Principes permiserunt. Et ecce sordes à fontibus in fontem & omni hæresi purum excussa est. Sed consilium date, vt faciat quod fecit præ memoriæ quondam auus eius. Ille quippe sentiens, quòd in vituperium eius in Occidente quidam prorumperent, per Epistolam liberum se fecit ab Ecclesiæ querimonia, scribens : Ecthesis, inquit, non est mea. neque enim ego vel dictaui, vel iussi vt fieret. Sed cùm hanc Sergius Patriarcha composuisset ante quinque annos, prius quàm ab Oriente repedassem, deprecatus est me, cùm ad hanc felicem peruenissem urbem, vt nomine meo proponeretur cum subscriptione. & suscepì deprecationem illius. Nunc verò cognoscens, quòd quidam super ea altercarentur, cunctis facio manifestum, quia non est mea. Hanc fecit iussionem ad beatum Ioannem Papam, condemnantem ecthesin in his quæ scripserat tunc ad Pyrrhum. Et ex eo tempore vbique Sergij esse dicitur ecthesis. Hoc faciat & is qui piè in nobis imperat, & permanebit omninò intemerata ab omni reprehensione opinio eius. Tunc mouentes

capita siluerunt, hoc tantum dicentes: Omnia difficilia, & perplexa. His itaque & aliis diuersis edictis, adorati & adorantes, cum omni hilaritate discesserunt. Et rursus alio sabbato adduxerunt eos in Palatium, & introducunt primò discipulum senis, conuenientibus etiam tunc duobus pariter Patriarchis. Et ducunt Constantinum & Mennam senis accusatores, exigentes à discipulo, quo adquiesceret his quæ à se dicerentur. Ast discipulus cum fiducia omni ad Senatum intrepidè dixit: Constantinum introducitis in secretarium Palatij? Hic neque Presbyter est, neque Monachus, sed Tribunus thymelicus. innotuit Afris atque Romanis, quales mulierculas pascens illinc venerit. Nam & omnes didicerunt versutias eius, quas exercuit vt lateret, modò quòd sorores suæ fuerint dicens, modò quòd ne communicarent Ecclesiæ Constantinopolitanæ tulerit eas, affirmans, ne videlicet polluerentur hæretica communione. Verùm etsi rursus sibi defecerint epulæ, & inuenerit locum se non agnoscentē, eadem facit turpis lucrigatiā, & sordidæ voluptatis. Ingēnsque confusio est saltem loqui cum eo his, qui

religiosè vivere volunt. Deinde interrogatus si typum anathematizasset, intrepidè dixit: Non solùm anathematizavi, sed & libellum feci. Ergone, aiunt ei Principes, confiteris te malè fecisse? At ille: Non tribuat Deus, vt quod benè & secundum ritum Ecclesiæ feci, dicam factum fuisse non benè. Et super multis interrogatus, cùm respondisset secundum quod sibi largitus est Deus, educitur de secretario. Et introducunt senem, & dicit ad eum dominus Troilus. Dic Abba, vide, dic veritatem, & miserebitur tui dominator. Nam si ad legalem inquisitionem venerimus, & inuenerit saltem vnum verum ex his, de quibus accusaris, lex occidet te. Et dixit: Iam dixi, & iterum dico. Si vnum tantummodo ex his quæ dicitis est verum, & satanas Deus est. Si verò non est Deus, sed apostata; & ea super quibus accusor falsa sunt, & minimè substantia. Verumtamen quicquid iubetis facere, facite. Deum colens non iniuriam patior. Et dicit ei: Non anathematizasti typum? Respondit: Multoties dixi, quia anathematizavi. Et dicit ei: Typum anathematizasti, Imperatorem anathematizasti. Respondit Dei

seruus : Ego, inquit, Imperatorem non anathematizaui, sed Chartam alienam ab Ecclesiastica fide. Et dicit ei: Vbi anathematizatus est à Romana synodo? Respondit: In Ecclesia Saluatoris; & in Dei genitricis. Tunc dicit ad eum Præfectus: Communicas Ecclesiæ huic, an non communicas? Respondit, & dixit: Non comunico. Dicit ei: Quare? Respondit: Quoniam foras eiecit Synodos. At ille: Si foras, inquit, eiecit Synodos, quomodo in diptychis recitantur? Et dicit: Et qui profectus est nominum, cùm dogmata sint eiecta? Et potes, ait, hoc ostendere? Et dixit. Si accepero licentiam, & iusseritis, ostendetur hoc oppido facilè. Et tacentibus omnibus, dicit ei Sacellarius: Quare diligis Romanos, & Græcos odio habes? Respondens autem Dei seruus ait: Præceptum habemus, ne quemquam odio habeamus. Diligo Romanos vt vnā mecum habentes fidem: Græcos autem, vt eadem qua ego linguā loquentes. Et iterum dicit ei Sacellarius: Quot annorum dicis esse teipsum? Respondit, septuaginta quinque. Et dicit ei, Quot annos habet tecum discipulus tuus? Respondit, triginta septem. Tunc vnus

clericorum exclamavit. Retribuit tibi Deus quæcumque fecisti beato Pyrrho. Ad quem nihil omnino respondit. Cum autem tanta in secretario dicta fuissent, nullus penitus Patriarcharum quicquam effatus est. Cumque sermo de Synodo Romana motus exitisset, clamat Demosthenes: Non est firma Synodus eo, qui hanc celebrauit, deposito. Ad quod servus Dei: Non, inquit, depositus est, sed expulsus. Nam quæ sub gestorum serio synodica & canonica facta est actio continens eius diligenti relatione depositionem? Verumtamen etiamsi canonicè depositus exitisset, non faceret hoc præiudiciū his, quæ orthodoxè secundum sacras regulas sunt firmata: quibus etiam quæ scripta sunt à sanctæ memoriæ Papa Theodoro congruunt. Et dicit his auditis domnus Troilus: Nescis quid dicas Abba. Quod factum est, factum est.

HÆC sunt, quantum memoria retinet, quæ mota & dicta sunt, & tali ea quæ in illos gesta fuere terminata sunt fine. dimisso quoque sancto sene à secreto in carcerem. Postera verò die, quæ fuit Dominica, concilio facto, hi qui erant Ecclesiæ persuaserunt piissimo Imperatori, hoc eos

amato & inhumano exilio condemnandos, & ab inuicem diuidendos. Sanctum quidem senem penes Byzohen castrum Thracæ provincie. porro discipulum eius apud Perberim, quod exterius nec passu pedis Romanorum habet Imperium, nudos, sine prouisione, sine causa, atque omni ad viuendum occasione carentes, non appropinquant mari, ne haberent ex misericordiis visitationem. & ita sunt nudi, & sine alimentis, solam habentes spem Dei. & hoc omnes Christianos rogantes atque clamantes: Orate propter Dominum, vt consummet Deus misericordiam suam cum humilitate nostra, & doceat nos. Nam & ipsi qui cum eo nauigant efferi experimentum accipiunt maris, ventis quidem & fluctibus scapha concussa, sed stabili penitus permanente. Permittit quippe magnis eos temptari procellis, eorum erga se probans affectum, quatinus voce grandi exclament, *Domine, salua nos, perimus*, discant. *Matt. 8.* que omnia illi soli adscribere, quæ suæ. *15.* noscuntur esse salutis. & ne confidentes sint in se, tranquillitatēque consequantur magnam, ventis sedatis & fluctibus. & in medium eos luporum dat, & per

angustam portam intrare, & per arcam
 incedere semitam iubet. & famem, ac si-
 tim & nuditatem, & vincula & carceres,
 & abductiones & verbera, & crucem &
 clauos, & acetum & fel, & sputa & ala-
 pas, & colaphos & ludibria proponit, &
 passionem, & mortes multimodas. quo-
 rum finis splendidissima est resurrectio,
 ferens secum pacem his qui propter il-
 lum persecutionē sunt passi, & ascensum
 in cœlos, & ascensum ad paternum & su-
 persubstantialem thronum, & sortem quę
 est super omnem principatum, & potesta-
 tem, & virtutem, & dominationem, &
 omne nomen quod nominatur, siue in
 hoc sæculo, siue in futuro. Cuius partici-
 pes efficiamur omnes, orationibus & in-
 tercessionibus superlaudabilis & præ om-
 nibus venerabilis & gloriosę, proprię ac
 natura Dei genitricis, semperque Virgi-
 nis Marię, sanctorumque Apostolorum,
 Prophetarum, ac Martyrum. Amen.

ITEM EIVSDEM SANCTI ABBATIS
 MAXIMI AD ANASTASIVM
 MONACHVM DISCIPVLVM
 SVVM.

HERI, quod fuit octauadecima men-

sis dies, qua solemnitas agebatur sanctæ
mediæ Pentecostes, Patriarcha significa-
uit, mihi dicens: Cuius Ecclesiæ es? Con-
stantinopolitanæ, Romanæ, Antioche-
næ, Alexandrinæ, an Hierosolymitanæ?
Ecce omnes vnà cum subditis sibi pro-
uinciis adunatæ sunt. Igitur si es Catho-
licæ Ecclesiæ, vnire, ne fortè extraneam
& nouam viam conuersatione tua repe-
riens patiaris quod non speras. Ad quos
dixi: Catholicam Ecclesiam Deus om-
nium esse prænunciavit, rectam & saluta-
rem fidei in se habitæ confessionem, Pe-
trum beatum dicens in quibus se benè
confessus est. Verumtameu discam con-
fessionem, supra quam omnium Eccle-
siarum facta est vnitas, & ab eo quod be-
ne gestum est nequaquam alienabor. Et
aiunt: Licèt non habeamus super hoc
iussionem, dicimus, vt efficiaris penitus
inexcusabilis. Duas fatemur operatio-
nes ob diuersitatem, & vnā propter vni-
tionem. Duas propter vnitatem asseritis
factas, an præter has, dixi, aliam? Non, in-
quiunt, sed duas vnā propter vnitio-
nem. Caruimus, dixi, rebus, nobismetipsis
sine subsistentia fidem, & sine existentia.
Deum fingentes, Si enim in vnā con-

fundimus duas propter vnitionem, & rursus in duas separamus vnam propter differentiam, non erit vnalitas, neque dualitas, operationibus inuicem separatis semper, & patrantibus inoperatuum & penitus insubstantium cum cui inerant. Quod enim ex natura nullum habet qui auferri possit, vel aliqua ratione vicissitudinis commutari & intercidere motum, omni caret substantiâ secundum patres, non habens operationem substantialiter se characterizantem. Hoc itaque dicere nequeo. neque enim sic edoctus sum à sanctis Patribus confiteri. quod libuerit vobis, potestatiui cum sitis, facite. Ergo audi, dixerunt. Visum est dominatori & Patriarchæ per præceptum Papæ Romani, vt anathematizeris nisi obedias, & destinatam ab eis perferas mortem. Quod à Deo ante omne diffinitum est sæculum, finem accipiat, ferens sibi gloriam ante omne sæculum scitam, illis cum hæc audirem, respondebam. Et vt cognoscas, & additamentum orationis & deprecationis facias Deo; manifesta tibi quæ denunciata sunt mihi exhibui: rogans quatinus hæc domino Thio, & sanctis Patribus qui illic simul cum eo sunt, nota constituas

Cum Principibus in Secretario. 141
eiusdem rei gratiâ. ANASTASIUS.

HÆC iussit mihi transcribere & nota
facere sanctissimis vobis. quo & ex his
motive comperta, communem omnes
pro communi matre nostra, Catholica vi-
delicet Ecclesia, & nobis indignis seruis
vestris afferatis Domino precem, ad robo-
randum omnes, & nos quoque, in illa vo-
biscum perseverantes, secundum, piè in
ipsa prædicatam à sanctis Patribus ortho-
doxam fidem. Magnus enim in toto
mundo timor habetur, cùm hæc persecu-
tionem consonanter ab omnibus patia-
tur. nisi sua gratia consuetè præstet auxi-
lium is, qui semper auxiliatur, semen pie-
tatis saltem seniori Romæ relinquens,
nobis non mentientem ad Apostolo-
rum habitam principem repromissionem
suam confirmans.

EIVSDEM S. ANASTASII
MONACHI DISCIPVLI S. ABBATIS
Maximi, ad commune Monachorum
apud Caralim constituto-
rum Collegium.

MULTA scribere nos etiam
præter votum tempus pro-
hibuit. Omnia verò in vno
nota facimus verbo sanctif-
simis vobis. Hi qui alterius
sunt partis diffinitione immobili vt est,
& propriæ maximè professionis consti-
tui paternam non malunt doctrinam, sed
alterius impelluntur opinionibus, quas
& dinumerare operosum de cetero du-
co. Modò ergo ab inexistentiâ ad incon-
uenientiam translati sunt: id est ex eo
quod neque vnâ, neque duas dicunt,
ad prædicandum duas & vnâ, id est
tres in vno eodémque Christo volunta-
tes & operationes traducti. quod neque
patrius, neque synodicus, neque physi-
cus sermo decreuit: sed neque prisco-
rum & deinceps hæreticorum furor ea-

tenus adinuenit, sciens inanem tanquam vitio proprio corruptam eandem opinionem. Si enim diuersæ ex diuersis compositum sustantiis characterizant naturaliter proprietates, vtpote nullatenus adempta naturarum diuersitate propter vnitionem, sed salua potius proprietate vtriusque naturæ, & in vnâ personam & vnâ subsistentiam concurrente, quemadmodum sancta Chalcedonensis synodus ait. & is Deus ex Deo patre, & homo ex homine semper virgine matre, idem ipse existens cognoscitur iuxta naturam natus, quanquam incorporaliter & sine causa; corporaliter autem ex hac propter causam, salutem videlicet nostram: quomodo possibile est, vnâ eandemque personam; id est vnum eundemque Christum Dominum nostrum & Deum, super duas etiam alia secundum ipsos proprietate naturaliter figurari, ad certitudinem eorum, ex quibus, & in quibus, & quæ est? Si enim eadem creduntur etiam per aliam, id est per tertiam, quæ & per dualitatem, voluntates & operationes eius, quæ secundum naturam sunt: necesse est vt identitate exhibitionis indissimilitas cogno-

144 *Anastasij Monachi Epistola*

scatur existentia, & sit idem duabus vix,
id est alterutris tres, siue naturales, siue
substantiales. Verum, naturales quidem
non, sed secundum illos subsistentialis,
aggredientque ob hoc aduersus eum iam
aut tres substantias, aut totidem subsi-
stentias, & secundum ipsum æqui nume-
ri proprietates, increatam videlicet &
creatam, & neutram, id est inexisten-
tem. Inexistens enim est, quod neutrius
per naturam participatur, ita vt etiam
identitate, quæ ad eam, id est tertiam est,
secundum illos inexistentes sint & duæ
naturæ, & naturales ipsius voluntates &
operationes. At verò si non eadem, sed
alia, exceptis his ex quibus est creden-
dus, in eo per tertiam aiunt, eundem se-
cundum eandem, rursus proferunt in-
inexistentiam, velut is qui medius inter
neutram harum existat, increatam scili-
cet natura sua, & creatam substantiam
atque virtutem. aut enim subsistentia-
lem volunt hanc esse, aut compositam,
aut Dei virilem, aut vnitoriam propter
adunationem. Nam non solum, vt di-
ctum est, hanc non existentem introdu-
cunt, quod secundum nihil eorum ex
quibus est natura hunc caracterizet:

verum.

verum etiam à naturali cognatione, quam habet cum Deo & patre, reddunt externum. Minus enim dicendum, quia perhibent eum etiam à congenita proprietate, quam habet ad intemeratam matrem & virginem, alienum: quasi secundum neutrum horum habeat compositam, aut subsistentialem, aut deiuiri-lem, aut vnitoriam propriam voluntatem & operationem. Verùm patris quidem incompositam sine principio habet, & substantialem atque diuinam; matris verò creatam naturâ & humanam. Deinde etiam diuisas naturas, ex quibus ipse est, inferunt, quasi per operationem, & non per subsistentiam sibi vnitas innotescat, si propter vnitatem vnâ operationem dogmatizent. quod hi qui in diuisione corrupti sunt dicunt, affectuosam hanc esse operationem fabulosè fingentes. Sic autem & confusionsi locum tribuentes, & deiuirilem secundum Seuerum malè interpretantur, vnâ hanc, sed non duas secundum vnitionem diuinâ naturâ & virilem significare contendentes, & hac deiuri quandam naturam, sed non virum factum Deum sibi met subinducunt, præsertim cùm hoc

146 *Anastafij Monachi Epistola*

præuidens etiam verè deiphantor Dionysius; non vnā vocauerit hanc, sed nouā quādam Deiuirili nobis eum dixerit operatione conuersatum. Ostendens non alteram ab altera disiunctam, sed ambas per alterutras, & alterutris conaturaliter adunatas, in eorum ex quibus, & in quibus, & quæ erat, certitudinem proferendas. Et vt paternè dicamus, cum alterius communione horum vtrumque. Itaut mirabiles quidem passionēs, compassibilia verò proculdubiò miracula cognoscantur, per omnimodam coaptationem eorum, quæ ab eo naturaliter gesta sunt. Dupla enim omnia, & vera omnia, & vnita omnia prædicant in eo qui duplici est natura, ea quæ secundum naturam sunt Dei præcones & patres nostri. Quibus, vt dictum est, suum corrigere nolentes sermonem, adhuc & senioris Romæ propriæ consentire sectæ coegerunt Apocrisiarios, vnā super duas, id est tres secum prædicandi in eodem Domino nostro IESV CHRISTO voluntates & operationes, similem scientiæ ligno gustum commiscentes, quemadmodum & isti fidem ex bono & malo proferunt af-

festantibus. Vnde & talibus circumuenientes literis, ei qui miserat mittunt. Quia ergo in magno propter hæc periculo sunt res penè totius Catholicæ & Apostolicæ Dei Ecclesiæ constitutæ, pro ea deprecamur & obsecramus sanctissimos viros, ne hanc despiciatis periclitantem, sed adjuuetis tempestatibus laborantem, scientes in tempore tribulationis dilectionem, quæ in Spiritu sancto est, nasci. & si possibile est vos transire citius, quasi alia pro causa, ad senioris Romæ pios & firmos vt petram viros. qui videlicet vobiscum tutores nostri sunt semper & propugnatores feruentissimi veritatis, obsecrare hos supplicatoriis vocibus & lacrymis pro omnibus Christianis, quatinus mercedem à Domino fortiantur. omnibus similiter & sibi met absque nouitate recens inuenta seruantes orthodoxam fidem, & nihil super ea minus plûsve suscipientes vel approbantes, præter quæ diffinita sunt à sanctis Patribus ac synodis, vt boni studij sui æmulatione hoc maximum cum Dei auxilio directè prosequentes opus, cum illis siue nunc, siue in die iudicij, Dominum habeant debitorem,

quem nimirum habuerunt in talibus creditorem, non aliud quid præter se, sed ipsum totum, totis vobis atque illis in æternas delicias & refectiorem donantem. quem & nos habere aduersus Arrianos qui continuantur hîc supplicite Deo, beati & nostræ ad Deum deductionis præuij, cùm simus egeni, pauperes, & indigni serui vestri.



TOMVS CONTINENS

RELATIONEM DE DOGMATIBVS,
quæ mota sunt inter S. Maxi-
mum & Theodosium Episco-
pum Cæsareæ Bithyniæ, seu
Consules qui cum eo erant.



VÆ mota sunt de imma-
culata nostra Christiano-
rum fide, atque subintro-
ducta contrariorum noui-
tate, inter Abbatem MA-
XIMVM & THEODOSIVM Episcopum
Cæsareæ Bithyniæ, necessarium duxi
manifesta facere omnibus vobis, qui in
orthodoxia consistitis: vt cum certius
de his scire visi fueritis, glorificetis ma-
gis ac magis amatorē hominum Deum,
qui dat verbum in apertione oris timent-
ium se. ne fortè more solito veritatis
inimici huic contraria diffamantes, cor-
da vestra conturbent. Igitur nono Kal.

K iij

Septembrias, quæ nunc transacta est
quartædecimæ indictionis, exiuit ad
eum in exilium, in quo positus seruaba-
tur, id est ad castrum Bizyæ, prædictus
Episcopus Theodosius, ex persona, ut
dixit, Petri Constantinopolitani Præsu-
lis missus, nec non & PAVLVS ac THEO-
DOSIVS Consules, ut facti sunt, & ipsi ex
persona Imperatoris directi. Et cum
ascendissent ad prædictum Monachum
MAXIMUM in locum, in quo reclusus
habebatur, sederunt, & præceperunt
etiã & ipsum sedere. Aderatautem cum
illis etiam Episcopus Bizyæ. Et dicit ad
eum Theodosius Episcopus, Quomodo
habes Abba? Et Maximus ad eum: Sicut
prædestinavit Deus ante omnia sæcula
prouisoriam fore circa me dispensatio-
nem, sic habeo. THEODOSIVS. Ergo-
ne prædestinavit Deus ante omne sæcu-
lum quæ circa singulos sunt? MAXI-
MVS. Si præsciuit, utique & prædesti-
navit. THEODOSIVS. Quid est hoc
ipsum quod asseris, præsciuit & præde-
stinavit? MAXIMVS. Præscientia est
cogitationum & sermonum & operum
quæ ex nobis sunt: prædestinatio verò
eorum est quæ ex nobis non accidunt.

THEODOSIVS. Quæ sunt illa, quæ ex nobis sunt, & quæ ex nobis non sunt? MAXIMVS. Vt liquido patet, omnia sciens dominus meus probando interrogat seruum suum. THEODOSIVS. Per veritatem Dei ignorans & discere volens percontatus sum differentiam eorum quæ sunt ex nobis, & quæ non sunt ex nobis, & qualiter quædam sub præscientia Dei, quædam verò sub prædestinatione consistant. MAXIMVS. Ex nobis sunt voluntaria omnia, id est virtutes & vitia. Non ex nobis autem sunt illationes accidentium nobis pœnarium modorum, vel his contrariorum. Neque enim ex nobis est vel nocens languor, vel lætificans sanitas, licet operatrices horum causæ ex nobis existant. vt puta intemperantia causa est languoris, quemadmodum temperantia causa est sanitatis. Et regni cælestis causa mandatorum custodia, quemadmodum & ignis æterni horum transgressio. THODOSIVS. Ergone propter hoc tribularis in exilio isto, quoniam digna quædam hac tribulatione gessisti? MAXIMVS. Rogo vt Deus hac tribulatione remetiatur excessus meos, quibus ei peccaui in præua-

ricatione iustificationum mandatorum suorum. THEODOSIVS. Non est etiam probationis causa tribulatio multis illata? MAXIMVS. Probatio Sanctorum est, vt scilicet per tribulationes vitæ hominum manifestentur affectus eorum, qui sunt circa id quod est naturaliter bonum, sibi met insinuantes ignotas omnibus virtutes suas, vt in Iob & Ioseph. Siquidem alter ad manifestationem absconsæ fortitudinis temptabatur, alter verò ad declarationem sanctificationis pudicitie probabatur. Et omnis sanctus non sponte tribulatus ad quasdam huiusmodi dispensationes tribulatur: vt per infirmitatem qua permittitur molestiam pati, superbum & apostatam draconem conculcet, id est diabolus. Patientia enim probationis opus est in vnoquoque Sanctorum. THEODOSIVS. Per veritatem Dei benè dixisti, & confiteor vtilitatem. & quærebam in talibus semper disputare vobiscum. Sed quia pro alio capitulo ego & domini mei futuri Patricij profecti sumus, & per tot intervalla locorum aduenimus, rogamus te quæ à nobis proferuntur suscipere, & totum orbem lætificare. MAXIMVS.

Quæ sunt hæc, domine? vel quis ego, & unde sum, ut in his quæ protenduntur mihi, consensus meus totum lætificet orbem? THEODOSIVS. Per veritatem Domini nostri IESV CHRISTI, quod dico tibi ego & domini mei futuri Patricij, ex ore domini nostri Patriarchæ ac pij domini orbis audiuius. MAXIMVS. Iubete, domini mei, dicere quæ vultis & quæ audistis. THEODOSIVS. Rogat Imperator & Patriarcha per nos, cognoscere à te, qua pro causa non communicates throno Constantinopolitano. MAXIMVS. Habetis super hoc præceptionem in scriptis à piissimo Imperatore, vel Patriarcha? THEODOSIVS. Non debueras, domine, nobis incredulus esse. Licet enim exiguus sim, sed Episcopus audior, & isti domini mei pars senatus existunt. Nec venimus ad temptandum te, absit. MAXIMVS. Quoquomodo venissetis ad servum vestrum, ego absq; omni reuerentia dico causam ob quam non communico throno Constantinopolitano. Verumtamen etsi aliorum esset fas percontandi qua pro causa, vestrum non esset, qui me causam certius nostis. Sciris nouitates quæ factæ sunt à

sexta indictione transacti circuli, inceptas ab Alexandria per nouem Capitula à Cyro, qui nescio quo pacto illic factus est Præsul. quæ videlicet firmata sunt à throno Constantinopolitano. necnon & alias immutationes, additionesque ac diminutiones, quæ factæ sunt in Concilio à Sergio, Pyrrho, ac Paulo, qui Ecclesiæ Byzantij præfuerunt. quas videlicet nouas adinventiones esse, omnis noster orbis agnoscit. Hac pro causa non communico ego seruus vester Ecclesiæ Constantinopolitanæ. Tollantur offendicula, quæ posita sunt à prædictis viris, cum eisdem ipsis qui posuerunt hæc, quemadmodum dixit Deus: *Et lapides à via proiicite.* & planam & detritam, atque ab omni spinosæ hæreseos prauitate liberam viam Euangelij gradientur. & tunc inueniens quemadmodum erat incedo & ipse absque omni hortatu humano. Donec autem super offendiculis positis, & his qui posuerunt ea, gloriantur Præfules Constantinopolitani, nullus sermo vel modus est, qui mihi persua-deat illis communicare. **THEODOSIUS.** Nunquid malum, quid confitemur, ut separare te huius rei causam conueniat à

communione nostra? MAXIMVS. Quia
vnam operationem dicentes deitatis &
humanitatis Dei & Saluatoris nostri Ie-
su Christi, confunditis tam Theologiæ
quàm dispensationis sermonem. Si enim
credere oportet Patribus, qui asserunt,
quorum est operatio vna, horum & sub-
stantia vna, quaternitatem facitis san-
ctam Trinitatem, quasi congenita verbo
facta carne ipsius: quæ etiam careat co-
gnata identitate, quam nobiscum, &
cum ea quæ se peperit, naturaliter ha-
bet. & rursus perimentes operationes,
& vnam voluntatem asseuerantes deita-
tis ipsius & humanitatis, adimitis eius
bonorum distributionem. Si enim nul-
lam habet secundum illos qui hoc san-
xerunt operationem, perspicuum est
quòd licèt velit, misereri non possit. de-
truncata nimirum eius operatione bo-
norum. sed duntaxat operatione natu-
rali excepta, nihil eorum quæ sunt ope-
rati vel agere constat. Alias autem &
carnem facitis voluntate quidem con-
creatricem omnium sæculorum, & eo-
rum quæ sunt in eis, Patri & Filio ac Spi-
ritui sancto. naturâ verò creatam, vel vt
verius dicamus non habentem initium.

voluntate, si diuina voluntas sine initio est, utpote quæ sit deitatis sine initio existentis, naturâ verò recens. Quod non solum omnem sensum excedit, sed & omnem impietatem. Non enim dicitis absolutè tantum vnâ voluntatem, sed & istam diuinam. Diuinæ verò voluntatis nemo potest initium excogitare temporale, vel finem. Nam nec diuinæ naturæ, cuius est substantialis voluntas. Rursus autem aliam introducentes nouitatem, adimitis omnimodis omnia significantia & commendantia diuinitatem & humanitatem Christi, legibus & typis sancientes, neque vnâ neque duas in eo voluntates aut operationes dicendas. quod rei est essentiam non habentis. Nihil enim eorum quæ sunt, si intellectuale est, priuatur voluntatem habente virtute ac operatione; si sensuale, sentiente operatione; si germinabile, crescente ac alente operatione; si penitus inanimale est, & ea quæ ex more dicitur vita caret, operatione ac oportunitate. & indicant omnia quæ sic sunt opitulatiua sensibus sensualium. operatio enim talium est, subici vtique visui per apparitionem suam, auditui per sonum.

odoratui per odorationem quandam amplexibilem, gustui per quosdam humores, & tactui per reciprocam impressionem. Sicut enim operationem visus dicimus videre, ita & visorum videri, & cætera omnia secundum eundem aspiciamus fieri modum. Si igitur nihil eorum quæ sunt est omni penitus operatione destitutum, dominusque noster & Deus (propitius esto Domine) nullam habet naturalem voluntatem vel operationem in utrisque, ex quibus, & in quibus, & quæ est, quomodo poterimus aut esse, aut vocari Dei cultores, secundum nulum modum existere cum voluntate vel operatione dicentes, qui adoratur à nobis, Deum? Expresse namque à sanctis Patribus edocemur, cum dicunt: Quod enim nullam virtutem habet, neque est, neque aliquid est, neque est quævis eius omnino positio. THEODOSIUS. Quod factum est per dispensationem, ne accipias ut ratum dogma. MAXIMUS. Si non est ratum eorum dogma, qui hunc recipiunt, typus qui sancit & lex, nullam dicendam Domini voluntatem vel operationem, quarum detruncatio inexistentialiam indicat eius, qui fuerit his pri-

uatus, qua pro causa barbaricis & sine Deo gentibus me absque honore tradidistis? Qua pro causa damnatus sum ad habitandum Bizen, & conseruorum meorum alter quidem Perberim, alter verò Mesembriam? THEODOSIVS. Per Deum, qui me iudicaturus est, & quando factus est dixi, & nunc idipsum dico, quia malè, & ad læsionem multorum factus est typus. Verùm occasio facta est vt exponeretur alterna lis orthodoxorum super operationibus & voluntatibus altercantium: & vt omnes pace mutua fruerentur, consideraerunt quidam huiusmodi voces silentio comprimendas. MAXIMVS. Et quis fidelis suscipit dispensationem taceri facientem voces, quas dici per Apostolos, & Prophetas, atque doctores Deus omnium dispensauit? Et inspiciamus, domine magne, in quod malum deueniat tractatum Capitulum istud. Si enim Deus posuit in Ecclesia primò Apostolos, secundò Prophetas, tertio Doctores ad perfectionem sanctorum, dicens in Euangelio Apostolis, & per eos his qui post ipsos sunt: *Quod vobis dico, omnibus dico.* Et iterum: *Qui recipit vos, me recipit: & qui vos spernit,*

Marc. 13.

37.

Matth. 10.

40.

Luc. 10.

16.

me spernit, manifestum est ac perspicuum, quod qui non recipit Apostolos, & Prophetas & Doctores, sed spernit voces eorum, ipsum Christum spernit. Inspiciamus autem & aliud. Deus eligens excitauit Apostolos, & Prophetas, atque Doctores ad perfectionem Sanctorum. At verò diabolus falsos Apostolos, & falsos Prophetas, & falsos Doctores contra pietatem eligens excitauit; quo & vetus lex impugnetur & Euangelica. Falsos autem Apostolos, & falsos Prophetas, & falsos Doctores solos hæreticos intelligo, quorum sermones & cogitationes peruersæ consistunt. Sicut ergo is, qui veros Apostolos, & Prophetas, & Doctores recipit, Deum recipit: ita & qui falsos Apostolos, & falsos Prophetas, & falsos Doctores recipit, diabolum recipit. Igitur qui pariter cum scelestis & immundis hæreticis sanctos eiecit, (susci-
pitem me dicentem veritatem) Deum liquidò cum diabolo pariter condemna-
uit. Itaque si examinantes nouitates, quæ temporibus nostris effectæ sunt, eas ad hoc deuenisse inuenerimus summum malum, videte ne fortè pacem præten-
dentes, apostasiâ reperiâmur languere, &

prædicare. quam præcursuram fore Antichristi aduentum sacratissimus dixit Apostolus. Hæc absque subtractione dixi vobis, domini mei, vt parcatis vobismetipsis, & nobis. Iubetis vt hæc scripta in libro cordis mei habens, ingrediar & communicem in Ecclesia, in qua hæc prædicantur, & fiam communicator eorum, qui veraciter quidem Deum, falsò verò diabolum cum Deo eiciunt? Ne fiat mihi à Deo, qui propter me secundum me factus est absque peccato. Et genu flexo dixit: Quicquid iusseritis in seruum vestrum facere, facite. Ego his, qui hæc recipiunt nunquam communicabo. Et ceu gelidi facti super his quæ dicta fuerant, deorsum capita summittentes, siluerunt per multam horam. & annuens, atque Abbatem Maximum Theodosius intuitus dixit: Nos fidè dicimus tibi dominum nostrum Imperatorem, quòd te communicante tollat typum. MAXIMVS. Multum adhuc distamus abinuicem. Quid faciemus de confirmata synodicè voce vnus voluntatis in eiectionem omnis operationis à Sergio, Pyrrho, ac Paulo? THEODOSIVS. Illa Charta deposita est, & proiecta.

MAXIMVS.

MAXIMVS. Deposita est ex lapideis parietibus, non tamen ex intellectualibus animabus. Suscipiant damnationem horum, quæ Romæ synodicè prolata est per pia dogmata, seu regulas, & soluitur medius paries, atque hortatione non indigebimus. Et ait Theodosius Episcopus: Non est firmata synodus quæ Romæ celebrata est, quoniam sine iussione facta est Imperatoris. MAXIMVS. Si synodos quæ factæ sunt iussiones Imperatorum firmant, & non pia fides; recipite Synodos, quæ cōtra homousion factæ sunt. nam iussione Principum sunt patratae. Primam videlicet in Tyro, secundam in Antiochia, tertiam in Seleucia, quartam in Constantinopoli sub Eudoxio Arriano, quintam in Nice, quæ est in Thrace, sextam in Sirmio; & post hæc multo pōst septimam in Epheso secundam, cui Dioscorus præfuit. Omnes enim has Imperatorum iussio aggregavit. Attamen omnes damnatae sunt propter impietatem infidelium dogmatum ab eis confirmatorum. Quare autem non abicitis eam, quæ deposuit Paulum Samosatenum sub sanctis & beatis Dionysio Papa Romano, & Dionysio Alexan-

drino, atque Gregorio miraculorum patratore, qui eidem præfuit Synodo, quoniam non est iussione facta Imperatoris? Qui præterea canon promulgat, solas illas approbandas synodos, quæ Imperatoris iussione sunt congregatæ? Verum etsi omninò iussione Imperatorum synodos aggregetis, illas nouit sanctas & probabiles Synodos pius Ecclesiæ canon, quas reئتitudo dogmatum approbavit. Sed & bis, quemadmodum nouit Dominus meus, & alias docet, fieri synodos in omni prouincia per singulos annos regula sancit, iussionis Imperialis nullam memoriam faciens, ad tuitionem salutaris fidei nostræ, & correctionem omnium Capitulorum, quæ diuinæ non conueniunt Ecclesiæ legi. Et dixit Theodosius Episcopus: Ita est vt asseris. Dogmatum quippe reئتitudo Synodos roborat. Verumtamen non recipis libellum Mennæ, in quo vnā voluntatem & vnā operationem Christi dogmatizauit? MAXIMVS. Ne det Dominus Deus. Vos non recipitis, sed eiicitis omnes Doctores, qui post sanctum Chalcedonense Concilium decertaue-
runt aduersum Seueri execrabilem hæ-

resim: & ego habeo recipere libellum
Mennæ, qui post Concilium fuit, per
quem liquido sentire dinoscitur cum
Seuero, & Apolinatio, & Macedonio, &
Arrio, ac omni hæresi, & accusat Conci-
lium, immò perfectè reiicit per ea quæ
dogmatizauit? THEODOSIVS. Quid
ergo, penitus non recipis vnâ opera-
tionem? MAXIMVS. Et quis dicit
vnâ operationem ex probabilibus ma-
gistris Ecclesiæ? Et attulit Theodosius
scripta, quæ falsò ab eis ferebantur esse
sanctorum Iulij Romani, & miraculo-
rum factoris Gregorij, atque Athanasij
testimonia, & legit ea. Et dixit Maximus:
Timeamus nunc Deum, & ne velimus
irritare illum in hæreticorum prolatione
testimoniorum. Nullus enim ignorat
hæc impij esse Apolinarij. Ergo si alia
foran habes, ostende. Nam hæc profe-
rentes, plus credere cunctis persuaderis,
quòd secundum veritatem impij Apoli-
narij & nequam cum eo sentientium
opinionem renouassetis. Et profert idem
Episcopus Theodosius sub nomine
Chrysostomi duo testimonia, quæ agno-
scens Abba Maximus ait: Hæc Nestorij
sunt, qui personalem in Christo dualita-

tem vesanè dogmatizauit. Et statim furore feruescens Theodosius dixit: Domne Monache, Satanas locutus est per effrænatum os tuum. **MAXIMVS.** Ne tristetur dominus meus contra seruum suum. Et mox sumens ostendit ei easdem voces esse Nestorij, & in quibus sermonibus eius iacerent. **THEODOSIUS.** Deus nouit, frater, hæc testimonia Patriarcha mihi dedit. Verùm ecce, alia quidem horum dixisti Apolinarij, alia verò Nestorij. Et producto sancti Cyrilli testimonio, quod ait, vnā atque cognatā per vtrāque demonstrans operationem, dixit: Quid ad hæc dicis? **MAXIMVS.** Sunt quidam ostendentes illud in veritate per additionem positum in interpretatione Euangelij, quæ facta est ex hoc sancto patre, à Timotheo Heluro. Verùm, sit secundum vos eius. Scrutemur igitur sensum paternarum vocum, & cognoscamus veritatem. **THEODOSIUS.** Hoc non permitto fieri. Simples enim voces necessarium habes recipere. **MAXIMVS.** Dic mihi differentiam deprecabilis factus vocum ad varias. **THEODOSIUS.** Vt sicuti est recipias vocem, & ne scruteris sensum

Cum Theodosio Episc. Casarea. 165
 ipsius. Et Maximus. Evidenter, inquit,
 nouas & extraneas Ecclesiæ etiam super
 vocibus introducitis leges. Si secundum
 vos non oportet scrutari voces Scriptu-
 rarum ac patrum, abicimus omnem scri-
 pturam, veterem scilicet, atque nouam.
 Audiui enim dicentem Dauid: *Beati qui Psal. 118,*
scrutantur testimonia eius, in toto corde ex-
quirunt eum. præsertim cum nemo sine
 scrutinio possit exquirere Deum. Et
 rursus: *Da mihi intellectum, & scrutabor le-*
gem tuam, & custodiam illam in toto corde *Ibid. 34.*
meo. Tanquam scrutinio agente ad co-
 gnitionem legis atque scientiæ, cum de-
 siderio persuadeat dignis ex corde eam
 custodire per completionem sanctorum
 quæ in ea posita sunt mandatorum. Et
 iterum: *Mirabilia testimonia tua, ideo scru-* *Ibid. 129.*
tata est ea anima mea. Quid autem parabo-
 las, & ænigmata, & obscuros sermones
 scrutari nos vult Prouerbialis sermo?
 Quidue Dominus in parabolis loquens
 vult intelligere discipulos suos, parabo-
 larum edocens sensum? Quid etiam præ-
 cipiens, *Scrutamini scripturas,* utpote te- *Ioan. 5. 39.*
 stimonium perhibentes de se? Quid &
 primus Apostolorum Petrus docere
 vult, *De qua salute exquisierunt atque* *1. Pet. 1. 10.*

scrutati sunt Prophete, dicens: Quid
verò Paulus diuinus Apostolus, dicens:

2. Cor. 4. 3. Si opertum est Euangelium, sed in his qui per-
eunt est opertum, in quibus seculi huius excaga-
uit oculos mentis eorum, ut non luceat eis illu-
minato scientie Christi. Vt apparet, similes
nos vultis esse Iudæis, qui simplicibus,
ut dicitis, vocibus, id est sola litera, ve-
luti quadam mole mentem obruentes,
euulsi sunt à veritate, velamen haben-
tes in cordibus suis, ut non intelligant
spiritum, qui propriè est & occultatur in

1. Cor. 3. 6. littera. Vnde & ait: Littera quidem occidit,
spiritus verò viuificat. Certus efficiatur do-
minus meus, quia ego nullatenus patiar
suscipere vocem absque sensu qui reja-
cet in ipsa, ne fiam manifestus Iudæus.
At verò THEODOSIVS hoc audito ait:
Vnam operationem Christi subsistentia-
lem debemus dicere. MAXIMYS. In-
spiciamus malum quod ex hoc gignetur,
& fugiamus externam hanc vocem. hæ-
reticorum enim est tantum, qui deorum
multitudinem colunt. Si enim substan-
tiallem Christi dixerimus vnam opera-
tionem, cum non aptetur aliquando se-
cundum subsistentiam Patri & Spiritui
Filius, haud dubium quin nec secun-

dum substantialem operationem: cogemur quemadmodum Filio, ita & Patri & Spiritui substantiales operationes tribuere. & secundum vos, quatuor operationes habebit beata diuinitas, tres segregatiuas personarum in quibus est, & vnā communem significatiuā societatis, quæ est secundum naturam trium substantiarum. & secundum Patres, si duntaxat eorum doctrinam recipimus, quadripartita erimus Deitate languentes. Naturalem quippe, non substantialem omnem esse decernunt operationem. Et si hoc verum est, sicut re vera est, quatuor naturas, & quatuor naturâ Deos differentes ab inuicem substantiâ & naturâ dicere apparebimus. Verumtamen, quis dixit, aut contemplatus est seorsum habitam operationem cuiuspiam eorum quæ sub aliqua specie rediguntur, & sub communi diffinitione speciei natura taxantur? Numquam enim aliquando fit id, quod naturâ commune est, vnius & solius cuiuslibet proprium. Substantialia namque indicia, vtpote nasi prolixitas seu breuitas, aut oculorum albedo, aut caluitium, & quæcūque sunt talia, quæ deputatiua acci-

dentia sunt numeris ab inuicem differentibus. Omnis enim homo, ut aliquid natura existens, sed non ut quis, substantia dinoscitur operari secundum categoricam rationem, quæ tam singulariter quàm communiter intelligitur, nec non & dicitur. Ut puta animal rationale mortale, quod est generalis secundum nos rationis. Omnes enim eandem percipimus vitam, & eandem rationabilitatem, & flexum & deflexum, & sedere, & stare, & loqui, & tacere, & videre, & audire, & tangere. quæ sunt rationis, quæ communiter in nobis intelliguntur. Non itaque oportet innouare voces non habentes vim, vel sacræ Scripturæ, vel patrum, aut naturalem, sed exteram, & versutiis hominum adinuentam. Verumtamen ostende mihi hanc positam in quouis Patre, & iterum sensum eius qui hanc dixit inquiremus. THEODOSIUS. Quid ergo? non oportet omnimodis in Christo dicere vnā operationem? MAXIMUS. Secundum sanctam Scripturā, sanctosque Patres, nil tale dicendum suscepimus. Sed quemadmodum duas naturas Christum, ex quibus & est, ita & naturales eius voluntates &

operationes conuenientes sibi, cùm sit naturâ Deus, idem ipse simul & homo, credere iussi sumus & confiteri. THEODOSIVS. Verè, Domine, & nos confitemur & naturas & operationes diuersas, id est diuinam & humanam, atque ipsius cum voluntate deitatem, sed & cum voluntate humanitatem: quoniam sine voluntate nullatenus erat anima eius. Duas autem non dicimus, ne hunc sibi met pugnam inferentem introducamus. MAXIMVS. Ergone duas naturas dicentes, repugnantes eas infertis propter numerum? THEODOSIVS. Non. MAXIMVS. Ergone naturis designatus numerus non diuidit, sed cùm in voluntatibus & operationibus dicitur, diuisionis habet virtutem? THEODOSIVS. Vtique in his diuisionem habet, & Patres numerum in voluntatibus & operationibus non dixerunt, fugientes diuisionem; sed alteram & alteram, atque diuinam & humanam, duplam, duplicem, & vt dixerunt dico, & vt fassi sunt fateor. MAXIMVS. Propter Dominum, si quisquam tibi dixerit alteram & alteram, quot intelligis? vel duplam aut duplicem, quot intelligis? THEODOSIVS. Noui quali-

ter intelligam : duas autem non dico. Tunc conuersus Abba Maximus ad Principes, dixit: Propter Dominum, si audieritis vnam & vnam, & aliam ac aliam, aut bis duas, aut bis quinque, quid intelligentes his qui hoc dicerent responderetis? Et dixerunt: Quoniam adiurasti nos, vnam & vnam, duas intelligimus, & alteram & alteram, duas intelligimus, & bis duas quatuor intelligimus: similiter & bis quinque decem. Et quodammodo reueritus Theodosius responſionem eorum, ait: Quod non est à Patribus dictum non dico. Et accepto protinus Abba Maximus libro gestorum sanctæ ac Apostolicæ Synodi Romanæ, monstrauit sanctos Patres duas voluntates & operationes Saluatoris nostri & Dei Iesu Christi apertè dicentes. Quem acceptū ab eo Theodosius Consul legit, sed & omnia Sanctorum testimonia Patrum. Tūcque respondens Theodosius Episcopus dixit: Deus scit, nisi quia personaliter anathemata posuit Synodus hæc, plus quàm omnis homo recepissem illam. Sed ne moras hîc faciamus. Quicquid dixerunt Patres dico, & in scriptis continuò facio duas natu-

ras, & duas voluntates, & duas operationes: & ingredi, nobiscum communicare, & fiat vnitas. MAXIMVS. Domine, non audeo ego suscipere consensum à vobis in scriptis super huiusmodi re, cum sim Monachus purus. Sed postquam Deus ad compunctionem vos excitauit, in scriptis transmittite, id est Imperator, & Patriarcha, Synodusque ipsorum. Ego enim nec his peractis communico, dum recitantur anathematizati inter sanctam oblationem. timeo enim condemnationem anathematis. THEODOSIUS. Deus nouit, non reprehendo te, quia times, nec alius quisquam. Sed da nobis consilium propter Dominum, si est hoc possibile fieri. MAXIMVS. Quod consilium habeo super hoc dare vobis? Ite, perscrutamini, si tale quid aliquando factum sit, & post mortem solutus sit quispiam à crimine quod in fidei causa contraxit, atque ab illata contra se querela seu damnatione. & consentiant Imperator ac Patriarcha imitari Dei condescensionem, faciátque Imperator quidem iussionem rogatoriam, Patriarcha verò synodicam deprecationem ad Papam Romanum. & profectò si re-

pertus fuerit mos proculdubio Ecclesiasticus hoc præcipiens, ob rectam confessionem conueniet vobiscum super hoc.

THEODOSIVS. Hoc profectò fit. Sed da mihi verbum, quòd si me miserint, venias mecum.

MAXIMVS. Domine, expedit tibi conseruum meum, qui est Mesembriæ, accipere tecum magis quàm me. Ipse enim & linguam nouit, & verentur eum digniùs, eo quòd per tot annos cruciatus fuerit propter Deum, & rectam fidem, quæ tenetur in Sede ipsorum.

THEODOSIVS. Iurgia diuersa habuimus ad inuicem modò, & idè non gratanter accipio pergere cum illo.

MAXIMVS. Domine, iam quia visum est hoc fieri, exitus fiat eorum quæ putata sunt, & sequor vos quocúmque iusseritis.

Et in his surrexerunt omnes cum gaudio & lacrymis, positisque in terra genibus oratio facta est, & vnusquisque ipsorum sancta Euangelia, pretiosamque crucem, & imaginem Dei ac Saluatoris nostri IESV CHRISTI, atque Domine nostræ, quæ illum peperit, sanctissimæ Dei genitricis salutauerunt: ponentes nihilominus manus suas ad certificationem eorum quæ dicta sunt,

Synod. VII.

Act. 4.

ipsumque crucem, & imaginem Dei ac Saluatoris nostri IESV CHRISTI, atque Domine nostræ, quæ illum peperit, sanctissimæ Dei genitricis salutauerunt: ponentes nihilominus manus suas ad certificationem eorum quæ dicta sunt,

Deindéque cùm pusillum confabulati fuissent ad inuicem de vita, quæ secundum Deum agitur, & diuinorum obseruantia mandatorum, conuersus Theodosius Episcopus ad Abbatem Maximum dixit: En, omnia soluta sunt scandala, & facta est pax per Deum, & fiet. Sed propter Dominum ne celes me. non dicis per quemcúmque modum vnã voluntatem & operationem in Christo? MAXIMVS. Non mihi possibile est hoc aliquando dicere. Et dico causam, quoniam extranea vox est sanctis Patribus, duarum diuersarum naturarum vnã dicere voluntatem & operationem. Deinde verò & per omnem modum, qui dicit hoc, inueniet iure occurrentem sibi prauitatem. Primò, quoniam si dixero naturalem, timeo commixtionem. Secundò, quia si dixero subsistentialem, diuido à patre ac Spiritu sancto, & tres voluntates inducere apparebo mutuò sibimet congruentes, quemadmodum & subsistentias. Tertiò, quoniam si dixero velut vnius vnã voluntatem & operationem, cogor & velut vnius Patris, & velut vnius Spiritus dicere, licet nolim, voluntatem & operationem. & inuenietur sermo in multitu-

dinem Deorum cecidisse. Quartò, si dixerò affectualem; Nestorij infero personalem diuisionem. Quintò, si dixerò præter naturam, corrumpo existentiam voluntatis. Corruptio quippe est naturæ id quod præter naturam est, quemadmodum Patres dixerunt. THEODOSIUS.

Vnam propter vnitionem Saluatoris nostri voluntatē per omnia & omnino dicere debemus, sicut & Sergius, & Pyrrhus, benè, vt reor; intelligentes scripserunt. MAXIMVS. Si iubes; domine, suscipe duo super hoc verba mea. Primò, quia si propter vnitionem vna Dei & Saluatoris nostri, sicut Sergius, Pyrrhus, & Paulus, scripserunt, voluntas effecta est, alterius voluntatis secundum illos erit Filius Patri propter naturam, sed non propter vnitionem, secundum filium habenti voluntatem, si non, idipsum est vnitio & natura. Secundò, quia si propter vnitionem vna secundum ipsos Saluatoris nostri voluntas effecta est, causam profectò suam vnitionem habebit, & non aliam eorum naturam ex quibus existit, & affectus, nō naturæ, secundum ipsos erit apertè voluntas. naturam enim, non affectum, veritatis ratio nouit. Tertiò, si propter vnitionem,

ut facti sunt, vna Saluatoris nostri voluntas effecta est, qua voluntate aiunt ipsam fuisse vnitionem effectam? Non enim ea quæ per illum effecta est, fatebuntur utique, si duntaxat veritati operam dederint, & quod est irrationabile fugerint. Quartò, si propter vnitionem vna Saluatoris voluntas effecta est, liquet profectò quòd ante vnitionem aut cum multis voluntatibus fuerit, aut penitus absque voluntate. Et si quidem multarum erat voluntatum, diminutionem multarum pertulit, ad vnā nimirum voluntatem contractus, & conuertibilitatis perspicuæ passionem suscepit; multarum, quæ sibi naturaliter inerant, voluntatum diminutionem. At verò, si modis omnibus erat absque voluntate, meliorem naturā esse monstrauit vnitionem, ex qua acquisiuit voluntatem, qua natura carebat. Et iterum conuertibilis. palam profectò fecit quod naturā sibi non inerat, sed adquisiuit affectu. Quintò, si propter vnitionem vna Saluatoris nostri secundum vtraque ex quibus est voluntas effecta est, recens factus est voluntate Deus, idem ipse propter vnitionem naturā permanens sempiternus, & voluntate homo sine princi-

pio permanens naturâ recens. quod est impossibile, ne dixerim impium. Sextò, si propter vnitionem vna naturarum voluntas effecta est, non est quippiam propter eandem causam vna naturarum effectum natura. Et reciso inter hæc Theodosius Episcopus sermonis super his habiti impetu, dixit: Quid igitur sit propter vnitionem, si nihil horum factum est propter eam? MAXIMVS. Incarnatum sine mendacio factum eum qui sine carne fuerat demonstravit, ipsûmque naturâ Deum & omnium conditorem, naturâ factum hominem euidenter ostendit, non conuersione naturæ, aut diminutione cuiusquam eorum quæ naturæ sunt, sed vera susceptione intellectualiter animata carne, id est indiminuta humanitate ab omni progenitorio secundum naturam crimine munda. & quod est secundum liberationis rationem mirabile reuera, & cunctis ingenti stupore habendum, totum in hominibus Deum, eundem integrum manentem intra sua, totum in diuinis hominem, eundem ipsum integrè manentem, à propriis non decedentem. Receptio enim in inuicem naturarum, & naturalium quæ sibi insunt,

iuxta

iuxta deiloquorum patrum nostrorum doctrinam, & non translatio vel casus propter vnitionem effecta est, eorum qui confusionem malignè faciunt vnalitatem, & ideò innouationibus multimodè confusionem inducunt, & propter defectionem constantiæ rationis suæ persequuntur pios. Quibus auditis, Theodosius Episcopus visus est cum reliquis, qui secum venerant, quod dictum fuerat suscepisse. Et iterum idem EPISCOPVS ad Abbatem Maximum. Fac, inquit, caritatem: quid est quod dixisti nobis, quia nullus vt quis subsistentiam, sed vt quid naturam operatur? Astat enim mihi non intelligenti quod dictum est. MAXIMVS. Nullus vt quis subsistentiam operatur, sed vt quid naturam. vtputa Petrus & Paulus operantur, sed non Petricè, & Paulicè, sed humanè. ambo quippe homines naturaliter iuxta communionem & diffinitiuam naturæ rationem, sed non subsistentialiter secundum id quod propriè facit. Similiter Michael & Gabriel operantur, verùm non Michaelicè vel Gabrielicè, sed Angelicè. Ambo quippe Angeli. & ita in omni natura multa numero prædicante, communem, sed non

annihilatam operationem aspicimus. Ergo qui dicit substantialem operationem, ipsam naturam, cum vna sit, infinitam operationibus inducit effectam, secundum multitudinem atomorum, quæ sub ipsam rediguntur, à semet differentem. quod si admiserimus benè se habere, in ipsa omni natura quoquomodo existendi rationem corrumpimus. Et his dictis, dum inuicem oscularentur, Theodosius Consul dixit: En facta sunt omnia benè. putásne consensurus est Imperator rogatoriam facere iussionem? Et dicit Abba Maximus. Vtique facit, si voluerit imitator esse Dei, & humiliari cum eo propter communem omnium nostrum salutem: perpendens quia si Deus, qui naturâ saluat, non saluauit donec volens humiliaretur, quomodo is qui naturâ saluandus est homo, aut saluabitur aut saluabit non humiliatus? Et dixit Theodosius Consul: Spero, quia Deo saluante mihi memoriam, hunc eundem ei dicam sermonem, & adquiescet. Et cum in his se mutuò salutassent, abierunt cum pace, data ab Episcopo Abbati Maximo quadam pecuniæ quantitate, & tunica, & casula, quæ fuerant sibi transmissa. Et tuni-

cam quidem statim eadēque hora tulit Bizyensis Episcopus. Ast in Regio non solum quantitatem sibi pecuniæ datæ, verumetiam & aliud quodcumque ex beneficentia quorundam habere videbatur, vnā cum reliquis eius vilibus rebus ac vestibus abstulerunt. Postquā verò abierunt prædicti viri sexto Idus Septembrias præsentis quintædecimæ indictionis, exiuit rursus Paulus Consul in Bizyen, ad Abbatem Maximum iussionem ferens continentem secundum hanc formam. Iubemus gloriæ tuæ ire Bizyen, & adducere Maximum Monachum cum honore multo atque blanditiæ, tam propter senectam & infirmitatem, quā eo quòd sit à progenitoribus noster, fueritque illis honorabilis. Et ponite hunc in venerabili Monasterio sancti Theodori, quod reiacet iuxta Regium, & venire, & nunciare nobis. & mitemus ad eum ex persona nostra Patricios duos, qui debeant illi declarare quæ nobis placuerint, nos ex animo amantes, & à nobis amatos. & venire nunciaturi nobis aduentum eius. Igitur cū idem Consul adduxisset eum, & posuisset in iam nominato Monasterio, regressus est nuntiare. Et in

craftinum veniunt ad eum Epiphanius & Troilus Patricij, cum multo amictu & phantasia: necnō & Theodosius Episcopus. & ascendunt ad eum in catechumenium Ecclesiæ ipsius Monasterij, factaque consueta salutatione sederunt, cogentes & ipsum sedere, & orsus habitum ad eum sermonem Troilus, dixit: Dominus orbis iussit nos venire ad te, & dicere vobis quæ visa sunt diuinitus roboreto imperio suo. Sed dic nobis primus, si facias iussionem Imperatoris, an non. Maximus dixit: Domine, audiam quid iusserit pius eius imperium, & necessario respondebo. Nam ad id quod ignotum est mihi, qualem responsionem daturus sum? At verò Troilus perseuerabat, asseuerans, non potest esse ut dicamus aliquid, nisi primum dicas, utrum facias vel non facias iussionem Imperatoris. Et cum vidisset eos insistentes per amplius dilationi suæ, & amarius intuentes, ac asperius respondentes cum omnibus qui cum eis erant, & ipsis quoque dignitatibus sæcularibus eleuatis, respondens Abba Maximus ait: Quia non patimini dicere seruo vestro quæ placeant domino & Imperatori nostro, ecce

Cum Theodosio Episc. Cesareæ. 181

dico, audiente Deo, ac sanctis Angelis, & omnibus vobis, quoniam quicquid iusserit mihi super quacumque re cum hoc sæculo destruenda & corrumpenda, promptè faciam. Et confestim surgens Troilus dixit: Orate mihi, ego vadam. Hic enim nihil facit. Et multo vehementique factò tumultu, ac multa turbatione & confusione, dixit eis Theodosius Episcopus: Dicite illi responsa, & cognoscite quid fateatur. Nam sic regredi, nihilque dicere, & nihil audire, rationabile non est. Et tunc Epiphanius Patricius ait: Hoc tibi per nos significat Imperator, dicens, Quoniam totus Occidens, & qui in Oriente subversiones operantur, ad te spectant, & omnes propter te simultates exagitant, nolentes conuenire nobiscum in causa fidei. Deus compungi te faciat, vt communices nobiscum in typo, qui expositus est à nobis, & exhibimus per nos ipsos ad Chalem, & osculabimur te, & supponemus vobis manum nostram, cumque omni honore ac gloria introducemus vos in magnam Ecclesiam, & cum nobis ipsis sistemus vbi ex more Imperatores stant, & faciemus pariter synaxim, & participabimus

M iiij

intemeratorum & viuificorum sacramentorum viuifici corporis & sanguinis Christi, & prædicabimus te denuo patrem nostrum, fietque gaudium non modo amatrici Christi & regis vrbi nostræ, sed & in toto terrarum orbe. Scimus enim certissimè, quòd te communicante sancto huic throno, cuncti vniantur nobis, qui propter te tuumque magisterium, se à communione nostra sciderunt, Et conuersus ad Episcopum Abba Maximus cum lacrymis ait; Domine magne, diem iudicii expectamus omnes. nosti quæ ordinata sunt & diffinita supra sancta Euangelia, & viuificam crucem, atque imaginem Dei & Saluatoris nostri Iesu Christi, & sanctissimæ quæ illum genuit semper Virginis matris. Et summisso deorsum vultu, Episcopus mitiori voce dicit ad eum; Et quid habeo facere, postquam aliud quid placuit? Et dixit ad eum Maximus Abba: Et quare tetigisti sancta Euangelia, & hi qui tecum erant, cum non sit in vobis eorum quæ dicta sunt exitus? Verè omnis cæli virtus hoc mihi facere minimè persuaderet, Quam enim rationem redderem, vt non dicam Deo, conscientiæ meæ, quod si

propter humanam gloriam, quæ secundum sui rationem nullam habet salvandi substantiam, fidem abnegarem eius qui fouet eam? Et in sermone isto surgentes omnes furore instabiles redditi, euulsionibus & impulsionibus atque direptionibus debilitauerunt eum, à capite usque ad ungues sputis certatim mactificantes. Quorum usquequo lota sunt vestimenta, quibus circumamictus erat, foetor longius exhalabat. Et surgens Episcopus dixit: Non oportebat ita fieri, sed audire ab eo tantummodo responsionem, & ingredi, & nuntiare domino nostro bono. Canonicae quippè res alio disponuntur modo. Et cum vix eis Episcopus ut quiescerent persuassisset, rursus sederunt: & denis milibus iniuriis, & maledictionibus inexcogitabilibus dehonstantibus eum, cum furore multo & asperitate, dixit Epiphanius: Dic malorum extreme, vorax ciuium, quasi nos & ciuitatem nostram, sed & Imperatorem hæreticos habeas, hæc persecutus es verba? Verè plus quàm tu Christiani sumus atque orthodoxi, & Dominum nostrum ac Deum confitemur habere & diuinam voluntatem & humanam volun-

tatem, & animam intellectualem: & quia omnis intellectualis natura utique habet ex natura velle ac operari, quoniam vitæ proprium motus est, & intellectus proprium voluntas: & voluntatis eius capacitatem nouimus, non secundum deitatem tantum, sed & secundum humanitatem. Quin & duas ipsius voluntates & operationes non abnegamus. Et respondens Abba Maximus dixit: Si ita creditis, quemadmodum intellectuales naturæ, ac Dei Ecclesia, quomodo me cogitis communicare in typo qui solam eorum habet diuisionem quæ vos profitemini? Et dixit Epiphanius: Ob dispensationem factum est hoc, ne lædantur populi huiuscemodi subtilioribus vocibus. Et respondens Abba Maximus dixit: Econtra omnis homo sanctificatur per districtam fidei confessionem, non autem per diuisionem quæ in typo est posita. Et dixit Troilus: Et in Palatio dixi tibi, quia non interemit, sed taceri iussit, ut pace fruamur omnes. Et respondens Abba Maximus dixit: Silentium verborum interemptio est verborum. Per Prophetam enim dicit Spiritus sanctus: *Non sunt loquela, neque sermiones*

Cum Theodosio Episc. Casarea. 185

quorum non audiantur voces eorum. Ergo sermo qui loquutione non prædicatur, nullatenus est. Et dixit Troilus: Habe in corde tuo ut vis, nemo te prohibet. Et dicit Abba Maximus: Sed non circumclusit Deus corde totam salutem, dicens, *Qui non confitetur me coram hominibus, nec ego confitebor eum coram patre meo, qui est in cælis.* Et facer Apostolus docet, dicens, *Corde enim creditur ad iustitiam, ore autem confessio fit ad salutem.* Si ergo Deus, ac Dei Prophetæ, atque Apostoli, iubent confiteri mysterium Sanctorum vocibus, quod est magnum & horrendum, atque totius mundi salutare, non est opus quoquomodo taceri vocem id prædicantem, ut non imminuatur tacentium salus. Et respondens a superiori verbo Epiphanius dixit, Subscripsisti in libello? Et dixit Abba Maximus: Etiam subscripsi. Et quomodo, inquit, ausus es subscribere, & anathematizare confitentes atque credentes sicut intellectuales naturæ, & Ecclesia Catholica? Verè iudicio meo introducimus te in urbem, & sistemus te in foro vindictum, & mimos ac mimas, & prostitutas meretrices, & omnem plebem adducemus, ut unus-

Matt. 10.

Rom. 10.

10.

quisque ac vnaquæque & alapis cædat,
& conspuat in faciem tuam. Et ad hæc
respondens Abba Maximus, ait: Sicut
dixistis fiat, si confitentes duas naturales
voluntates & operationes ei qui est
Deus natura in veritate simul & homo,
anathematizauimus. Lege, domine, ge-
storum seriem ac libellum: & si vt dixi-
stis inueneritis, facite quod vultis. Ego
enim, & conserui mei, & quotquot sub-
scripserunt, eos qui secundum Arrium
& Apolinarium vnā voluntatem &
vnā operationem dicunt, anathemati-
zauimus, & non qui confitentur Domi-
num nostrum & Deum in vtrisque ex
quibus, in quibus, & quæ est natura in-
tellectualem, & idè secundum vtrām-
que cum voluntate ac operatione nostræ
salutis. Et dicunt: Si cum hoc conferi-
mus, neque manducabimus, neque bi-
bemus. Sed surgamus & prandeamus, &
ingrediamur, atque dicamus quæ audiui-
mus. Ille quippe venundauit se satanæ.
Et cū surrexissent, pranderunt. Et in-
gressi sunt cum ira, vigilia Exaltationis
pretiosæ ac viuificæ Crucis. Et in crasti-
num diluculo exiuit Theodosius Con-
sul ad prædictum Abbatem Maximum,

& abstulit ab eo quicquid habebat, dicens ei ex persona Imperatoris: Quia noluiſti honorem, prolongatus eſt à te, & vade vbi dignum temetiſum fore iudicaſti, habens quoque iudicium diſcipulorum tuorum, tam ſcilicet eius qui eſt Meſembria, quàm eius qui eſt Perberis, quique fuit notarius beatæ memoriæ auiaſt noſtræ. Dixerant autem & Patricij, Troilus videlicet & Epiphanius, quia modis omnibus adducemus etiam ambos diſcipulos tuos, id eſt tam eum qui eſt Meſembria, quàm illum qui eſt Perberis, & probabimus etiam ipſos, ac videbimus & ipſorum quoque prouentum. Verumtamen vt ſcias, domine Abba, quoniam ſi ſaltem modicam requiem ſumpſerimus à confuſione gentium, coniungi vobis habemus per ſanctam Trinitatem, & Papam qui nunc eſt tolemus, & omnes ibidem loquentes, & reliquos diſcipulos tuos, & omnes vos conſtabimus, vnumquemque in apto ſibi loco, vt conſlatus eſt Martinus. Et ſumptum eum iamdictus Theodoſius Conſul militibus tradidit. & duxerunt eum uſque Salambriam. Et manſerunt ibidem per duos dies, quouſque perrexit ad

castra vnus ex militibus, & dixit cuncto exercitui, quia Monachus qui blasphemat Dei genitricem huc venit. Hoc autem egerunt, vt commouerent exercitum aduersus prædictum Maximum Abbatem, quasi blasphemauerit Dei genitricem. Et post duos dies rediens miles ille, tulit eum in castra, & compunctus diuinitus Prætor, imò loci seruator Prætoris, misit ad eum primores bandorum, Presbyterosque ac Diaconos & reuerendos signorum custodes. Quos cum intuitus esset iam nominatus Abba Maximus aduenisse, surrexit, & misit metanœam: & miserunt & illi vice reciproca, & sederunt, iubentes & ipsi sedere. Et quidam valde senex honorabilis dixit ad eum cum reuerentia: Pater, quoniam scandalizauerunt nos quidam in sanctimoniam tuam, quòd non dicas Dei genitricem Dominam nostram sanctissimam Virginem, adiuro te per sanctam & consubstantialem Trinitatem, quo veritatem dicas nobis, & detergas à corde nostro scandalum hoc, ne lædamur iniuste scandalizati. Et missa metanœa surrexit, & extensis in cælum manibus cum lacrymis dixit: Qui non dicit dominam

nostram superlaudabilem, sanctissimam, intemeratam, & omni naturæ intellectuali venerandam, naturalem veraciter matrem Dei effectam, qui fecit cælum & terram, & mare, & omnia quæ in eis sunt, sit anathema, & catathema à Patre & Filio, & Spiritu sancto, consubstantiali & supersubstantiali Trinitate, ac omni super cælesti virtute, atque à choro sanctorum Apostolorum, Prophetarum, & infinita plebe sanctorum Martyrum, omnique spiritu in iustitia consummato, nūc & semper & in sæcula sæculorum, amen Et flentes omnes orauerunt ei dicentes: Deus confortet te, pater, & dignum te faciat absque offensa hunc perficere cursum. Et his dictis, congregati sunt multi milites auscultaturi multa bona verba quæ mouebantur. Et cum contemplatus esset quidam domesticorum Prætoris, quòd multus coaceruaretur & ædificaretur exercitus, ac reprehenderet quæ fiebant, quid suspicatus Deus scit, præcepit eum rapi & emitti extra castra duobus milibus, donec collectionem fecissent, & venissent qui deberent ducere illum Perberis. Verum Clerici diuina moti dilectione pe-

dites duobus illis miliariis abierūt, & venerunt, & salutauerunt eum, & orauerunt illi, & manibus suis gestantes imposuerunt eum supra iumentum, & reuersi sunt cum pace ad loca sua, & ipse adductus est Perberis in custodiam, qua continuis vexationibus tenebatur. Et hoc quoque sciendum, quia in Regio prætendebat Troilus ad Abbatem Maximum dicens, quòd Consiliarius IOANNES scripserit sibi de accidentibus quibusdam, quæ sibi consulerent, ac placerent: licèt hoc fieri interim discipulorum tuorum inordinatio prohibuerit. *Æstimo autem quòd non scripserit iam dictus Consiliarius Ioannes ad Troilum, sed ad Mennam Monachum, & ille deinceps id dixerit Palatinis.*

GLORIA tibi, vnigenite Deus, Verbum Patris, & vne consubstantialis Trinitatis, qui eos qui propter te cum te peluntur & patiuntur, verbo & opere confortas, & sapientes facis in Spiritu sancto. Eos verò qui tui, & reuera propriè semper Virginis matris tuæ inimici, & veritatis calumniatores sunt, semper confundis. Gloria tibi, Trinitas sancta, increate, sempiterna, sine initio, infinita,

Cum Theodosio Episc. Casarē. 191
inconuertibilis, & supersubstantialis, ac
impartibilis, Deus noster. Gloria tibi,
gloria tibi, gloria tibi, eadem & sola bea-
ta Trinitas, spes & salus vniuersorum qui
in orthodoxa fide adorant te, & seruiunt
tibi in veritate vsque in finem. Sola inte-
merata & sanctissima, propriè naturâ sino
mendacio ac veraciter Dei mater, & post
partum iterum verè virgo casta, iuua.



ANASTASII PRESBYTERI
ET APOCRISIARII ROMÆ
Epistola ad Theodosium
Presbyterum Gan-
grensem.



XEMPLAR propriæ scri-
ptionis Epistolæ sancti
Patris nostri ac doctoris
ANASTASII Presbyteri
& Apocrisiarij magni
nominis senioris Romæ,
noui scilicet Confessoris, vel quod magis
fatendum est, multum certatoris & Mar-
tyris veritatis, scriptæ vnâ cum subiacen-
tibus testimoniis sacris, & syllogismis,
quæ abscisa est eius sancta dextra manu,
admirabili prorsus ingenio, immò diui-
na virtute & gratiâ, postquàm passus est
ipse & patres qui cum eo fuerunt in mi-
sero Byzantio, propter verbum tantum-
modo veritatis, & quòd noluisent, vel
etiam, vt veriùs dicatur, non potuissent
eis com-

Ad Theodosium Presb. Gangrensem. 193
eis communicare in tam publica ipso-
rum perfidia, & manifesta impietate, se-
cundum sanctum & magnum in Theo-
logia Gregorium, qui in sermone suo,
quē in se fecit, & aduersus Arrianos affa-
tur, Quasdam dimisimus bestias sancto-
rum corporibus, quōd quidam inhumani-
tatem publicauerint, vnum accusantes
tantum, ne impietati cederent, nec com-
munionē polluerentur: quam vt vene-
num serpentis fugientes, non corpus la-
dentem, sed profunda quæque animæ
offuscantem. Missa præterea est à tertio
exilio, id est Lazico, ad Theodosium
Presbyterum Gangrensem, & Mona-
chum in sancta Christi nostri ciuitate
constitutum. SUPERScriptio.

DOMINO MEO PER OMNIA SANCTIS-
SIMO DEO HONORABILI PATRI SPI-
RITALI AC MAGISTRO THEODOSIO
PRESBYTERO, ANASTASIVS EXIGVVS
MISERICORDIA DEI PRESBYTER ET
MONACHVS SERVVS SERVORVM DEI.



MEMORIAM iustorum cum lau-
dibus diuinitus inspiratum no-
bis facere iubet Prouerbiū.
Ego igitur exiguus memo-

N

194 *Anastasij Apocrisiarij Epistola*
riam iustorum illorum, & præcipuè Ma-
ximi reuera megisti, (hoc enim Maxi-
mus nomen insinuat) sermone meo in
præsentiarum facere volens, & dignè il-
lius virtutem atque scientiam, sicut &
pro Christo Deo gestum martyrium
eius laudare minimè valens, hoc solum
significare per hanc Epistolam Deo ho-
noralibus vobis consideraui, quod &
ipsi maximè nosse, prout didici, desidera-
stis, id est, quando beati illi in Domino
dormierint. Notum igitur facio vobis,
pluribus ex his quæ hîc nobis illata sunt
malis, silentio, ob multitudinem eorum,
& sermonis fastidium, necnon & tempus
incongruum, traditis: quod cùm venis-
semus ad amicorum Christi regionem
Lazorum sexto Idus Iunias quintæ in-
dictionis, statim separauerunt nos ab in-
uicem præceptione illius, qui tunc præ-
esse his qui illic erant sorte meruerat, di-
ripientes omnia vsque ad vnâ acum &
filum, quæcumque ad necessarias vtili-
tates tam ex vobis quàm ex aliis Christi
amicis adquisieramus. & sacratissimum
quidem illum virum, dominum aio Ma-
ximum Abbatem, neque in subiugali,
neque in vehiculo sedere valentem, pro

Ad Theodosium Presb. Gangrensem. 195

eo quòd in infirmitate positus esset, cùm
plectentes virgulas ex eis quasi lectulum
texuissent, bajulantes detulerunt, & in-
cluserunt in castro Schemari vocitato,
iuxta gentem eorum qui dicuntur Ala-
ni. dominum verò Anastasium Abba-
tem, & me peccatorem super equos, im-
positos duxerunt; & incluserunt, illum
quidem in castro Scotori dicto Apfiliz,
quæ est prope Abasgiam; me autem in
altero castro, cuius nomen Buculus erat,
regionis quæ Mesimiana vocabatur, in
iam dictorum confinibus Alanorum.
quod videlicet castrum iidem Alani ca-
ptum nunc retinere nesciunt. Dein
post paucos dies, sumptis tam me quàm
beato Anastasio à prædictis castris, illum
quidem miserunt ad castrum nuncupa-
tum Suahias, cùm iam seniuuius esset,
tam ex multitudine tormentorum ac
verberum, quæ in Byzantio sustinui-
mus, quàm ex necessitatibus atque angustiis,
quæ hîc sunt nobis illata. Vnde & in me-
dio viæ, vt quidam aiunt; vt autem alij
asserunt, mox retrusus est in castro Sua-
niæ, ad quod destinatus fuerat, obiit. Ar-
gumentor igitur, quòd circa vndecimo
vel nono Kalendas Augustas dormierit.

N ij

196 *Anastasij Apocrisiarij Epistola*
in Domino. Quintodecimo namque
Kalendarum Augustarum deducti su-
mus vtrique, per iussionem tunc Princi-
pis, in id quod dicebatur Mucurisin, præ-
sentandi in medio amici Christi exerci-
tus, cum ille iam ut prætulimus, semiui-
uus existeret. & ex tunc eum ultra non
vidi. Continuo quippe destinaverunt
ipsum quidem, ut dictum est, in castrum
Suania, me autem in castrum quod di-
citur Thacyria iuxta Hiberiam. Hinc
igitur conicio, quod circa vndecimo Ka-
lendas, vel nono Kalendas Augustas
quintæ indictionis in Domino, sicut di-
ctum est, obdormierit. Porro, Christi
Dei martyr, domnus videlicet Abba Ma-
ximus, cum esset custodiæ mancipatus in
castro superius memorato, diuina sibi fa-
cta visione, aduocauit quosdam ex his
qui erant in castro, & dixit ad eos: Ter-
tiodecimo die Augusti mensis huius in-
stantis quintædecimæ indictionis, feria
septima assumet me Dominus. quod &
factum est. Igitur tertiodecimo die præ-
dicti Augusti mensis præteritæ quintæ
indictionis secundum diuinum eius va-
ticinium, feria septima, præsentibus de-
relictis, perrexit ad Dominum. Porro, &

Ad Theodosium Presb. Gangrensem. 197
aliud miraculum, quod diuinitus in sancto eius monumento efficitur, quodque usque in præsens, qui castrum illud, & eius circà regionem inhabitant, intuentur & prædicant, & ad quosdam etiam Principum atque magnatum peruenit, dignum est & vobis quoque sanctissimis, & per vos omnibus qui ibidem sunt sancti, per literas fieri manifestum, in gloriam & laudem Dei, qui facit mirabilia in sanctis suis, & glorificat memoriam eorum qui se orthodoxè ac sincerè glorificant. Id est, tres lampades luciferæ per singulas noctes sanctum sancti illius Martyris Maximi monumentum illuminant. Hæc de memorabili hoc viro, beatoque Anastasio Deo honorabilibus vobis, & per vos omni sanctæ Dei, quæ illic in recta fide degit, Ecclesiæ breuiter annotaui: quatinus & vos his cognitis glorificetis Deum, qui est mirabilis in sanctis suis. Interea & quæ mihi peccatori & exiguo post hæc contigerunt, & in quibus sim, pari modo per paucis manifestabo. Cum enim fecissem duos menses in castro prædictæ Thacyriæ in infirmitate rejacens, & pauxillum quid requiem fuissem adeptus, rursus misit

me tunc Princeps ad partes Apfiliæ & Misimianæ, custodiæ mancipandum in castro Phustas. & vt absolutè dicam, septem mensibus duxit & circumduxit me per omnes prædictas regiones nudum & discalciatum, & peditem, & frigore ac fame & siti depressum, volens profectò & me quoque ab hac detergere vita. Sed nescio quid super me humili præuidens Deus, qui omnia salubri prouidentia sua producit, vsque nunc conseruauit me in hac multarum tribulationum & miseræ vita. Post aliquot itaque dies pellitur illinc prædictus Princeps. Deindèque succedens alius visus est compati. Inter quæ duxit me iuxta domum suam receptum à iam memorato castro Phustensium. Et post annum ex diabolica operatione motus, destinat me ad prædictum castrum. Sed Deus, qui remetitur his, qui aliis remetiuntur. eadem die qua me pepulit, pulsus est hinc, & efficitur profugus in Christi amatorum regione Abasgorum. Et consilio accepto à Christi amicis qui illic erant Principibus, magis compatiendi, quàm me minimum persequendi, & orationem à me potius quàm gemitum percipiendi, (ipsi quippe amici

Ad Theodosium Presb. Gangrensem. 199
Christi principes Abasgiæ compatiuntur
humili mihi, quanquam nescierint me)
repromisit quidem illis, quòd si exiret
indè, & restitueretur in Principatu, om-
nia quæ forent ad solatium & refrige-
rium meum perficeret. Dein post paucos
dies, nescio vnde adiutus, egreditur qui-
dem iterum, & recipit Principatum: nil
tamen eorum quæ pollicitus est Deo, &
crebrò dictis Dei amicis Principibus, in
opus perduxit. Econtrario autem mani-
bus nequam deductus virorum, repro-
missionum quidem oblitus est: tolli au-
tem me à castro Phustensium, & matu-
riùs in Schemareos castrum mitti præ-
cepit. Factum interea est, cùm ducerent
me in iam nominatum castrum, vt ille
iterum pelleretur & esset profugus vbi
& primùm fuerat. Excitauit autem Deus
spiritum suum in viro boni æmulatore,
qui Dei habeat in se timorem pariter &
amorem, & verè pheronymè vigilantem
secundum Deum possideat mentem, qui
cum Deo nunc præest regioni, & Deum
imitante condescensione seu compas-
sione motus, reduxit me à via crebrò di-
cti Schemareos castri, & constituit me
quasi quinque signis longiùs à diuinitus

N iij

custodienda domo sua, in loco Monachos veraciter condecēte, præbēs necessarias largissimè corporis vtilitates. Pro quibus omnibus Christus verus Deus, per intercessionem, quæ illum secundum carnem genuit, Dei genitricis semperque virginis Mariæ, ac omnium Sanctorum, protegat eum vnâ cum amandis filiis suis, atque honorabili horum ac prorsus laudabili matre, ab omni cetera malignantium, & à multitudine operantium iniquitatem, donans illis bonorum refectionem, vt semper omnem sufficientiam habentes, abundant in omne opus bonum, & statione faciat eos, quæ à dextris futura est, dignos, atque diuinam illam & mitem vocem expertos, quæ di-

Matth. 25. cet: Venite benedicti patris mei, hereditate percipite preparatum vobis regnum ab origine mundi, quia hospes fui, & collegistis me. & cetera, amen. Obsecro autem sanctissimos vos eadem pro ipsis postulare in sanctis orationibus vestris, & maxime cum in sanctis & colendis oraueritis. Digni quippe sunt, quibus hæc præstetis. Filij enim germani existunt sanctæ Christi Dei nostri Anastaseos. Denique Stephanum qui in sanctis est, filium videli-

Ad Theodosium Presb. Gangrensem. 201
ēet beati Ioannis Presbyteri, qui Cimi-
liarcha sanctissimæ illius Ecclesiæ fuit,
venientem in hanc regionem, vt asse-
ruit, ad requisitionem humilitatis meæ,
ipsi cum omni studio & gaudio suscep-
erunt, & honorauerunt, & omnem subue-
ctionem ad requisitionem mei tribue-
runt, tanquam homini profectò sanctæ
Christi Dei nostri Anastaseos. Vnde &
subsidium eorum habens, inuenit me
sanctus ille Stephanus, cui faciat Domi-
nus Deus misericordiā in illa die iustus
iudex, sed & his qui miserunt eum, quo-
niam reuera opus Euangelistæ fecit. Si-
cut enim equus spiritualis ascensore
habens, ipsum scilicet Deum, iuxta Scri-
pturam, quæ ait: *Ascendens super equos tuos, Abas. 3, 8*
& equitatus tuus sanitas, totam Lazicam,
& Apfiliam, & Abasgiam discurrens, sine
timore tam quæ veritatis, quàm quæ
subintroductæ nouitatis erant, annuntia-
uit, ac multorum vtilitatis atque salutis,
& meæ ipsius quietis & consolationis
causa viri est facta præsentia. & nequam
nomen, quod veri apostatæ veritatis no-
bis imposuerunt, & tunc dissipatum est,
& euidens multis veritas facta est. His
itaque bonis hinc proprio aduentu corre-

ctis, nobilis ille vir Kalendis Ianuariis octauæ indictionis, quæ modò præterit, apud Christi amicum Abasgiæ Principem dormiuit in Domino. Cui omnes, qui hunc nouerunt, vt sancto, requiem exoptarūt. Quapropter oportebat quosdam ex uestratibus Dei amatoribus, & secundum scientiam zelum Dei habentibus, huc venire, & quæ veritatis & pro veritate sunt testificari, vt & orthodoxia magis conualesceret, & introducta nouitas per amplius argueretur. Sed & ego humilis consolatione ac refectiōe potirer, & venientes bonam à Christo Deo, pro quo etiam causa est, mercedem perciperent. & maximè cū vsque ad Hiberiam illinc, vt didici veniant, cuius rei gratiā & huc minimè veniunt. Obsecro igitur sanctissimos vos, si possibile fuerit, transmitti mihi per quemquam fidelem virum, ex his qui ad Hiberiam veniunt, codicem eorum quæ canonicè gesta sunt à sancta & Apostolica Synodo, quæ per sacram præceptionem sancti Martyris & Apostolici ac summi Papæ Martini, in seniore Roma est celebrata. quatinus multo magis sacra sanctorum Patrum dogmata, & quæ olim & nunc

Ad Theodosium Presb. Gangrensem. 203
exortæ sunt hæreticorum abominatio-
nes euidentiores hîc positæ efficiantur,
Hoc enim tantummodo etiam inuiti &
nolentes faciunt bonum, qui Deum &
nos iniuste persequuntur; quia in diuer-
sa loca & regiones nos exulantes agunt,
vt & sanctorum patrum orthodoxia,
quam & nos prædicamus, per amplius
manifestetur, & propria cacodoxia in
omni loco & regione publicetur & ar-
guatur, secundum illum sancti Dionysij
Athenarum Episcopi & Martyris verita-
tis affatum, quod ait: Nouit Deus ma-
lum vel bonum, id est, vt bonum; & apud
eum causæ malorum virtutes sunt bene-
facientes. Bonum enim veraciter est, pa-
ternam quidem orthodoxiam, vt dixi,
manifestare & confirmare, hæreticam
verò cacodoxiam publicare ac redar-
guere, quanquam per exilia id, & alias
tribulationes gignatur. Sic enim ab ini-
tio verbum quidem dilatatum est verita-
tis; porro impietatis minoratum dispa-
ruit, persecutione & exilia, seu alia dira
patientibus tam sanctis Prophetis, quàm
Apostolis, ceterisque magistris. Ergo si,
vt flagitavi, à Deo compuncti sacrum
Codicem miseritis, siquidem voluerint

qui hunc portaturi sunt huc venire, ad famosissimum & Deo custodiendum Patricium, & cum Deo magistrum Gregorium sponte occurrant, suscipientes ad eum palam Epistolam à laudabili Patrio & Prætorè Hiberiæ. At verò, si fortassis huc vsque venire noluerint, tribuant eum prædicto laudabili Prætori Hiberiæ, qui debeat illum mittere prælato domino nostro & amplissimo Patricio & cum Deo magistro Gregorio. Quatinus hoc facientes, percipiat qui ex ipso profecerint bonam à Christo Deo nostro mercedem. Præterea misi ad præsens cum hac Epistola mea Deo honorabilibus vobis, & per vos sanctissimæ ac orthodoxæ quæ illic est Ecclesiæ, rotulam habentem testimonia ex dictis sancti Hippolyti Episcopi portus Romani, ac martyris Christi Dei nostri. quo & per ea nosse habeatis, quàm concorditer cum aliis omnibus sanctis Patribus, & arduè duas Saluatoris nostri IESU CHRISTI prædicet naturas, & operationes; refellat autem eos, qui vnā operationem & naturam vnā diuinitatis & humanitatis eius dogmatizant: vt potè conuertibilitatem simul & commixtionem, con-

Ad Theodosium Presb. Gangrensem. 205
fusionemque ac diuisionem vtriusque
ipsius naturæ annuntiāntes. Quærite sa-
nè diligenter huiuscemodi sacrum Pa-
tris illius librum, secundum supercrip-
tionem, quæ testimoniis præminet. Si
enim inueneritis eum, multa & necessa-
ria poteritis ex ipso legere testimonia su-
per eisdem Saluatoris nostri naturis &
operationibus. Hunc quippe librum
Byzantij nobis, antequā passi fuissetus,
delatum, cum hunc totum vellemus
transcribere, subito iuxta consuetudi-
nem suam insistentes aduersarij latro-
num more rapuerunt, & non valuimus
ex ipso plus quàm hæc octo testimonia
tollere. Quod verò me in medio eorum
quæ dicta sunt latuit, dicere non pigrita-
bor. Hoc planè est. quia cum euangeli-
zatus fuisset à sanctæ memoriæ domno
Stephano de vnitæ atque concordia,
quæ ibidem omnium per orthodoxam
confessionem ad inuicem & ad Deum
effecta est, spiritali ac si coram Deo di-
co lætitia sum repletus, & gratificos
hymnos pro tali ac tãto bono misericor-
di Deo licet peccator retuli, & referens
non cessabo, petens hanc vsque in finem
immobilem conseruari, ad benignissimæ

206 *Anastasij Apocrisiarü Epistola*
misericordiæ suæ gloriam, & salutem
nostram. Vósque Deo honorabiles, &
omnes qui vobiscum sunt sanctos, ac per
vos totam sanctam, quæ illic est, Dei Ca-
tholicam & Apostolicam saluto Eccle-
siam: postulans mei peccatoris scilicet &
vincti memoriam fieri in sanctis ad
Deum directis orationibus vestris, in
sanctis atque colendis locis: ac pretiosis
mihique desiderandis syllabís vestris ful-
ciendo, ac me minimum consolando, at-
que orando, vt dignus efficiar visione
vultus vestri, quamuis sit temerarium di-
ctu, priusquam & ipse hanc miseram &
multarum tribulationum vitam exce-
dam. SCHOLION. Obiit autem & ipse
sanctus Pater noster & martyr Anasta-
sius, qui hanc scripsit Epistolam, die Do-
minico, hora tertia, quinto Idus Octo-
brias, cum in sancta Collecta diceret,
Sancta sanctis, indictione decima.

PROLOGVS SVBIACENTIVM SACRO-
RVM TESTIMONIORVM.

TESTIMONIA sacra, & diuinitus in-
spirata, per quæ liquidius discimus, duas

Ad Theodosium Presb. Gangrensem. 207
per vnitionem inconfusam & indiuisam
sicut naturas, ita etiam & duas volunta-
tes, ac duas operationes, aptas & con-
gruentes naturis, id est diuinam & hu-
nam, non inceptam & inceptam, vt Dei
simul & hominis vnus & eiusdem Do-
mini nostri Iesu Christi, corde credere
ad iustitiam, ore confiteri ad salutem.
Non autem, sicut nothi, qui notha nunc
Ecclesias docentes & perturbantes,
vnam & nec vnam, nec duas, & iterum
vnam & duas voluntates & operationes
in eodem dogmatizant. Hoc enim su-
per instabilitatem & absurditatem sen-
sus eorum, qui huiusmodi dogmata ex-
ponunt, impium omninò & alienum im-
maculatæ fidei nostræ Christianorum
consistit. Eos enim, qui vnam volunta-
tem & operationem, vel etiam naturam
vnam Deitatis & humanitatis eius do-
gmatizant, inclyti institutores nostri &
præceptores repellunt & detestantur.
Hæreticorum quippe est huiuscemodi
dogma, qui in cōfusione, & phantasia, &
diuisione oberrant. Ergo & hi, qui nunc
vnam tantum duarum Saluatoris nostri
Christi naturarum voluntatem, & ope-
rationem dogmatizant, nōne cum illis,

& secundum illos, supersubstantialis Theologiæ, ac in carne factæ dispensationis subuertunt & diffitentur mysterium? quaternitatem quidem personarum Trinitatem astruentes, ipsum verò vnum eiusdem, id est Dominum nostrum Iesum Christum verum Deum, iuxta quod secundum nos factus est homo, inanimalem simul & irrationalem, atque sine intellectu subscribentes, & coniecturam, & phantasiam, confusionemque ac diuisionem vtriûsque naturæ ipsius introducentes. Hi verò qui nec voluntatem aut operationem in eo confiteri volunt, inessentialem & inexistentialem secundum vtrâmq; naturam eius denunciant, & iam dictis hæreticis magis impios ipsi seipfos esse per propria dogmata monstrant. Porro, hi qui vnâ & duas voluntates & operationes in incarnata eius dispensatione supra nouam fabulam & figmentum huiusmodi dogmatis dogmatizant, non solum orthodoxæ ac paternæ confessioni hæreticam opinionem, veluti aquam vino, secundum illud quod dicitur, miscentes simul prædicare volunt: sed & tres voluntates, & tres operationes, & totidem

Ad Theodosium Presb. Gangrensem. 209
totidem ex necessitate etiam naturas,
id est essentias, habentem eum inducunt,
cū nec naturam esse sine operatione,
nec rursus operationem sine natura pos-
sibile sit. Habent enim se prædicta te-
stimonia quemadmodum subinfertur.

ΤΟΥ ΑΓΙΟΥ ΙΠΠΟΛΥΤΟΥ

ἐπισκόπου Πόρτου, ἡρώων τῶ λιμῆος
Ρώμης, καὶ μάρτυρος τῆς ἀληθείας, ἐκ
τῶ καὶ Βήρωνος καὶ Ηλίκου τῶ ἀρετικῶν,
καὶ θεολογίας καὶ ἁρμώνσεως καὶ σοιχείου
λόγου, ὃ ἡ ἀρχὴ, ἅγιος, ἅγιος, ἅγιος,
κύριος σαβαώθ ἀσιγήτων φωνῶν βοῶντων
τὰ Σεραφίμ τὸν Θεὸν δοξάζουσι.

ΑΓΓΕΙΟΔΥΝΑΜΩ γὰρ θελήσῃ τῶ
θεοῦ καὶ γέγονε πύμνα, καὶ σώζεται τὰ
θρόνους, καὶ τοὺς ἐαυτῶν ὀκρινῶς ἔκαστα
σωτηριούμνα λόγοις, αὐτὰ τὰ καὶ φύσιν ἀ-
πειροδυναμίας θεῶ, καὶ ποιητῇ τῶ ὅλων τῆς
θείας αὐτῶ θελήσεως, ἥ τὰ πύμνα πεποίηκε

Ω

210 *Anastasijs Apocrisiarij Epistola*

τε καὶ κινή, τοῖς ἑαυτῶν ἑκάστα φεισικοῖς διε-
 ξαγόμενα νόμοις, ἀκινήτου σὺν δξαγόμενης.
 ὅ γὰρ ἀπειρον καὶ ὁσόνειά ἔσπον, ἢ λόγον,
 ὅτι δίδεται κίνησιν, ὅς ἐστιν ὅποι καὶ πάλι ὁ
 κινηθῆσεται. Ἐσπὴ γὰρ τῷ κτ' φύσιν ἀπειρου,
 κινεῖσθαι μὴ πεφυκότος, ἢ κίνησις. δὲ καὶ
 κατ' ἡμας ἀληθῶς γνόμενος αἰδεσπος χω-
 ρεῖς αἰμώπιας ὁ τῷ θεοῦ λόγος, ἐνεργήσας τε
 καὶ παθὼν αἰδεσπίνως ὅσα τῆς φύσεως ἔστιν
 αἰαμώπτητα, καὶ φεισικῆς ἄρκος πειραφῆς
 ἀναγόμενος δι' ἡμας, ἔσπην ὅχ' ὡς ἐμεινεν,
 μηδ' ἐνὶ πῶντελῶς ὁ αὐτὸν ὅστις τῷ πατεῖ,
 γνόμενος αὐτὸν τῇ ἄρκι ἀφ' οὗ κένωσιν.
 ἀλλ' ὡς περὶ ὡς δὲ ἄρκος, πάσης ἔξω πε-
 ριγραφῆς μεμνήκε· καὶ ἀφ' ἄρκος θεϊκῶς
 ἐνεργήσας ἀπὸ θεότητός ἔστιν. ἀμφοτέρω
 δεικνύς ἑαυτὸν, δι' ὧν ἀμφοτέρως, θεϊκῶς δὴ-
 φημι καὶ αἰδεσπίνως, ἐνήργησε, καὶ αὐ-
 τὸν τὸν ὄντως ἀληθῆ καὶ φεισικὴν ὑπὲρ ἑξιν.
 θεὸν ἀπειρον ὁμοῦ καὶ πειραπλὸν αἰδεσ-
 πον ὄντα τε καὶ νομίζον, τὸν ὅστις ἑκάτερου
 τελείως τελεία ἔχοντα, μὲν τῆς αὐτῆς ἐνεργ-

Ad Theodosium Presb. Gangrensem. 213
 γείας, ἤρω φεικῆς ἰδιότητος· ὅξ ὦν μὲν
 σάν ἀεὶ καὶ φύσιν διχαΐσθης τὴν αὐτῇ ἴσμεν
 διαφορὰν· ἀλλ' ἔχ' ὥς τινὲς φασὶ καὶ σύγ-
 κεισιν. ἵνα μὴ τὸν αὐτὸν ἐαυτὰ καὶ τὸ αὐτὸ
 πρὸς ὁδεῖ, μείζονα καὶ μείονα λέγωμεν. ὁμο-
 φυῶν γὰρ, ἔχ' ἑτεροφυῶν, αἱ συγκρίσεις· θεῶ
 δὲ ποιητῇ τῇ ὅλων ποιητὸν, ἀπειρὰ περα-
 τὸν, καὶ ἀπειρία πέρας, κατ' ὁσδὲνα συκρί-
 νεται λόγον, ἀεὶ καὶ πᾶντα φεικῶς, ἀλλ' ἔ-
 συγκριτῶς, ἀλλήλων διαφέροντα· καὶ
 ἄρρητος τις καὶ ἄρρηκτος εἰς μίαν ὑπόστασιν
 ἀμφοτέρων γέγονεν ἔνωσις, πᾶσιν πᾶντος
 γνηστὴς πᾶντελῶς διαφύγουσα γινώσιν. τὸ
 γὰρ θεῖον, ὡς ἡμεῖς ἄρκωσις ὅτι, καὶ μετ'
 ἄρκωσιν, καὶ φύσιν ἀπειρον, ἀρχην, ἀπα-
 ρης, ἀσύγκριτον, ἀαλλοιώτων, ἀπεριπτον, αὐ-
 τοθενές, καὶ τὸ πᾶν εἰπεῖν ὑφεστὸς ὑσιῶδες
 μόνον ἀπειροθενές ἀγαθόν.

212 *Anastafij Apocrifiarij Epistola*

SANCTI HIPPOLYTI
EPISCOPI PORTVS ROMANI
& Martyris Veritatis,

EX SERMONE QVI EST
per elementum de Theologia & In-
carnatione contra Beronem & He-
liconem Hæreticos,

CVIVS INITIVM EST,

ΑΓΙΟC, ΑΓΙΟC, ΑΓΙΟC,
Dominus Sabaoth incessanti voce
clamantes Seraphim Deum
glorificant.

IM MENSÆ quippe virtutis volunta-
te Dei & facta sunt omnia, & sal-
uantur quæ facta sunt, secundum suas
ipſius oportunè ſingula conſervata ra-
tiones, ei qui eſt ſecundum naturam
immensæ virtutis Deus & factor vni-
verſorum, diuina voluntate, quæ omnia
fecit, ac mouet, ſuis vnaquæque natura-
libus producta legibus, immobili perma-

Ad Theodosium Presb. Gangrensem. 213
nente. Quod enim immensum est, nulla
ratione vel modo recipit motum, non
habens quò & circa quò moueatur.
Vertibilitas enim eius, qui est inexpers
motionis, motus est. Propter quod se-
cundum nos veraciter factum homo
absque peccato Dei Verbum, operatùm-
que ac patiens humanitus quæcumque
naturæ sunt sine peccato, & naturalis
carnis circumscriptionem propter nos
sustinens, nullam omninò propter exina-
nitionem vicissitudinem pertulit. Cui
id ipsum est patri factum, id ipsum carni.
Sed sicut erat sine carne omni etiam ex-
cepta circumscriptione permansit, & per
carnem deificè operans quæ Deitatis
sunt, vtrâque ostendens se per quæ du-
pliciter, diuinè scilicet & humanè, ope-
ratum est secundum eandem, quæ vera-
citer vera est, & naturalis substantia.
Deum immensum simul & circumscri-
ptum hominem existentem, & intelle-
ctum vtriusque perfectè perfectionem
habentem, cum eadem operatione, id est
naturali proprietate, ex quibus manen-
tem semper secundum naturam sine
conuertibilitate earum differentiam sci-
mus. Sed non sicut quidam aiunt, secun-

dum comparationem, ne eundem sibi secundum ipsum præter quod oportet maiorem ac minorem dicamus. Connaturalium quippe, & non eorum quæ alterius sunt naturæ, comparationes existunt. Deo enim factori omnium factorum, infinitoque finitium, & infinitati finis secundum nullam comparatur rationem, cum semper & per omnia naturaliter abinuicem, sed non comparatiue differant. Quanquam ineffabilis quædam & indirumpibilis in vnâ substantiam vtriusque facta sit vnitas, omnem penitus omnis facti scientiam fugiens. Diuinitas enim, vt erat ante incarnationem, est & post incarnationem, secundum naturam infinita, incomprehensibilis, impassibilis, incomparabilis, inconuertibilis, per se potens, & vt totum dicamus, subsistens substantialis, sola infinitæ virtutis bonum.

ΤΟΥ ΑΥΤΟΥ ΕΚ ΤΟΥ

αὐτοῦ λόγου. β'.

ΓΕΓΟΝΕΝ οὕτω ἀληθῶς, καὶ τὰς
 γραφὰς, μὴ τραπεῖς ὁ τῆς ὅλων θεός,
 ἀνθρώπος αἰαμώρητος · ὡς οἶδεν αὐτὸς
 μόνος ὑπαρχὼν τεχνίτης φυσικὸς τῆς
 ὑποφ' ἐννοίας · κατ' αὐτὴν ἄμα πλὴν σω-
 τήριον ἄρξωσιν, τῆς ἰδίας θεότητος ἐνποιή-
 σας τῇ ἁρχῇ πλὴν ἐνέργειας, ὃ παρὰ γρα-
 φομὴν αὐτῇ διὰ πλὴν κένωσιν · ὅθεν ἡ-
 στερ τῆς αὐτοῦ θεότητος, ὅπου καὶ αὐτῆς φυ-
 σικῶς ἐκφυομὴν · ἀλλ' ἐν οἷς αἱ ἁρ-
 κωτεῖς θεϊκῶς ἐνήργησε δι' αὐτῆς ἐκφαινο-
 μὴν, ὃ γὰρ γέγονε φύσις θεότητος, μεταβλή-
 θεῖσα πλὴν φύσιν, ἡ ἁρξ ἡμομὴ τῇ φύσις
 θεότητος ἁρξ · ἀλλ' ὅπου ἡ, καὶ θεότητι συμ-
 φυεῖσα μεμὴνκε πλὴν φύσιν καὶ πλὴν ἐνέρ-
 γειας · καθὼς εἶπεν ὁ σωτήρ · ὅ μὲν πινύμα
 παρθύμον, ἡ δὲ ἁρξ ἀσθενής. καθ' ἡν ἐνερ-
 γήσας τε καὶ παρὰ ἡν αἰαμώρητου ἁρ-

216 *Anastasij Apocrisiarj Epistola*
κός, ἡ ὑπὸ ἡμῶν ὁπλισάσατο κένωσι θεότη-
τες, θαύμασι καὶ ἄρχας παθήμασι φεισικῶς βε-
βαιολογῶν. Διὰ γὰρ τοῦτο γέροντες ἀνδρε-
πος ὁ τῶν ὅλων θεός, ἵνα ἄρχαι μὲν παθητῇ
πάσων, ἀπὸν ἡμῶν δὲ τὰ θανάτου παρ-
θεν λυτρώσεται γένος· ἀπαρτὶς δὲ θεότητι διὰ
ἄρχας θαυματουργῶν, πρὸς τὴν ἀκήρατον
αὐτῆς καὶ μακαρίας ἐποναγίαν ζωῆς. καὶ
τὰ κατ' ὄρανός ἀγαπάγματα τῶν νοερῶν ὄσιων
σομῶσι πρὸς ἀρετὴν τὰ μυστήρια τῶν αὐτῶν
σωματώσεως, ἧς ἔργον ἡ τῶν ὅλων ἐστὶν εἰς
αὐτὸν αἰακεφαλαίως. μεμνήσκων οὖν καὶ
ἄρχαίς καὶ τὴν φύσιν θεός ὑπερπείρους, τὴν
ἐαυτῶν συγγενῆ καὶ κατάλληλον ἔχων ἐνέρ-
γειαν· τῆς μὲν θεότητος ὁ σιωδῶς ἐκφυο-
λογῶν. Διὰ δὲ τῆς αὐτῆς ποναγίας ἄρχας ἐν
τοῖς θαύμασιν οἰκονομικῶς ἐκφαινομένην.
ἵνα πιστευθῇ θεός ἐστίν, δι' ἀδελφοῖς φύσις
ἄρχας ἀνουργῶν τὴν τῶν πομπῶν σωτηρίαν.

EIVSDEM EX EODEM
S E R M O N E. I I.

FACTVS ergo veraciter secundum scripturas, non conuersus vniuersorum Deus homo sine peccato, vt nouit ipse solus, cum sit artifex naturalis eorum quæ sunt supra sensum, in ipsa simul salutaris incarnatione deitatis suæ coaptans carni operationem, non circumscriptam ea propter euacuationem, nec sicut ex deitate sua, ita & ex ipsa naturaliter cognitam, sed in quibuscumque incarnatus deificè operatus est per ipsam declaratam. Non enim caro facta est per naturam deitas translata natura, facta videlicet secundum naturam deitatis caro, sed quod erat etiam deitati coaptata mansit, id est caro infirma, & passibilis natura & operatione, quemadmodum Saluator ait.

Spiritus quidem promptus, caro autem infirma: Matt. 26.

In qua operatus & passus quæ erant carnis absque peccato exinanitionem pro nobis indicauit diuinitatis, miraculis, & carnis passionibus naturaliter roborata.

tam. Propter hoc enim factus est homo
vniuersorum Deus, vt carne quidem
passibili patiens, totum nostrum morti
venditum redimeret genus: impassibili
verò deitate per carnem mirabiliter
operans, ad immortalem illud & bea-
tam reduceret vitam, de qua ceciderat
diabolo parens. Atque sanctos intelle-
ctualium substantiarum cali ordines ad
inconuertibilitatem mysterio suæ stabi-
liret incorporationis. cuius opus om-
nium est in eum recapitulatio. Mansit
ergo etiam incarnatus secundum natu-
ram Deus superimensus, sibi cognata
& conuenientem habens opera-
tionem, ex Deitate quidem substantia-
liter natam, per sanctissimam verò car-
nem in miraculis dispensatoriè declara-
tam. vt credatur Deus esse, per infirmam
naturâ carnem per se operans vniuersi-
tatis salutem.

ΤΟΥ ΑΥΤΟΥ ΕΚ ΤΟΥ
αὐτοῦ λόγου. γ'.

ΚΑΜΟΙ γάρ, ἵνα παραστήσω παρὰ
δείγματι τὸ πᾶσι σωτῆρος λεχθέν,
ὁ φισικός μου λόγος συγχεῖνός ἐστι καὶ κα-
τάλληλος ὄντι λογικῶν τε καὶ νοερῶν πλὴν ψυ-
χῶν· ἥς καὶ φύσιν ἐστὶν ἀδελκίνητος ἐνέργειά-
τε καὶ παρῶτη δυνάμις, ἀεικίνητος, ὁ λό-
γος φισικῶς αὐτῆς πηραζόμενος. ὃν ῥημα-
τῆσας τε καὶ γραμμαῖς διὰ χαρῆς, γλώσση
μὲν ὀργανικῶς, ὅτε χρητὴς παρφέρω, καὶ
γράμμασι τεχνικῶς διὰ τῆς αἰμοσύνης μὴ
πραπέντα δεικνύς αὐτὸν ὄξακουόμενον· ὃ γὰρ
γλώσσης καὶ γραμμάτων ὁ φισικός μου λό-
γος ἐστὶ· καὶ δι' αὐτῆς αὐτὸ ποιούμεη πλὴν
παρφορέν. ἀλλ' ἐμοῦ τῆς καὶ φύσιν λαλοῦ-
τος, καὶ δι' ἀμφοῖν αὐτὸν ὡς ἐμὸν ἐκφωνοῦ-
τος· τῆς μὲν νοεράς μου ψυχῆς φισικῶς ἀεὶ
πηραζόμενον· διὰ δὲ τῆς σωματικῆς μου
γλώσσης ὀργανικῶς, ὡς ἔφην, ὅτε χρητὴς

παρφερόμενον. ὡς περ οὕτω ἐφ' ἡμῶν, ὅσον
 εἰκόσαι ὅ ποντελῶς ἀείκασον, ἀλλ' τῆς
 σωματικῆς ἡμῶν γλώσσης ἀτρέπῳς ἢ κτ'
 φύσιν τ' ψυχῆς λογικὴ παρσφύρεται διωά-
 μιν. ὅταν καὶ ἐπὶ τῆς ὑπερφύδης τῆς θεοῦ σω-
 ματώσεως, ἀλλ' τῆς αὐτῆς πονταρίας ἁρ-
 κὸς, ἐν οἷς αὐτὴ θεϊκῶς ἐνέργησε, διχα ἑσπῆς
 ἢ ποντεκρεατικῆ, καὶ τῇ ὅλων ποιητικῇ τῆς
 ὅλων θεότητος ἐνέργεια ἀφαιδύκνυται, πά-
 σης ἐκτὸς κτ' φύσιν παρσφύρας ἀφαιδύκνυται,
 καὶ δὲ ἁρκὸς διέλαμψε φύσιν πεπερασμέ-
 νης. ὅ γὰρ πέφυκε παρσφύραται γρηπῇ
 φύσιν τὸ κτ' φύσιν ἀγρόν. καὶ στωέφυ
 αὐτῇ κτ' σύλληψιν πόντα παρσφύραται
 νοῦν. ὅτε μὲν εἰς αὐτὴν αὐτῇ φέρεται φύ-
 σεως ποτε καὶ φισικῆς ἐνέργειας, ἕως αὐτὴ ἐκεί-
 τερον τῆς ἰδίας ἐντὸς μὲν φισικῆς ἀτρέψιας.
 ὁμοφυῶν γὰρ μένων ἢ αὐτοφυῶν ἐστὶ κίνησις,
 σημαίνουσα τὴν ὁσίαν, ἥς φισικὴ κατέστηκε
 διωάμιν, ἐτεροφυῶν ἰδρύτης ὁσίας ὅτι κα-
 τευδένα λόγον, ἢ γρηπῇ διχα ἑσπῆς διωά-
 μιν.

EIVSDEM EX EODEM
S E R M O N E III.

ET ENIM & mihi, ut paradi-
gmate quod de Salvatore dictum est expri-
mam, naturalis sermo meus cogna-
tus est & competens, cum sim ratio-
nalis & intellectualis anima. Cuius se-
cundum naturam est à se mobilis ope-
ratio ac prima virtus, semper mobilis ser-
mo naturaliter ex ea profluens. quem
verbis prolatum, & lineis exaratum, lin-
guâ quidem organicè cum oportet pro-
duco, & litteris artificiosè per indissimi-
lia non existentem, & dissimilibus non
fugientem ostendens eum subauditum.
Non enim linguæ ac literarum naturalis
sermo meus est; licet per eas ipsius facia-
mus pronunciationem: sed meus, qui
secundum naturam loquor, & per utra-
que illum ut meum pronuncio. Ab intel-
lectuali quidem anima mea semper natu-
raliter dirivatum: per corporalem verò
linguam meam organicè, ut dixi, cum
oportet productum. Sicut ergo in nobis,
quantum æstimare possumus, quod mo-
dis omnibus est inæstimabile, per cor-

poralem linguam nostram inconuertibiliter, quæ secundum naturam est animæ rationalis producit virtus. Ita & in gloriosa Dei incarnatione, per sanctissimam carnem suam in quibuscumque diuinè operaretur, sine conuertibilitate omnipotentia & cunctorum factiua, totius deitatis operatio monstrabatur, absque omni secundum naturam circumscriptione permanens, licet per carnem fulgeret natura circumfinita. Non enim circumscribitur factitia natura, quod secundum naturam factum non est, licet cooriatur ei per conceptionem omnem sensum circumscribentem; nec etiam in eodem ipso sibi natura differtur aliquando & naturalis operatio, donec vtrumque intra propriam manet naturalem inconuertibilitatem. Connaturalium enim tantum per se operans est motus, manifestans substantiam, cuius naturalem constat esse virtutem: diuersę naturę proprietatis substantia nulla ratione esse vel fieri sine conuertibilitate valente.

ΤΟΥ ΑΥΤΟΥ ΕΚ ΤΟΥ
αὐτοῦ λόγου. ἡ.

ΤΟ γὰρ μυστήριον τῆς θείας ἁρκώ-
σεως, Αποστόλοις τε, καὶ Πρεσβυτεῖς,
καὶ Διδασκάλοις, διηκῶ καὶ Διαφορεῶν
ἔχον διέγνωσαι πλὴν ἐν παντί φισικῶς θεω-
ρίας· αἰελλιποῖς ὑπαρχόν θεότητος, καὶ
πληροῖς ἐνδεικτικὸν αἰθεροπότητος ὄν. ἕως
αὐτοὶ εἰς χτ' πλὴν ὅσας γνωρίζεται λόγος
μιας ἐνεργείας, ὅ δέποτε καθ' ὁποῦν ἀμφο-
τέρων γνωσθήσεται κίνησις. ὁ γὰρ αἰεὶ χτ' φύ-
σιν ὑπαρχόν θεός, ὑπαρξάμενος δυνάμει,
ἡμόθυμος ὡς ἠθέλησεν αἰθερπος αἰαμώρη-
τος, ὅπως ἡμεῖς, μὴ ὅσων νοεῖται θεός· καὶ ὅπερ
γένηται ὅτι μὴ ὅσων νοεῖται, καὶ γνωρίζεται
πέφυκεν αἰθερπος· ἑαυτὸ καθ' ἑκάτερον αἰεὶ
μυμῶν αἰεκτωίως, οἷς θεϊκῶς ὁμοῦ καὶ αἰ-
θερπίνως ἐνήργησε, τέλειον χτ' τὸν ἑκατέρου
λόγον πῶζων ἑαυτῷ φισικῶς ἀνδροῖον.

EIVSDEM EX EODEM
S E R M O N E IV.

MYSTERYVM nānque diuinæ incarnationis Apostolis & Prophetis atque Doctoribus duplam ac diuersam in omnibus habere naturalem theoriam dinoscitur, cū sit perfectæ deitatis & plenæ demonstratiuum humanitatis. Quarum donec vnum secundum substantiam non cognitum fuerit verbum vnius operationis, cū vtriūsq; sit, numquam aliquando cognoscetur motus. Cū enim semper secundum naturam existat Deus, superinfinita virtute factus, sicut voluit, homo sine peccato, quod erat est, cum quantis cognoscitur Deus: & quod factus est, est cum quantis esse cognoscitur homo. secundum vtrumque suum semper permanens sine casu, quibus diuinè pariter & humanè operatus est: perfectionem per omnem vtriūsq; rationem sibi naturaliter incommutabilem saluans.

T O Y

ΤΟΥ ΑΥΤΟΥ ΕΚ ΤΟΥ
αὐτοῦ λόγου. ε.

ΒΗΡΩΝ γὰρ τις ἑναγχος, μὴ εἰ-
τέρων πινῶν, πλὴν Βαλεντίνου φαυλοῦ
ἀφέντες, χεῖροσι κακῶ κατεπερὶησαν, λέγον-
τες, ὅτι μὴ πωρσληφθεῖσαν πλὴν λόγῳ Ἐκεί-
νου ἡμεῖς ταυτοῦρον τῇ θεότητι, ἀλλὰ ὅτι πωρ-
σληφιν· πλὴν θεότητα δὲ ἡμεῖς ταυτοπαθῇ
τῇ Ἐκείνῃ, ἀλλὰ κενώσιν· Ἐσπὴν ὁμοῦ, καὶ φύσιν,
καὶ σύγχυσιν, καὶ πλὴν εἰς ἀλλήλους ἀμφοτέ-
ρων μεταβολὴν δογματίζοντες. εἰ γὰρ πωρ-
σληφθεῖσα ἡ Ἐκείνη γένηται ταυτοῦρος τῇ θεό-
τητι, δηλονότι καὶ φύσις θεὸς μὴ ὅσων φεισι-
κῶς νοεῖται θεός. καὶ εἰ γένηται κενωθεῖσα τῇ
Ἐκείνῃ ταυτοπαθῆς ἡ θεότης, δηλονότι καὶ φύσις
Ἐκείνη, μὴ ὅσων φεισικῶς γνωρίζεται πέφυκα
Ἐκείνη. πλὴν γὰρ ἀλλήλοις ὁμοῦρον, καὶ ταυτοῦ-
ρα, καὶ ὁμόφυλα πᾶντως, καὶ ταυτοπαθῆ,
ἀλλὰ πορσὸν οὐκ ὅτι δέχεται φύσεως· καὶ φύ-
σεων αὐταῖς συγκεχυμένων ἔσται δυαὶς ὁ χρῆς

226 *Anastafij Apocrisiarj Epistola*

τός, καὶ παρσώπων μεμερισμένων τετραζ,
 ὃ Φθλκτόπαλον. καὶ πῶς αὐτοῖς εἰς καὶ ὁ αὐτός,
 θεός ὁμοῦ φύσις καὶ ὁμοῦ θεσπος, ὁ θεός;
 ποῖαι δὲ κατ' αὐτοῖς ἐξεί πλὴν ὑπερξίν, με-
 ταβολῇ θεότητος γνόνιμος αἰθερος, καὶ
 ἄρχος μεταποιήσις θεός; ἢ γὰρ εἰς ἀλλήλας
 πούτων μετὰ πώσις, πούτελής ἐστὶν ἀμφο-
 τέρων ἀναίρεσις. σκοπεῖσθαι δὴ πάλιν ἡμῖν
 ἑτέρως ὁ λόγος.

EIVSDEM EX EODEM
 SERMONE. V.

BERO enim quidam nuper, & alij qui-
 dam, Valentini phantasia deferta,
 deterioſi irretiti sunt prauitati, dicen-
 tes assumptam à Verbo carnem fuisse
 eadem quæ diuinitas operata est ope-
 ratam. diuinitatem verò compassibi-
 lem carni propter exinanitionem: con-
 uertibilitatem simul & commixtio-
 nem, seu confusionem, atque vtriúſque
 in inuicem mutationem dogmatizantes.
 Si enim assumpta caro facta est coopera-
 trix diuinitati, liquet quòd & natura
 Deus cùm quotquot est intelligatur

Ad Theodosium Presb. Gangrensem. 227

Deus: & si facta est exinanita compassibilis carni diuinitas, liquet quòd & natura caro cum quotquot est naturaliter esse intelligatur caro. Ea quippe quæ mutuo sunt cooperantia, & eadem operantia, & eiusdem originis, profectò & compassibilia naturæ non suscipientia differentiam, & naturis sibi confusis erit dualitas Christus & personis separatis fiet quaternitas, quod est nimium fugiendum. & quomodo illis vnus & idem ipse erit Deus naturâ simul & homo Christus? quam etiam secundum ipsos habebit essentiam mutatione diuinitatis factus homo, & carnis translatione Deus? Casus enim in alterutras, omnimoda est vtrarumque peremptio. Inspiciatur itaque à nobis aliter sermo.

ΤΟΥ ΑΥΤΟΥ ΕΚ ΤΟΥ

αὐτοῦ λόγου. 5.

ΕΥΣΕΒΕΣ κεκώρωται δόγμα χει-
στανοῖς, καὶ αὐτὸν τε φύσιν, καὶ πλὴν
ἐνέργειαν, καὶ πᾶν ἕτερον αὐτῷ παρ-
σφύες, ὅσον ἑαυτῷ καὶ τῶν ἑνὶ τὸν θεόν.

P ij

μηδὲν ἑαυτὰς τῷ ἑαυτῶ παρτελῶς αἰσιν
 ἔχοντα, καὶ ἀκατάληπτον. Εἰ τίνι καὶ
 Βήρωνα τῆς αὐτῆς αὐτὰ παροληφθεῖσα
 Φισικῆς ἐνεργείας γέροντι ἢ ὄρξ, δηλονό-
 τι καὶ τῆς αὐτῆς αὐτὰ γέροντι φύσεως μὲν
 ὅσων ἢ φύσις, ἀναρχίας, ἀβυσσικής, ἀπει-
 ρείας, αἰδύστητος, ἀκαταληψίας, καὶ τῷ
 ὅσα πούτων καθ' ὑποχρῆμα ὁ θεολογικὸς
 ὑποφύως εἰσέρχεται τῇ θεότητι λόγος· καὶ ἑ-
 πὴν ἀμφοτέρω πέποιθεν, μηδετέρου τὸν τῆς
 ἰδίας φύσεως ὑσιώδη λόγον ἔτι σωζόμενον ἔ-
 χοντες. ὁ γὰρ ἐπεροφῶν εἰδὼς τρυφύρας,
 σύγχυσιν ὁμοῦ Φισικὴν, καὶ διαίρεσιν αὐτῇ
 εἰσηγεῖται παροληπτικὴν· ἀδελφώσου παρ-
 τελῶς τῇ τῷ ἰδιωματῶν μετὰβολῇ τῆς φυ-
 σικῆς αὐτῇ γρομῶν ὑπαρξέως.

EIVSDEM EX EODEM
 SERMONE. VI.

PIUM Christianis constitutum est
 dogma credentibus, secundum ean-
 dem naturam ac operationem, & omne
 aliud sibi conveniens, æqualem sibi &

Ad Theodosium Presb. Gangrensem. 229
 eundem ipsum esse Deum, nihil omnino
 eorum quæ sua sunt inæquale habentem
 & inconueniens. Si igitur secundum Be-
 ronem assumpta sibi caro eiusdem ope-
 rationis effecta est, haud dubium quin &
 eiusdem facta est sibi naturæ, cum quot-
 quot est naturæ, id est in principalitate,
 in factione, infinitate, sempiternitate, in-
 comprehensibilitate, & quæcumque ho-
 rum secundum magnitudinem Theolo-
 gica amplissimè in Deitate ratio con-
 templatur. & vicissitudinem utrâque
 passa sunt neutro naturæ suæ substantia-
 lem rationem ultra saluandam habente.
 Qui enim eorum quæ alterius sunt natu-
 ræ sentit eandem operationem, confu-
 sionem simul naturalem, & diuisionem
 eorum personalem introducit. incogni-
 ta prorsus idiomatum commutatione
 naturali eorum facta existentia.

ΤΟΥ ΑΥΤΟΥ ΕΚ ΤΟΥ
 αὐτοῦ λόγου ζ'.

ΕΙ δὲ τῆς αὐτῆς αὐτῆς μὴ γένοιτο φύσεως,
 ὅθεν τῆς αὐτῆς αὐτῆς ποτὲ ληίσεται
 φυσικῆς ἐνεργείας. ἵνα μὴ διαρῇ τῇ φύσει

P iiij

230 *Anastafij Apocrisiarij Epistola*
 πῶς ἐνέργειας ὁμοίαν ἔχων, καὶ ἀναπαύμε-
 λον καὶ τῆς αὐτῆς δι' ὅλων τῶν ἐαυτοῦ φεικῆς
 ἔξω γεγενὸς ἰσοτήτος, καὶ ταυτοτήτος: ὅθεν
 ἀποβέει.

EIVSDEM EX EODEM
 SERMONE. VII.

SI verò eiusdem sibi non fuit naturæ,
 nec eiusdem sibi aliquando fiet natu-
 ralis operationis, ne appareat secundum
 naturam operationem inæqualem habe-
 re & inconuenientem, & suæ ipsius per
 omnia eorum quæ sua sunt naturalis ex-
 traneus factus æqualitatis & identitatis,
 quod est penitus impium.

ΤΟΥ ΑΥΤΟΥ ΕΚ ΤΟΥ
 αὐτοῦ λόγου. η'.

ΕΙΣ ταῦτα δὲ πῶς πάλιν κατήχη-
 σον, κακῶς παιδέντες ἰδίαν χρέεται ἡ
 ἀρχὴ πῶς δι' αὐτῆς ἐκφανθεῖσιν ἐν πῶς
 θαύμασι θεῶν ἐνέργεια· ἥ δὲ πᾶν ὁ χειρὶς
 ποιῶσας καθ' ὃ νοεῖται θεὸς συνεχὲς καὶ αὐτὸν

Ad Theodosium Presb. Gangrensem. 231.
 ἄνθρωπον. ὃ γὰρ ἐγνωστὸν, ἀδιώκτον ἐῖ) θείας
 ἐνεργείας φύσεως ἐπερροφανοῖς ὕψους ἰδίωμα
 ἡμέραν δι' ἡμέρας ἔσθ' ὅτι σιωπῆσαν, ὡς ὃ
 πᾶν τὸς ἰδίον ὅτι ἄρκος, τὸ δὲ αὐτῆς μὲν ἐκ-
 φανόμενον, οὐκ αὐτῆς δὲ φεικῶς ἐκφυό-
 μενον. καὶ τοι σαφοῦς αὐτοῖς ὕψους, καὶ περ-
 ροφανοῖς τῇ ἀποδείξεως. ἐγὼ γὰρ γλώσση λα-
 λῶν, καὶ χεὶρὶ γράφων, μίαν καὶ τὴν αὐτὴν δι'
 ἀμφοῖν τῶν ὁμοῦς μου ψυχῆς ἐκφαίνω ἀφ' ὁ-
 νοῖαν, ἐνεργείαν αὐτῆς ὑπαρχούσαν φυ-
 σικῇ. μηδενὶ λόγῳ δείξας αὐτῇ γλώσσης,
 ἢ χεῖρος, φεικῶς ἐκφυόμενον. μήτε μὲν
 ἡμοῦς αὐτῇ, ἢ λεγόμενον ἀφ' ὁνοῖαν,
 ἀφ' αὐτῇ δὲ ἀμφοῖν αὐτῆς ἐκφανοῖν. γλῶσ-
 σον γὰρ, ἢ χεῖρα, ἀφ' ὁνοῖαν σιωπῆς οἴ-
 δειν ὁδοῖς. ὡς περ ὁδοῖς τὴν πνευματικὴν τῇ
 θεοῦ ἄρκα, ἀφ' ὅτι περροφανοῖται, καὶ ὅτι
 δι' αὐτῆς ἐκφανοῖται τὴν θεῖαν ἐνεργείαν,
 ἡμοῦς καὶ αὐτὸν φέρεται δημιουργόν. ἀλλ'
 βίσεως ὁμοῦς πιστεύων, ὅτι ἀφ' αὐτῇ ἡμῶν
 σωτηρίαν, καὶ ὅτι δῆσαν πρὸς ἀπερίστα τὸ
 πᾶν, ὃ τῇ ὅλων δημιουργῶς ἐκ τῇ πνευματικῇ

232 *Anastasij Apocrisiarij Epistola*
αἰετῶν ἡγεῖα Μαρίας, καὶ σύλληψιν ἀχρεῶν,
δίχα Ἑσπῆς, ἐνδοσιώσας ἑαυτὰς ψυχῶν νοε-
ραν μὲν ἀσθενησοῦ σώματος, γέννηεν αἰδεσ-
πος φύσιν κακίας ἀλλότριος, ὁ λόγος θεὸς ὁ
αὐτός· θεότητι μὲν τὰ θεῖα ἔχθ' τῆς αὐτῆς παν-
αγίας ἁρχῆς, σὺν ὄντα φύσιν δ' ἁρχῆς, ἐνε-
ργῶν· αἰδεσπότητι δὲ τὰ αἰδεσπῖνα, σὺν
ὄντα φύσιν θεότητος, ἀνιχθῆ πάχων θεότητος.
μηδὲν θεῖον γυμνὸν σώματος ἐνεργήσας· μη-
δὲ αἰδεσπῖνοι ὁ αὐτὸς ἀμείρον δράσας θεότη-
τες. τηρῶν ἑαυτὰς καὶ καθ' ὃν ἐνήργησεν ἀμ-
φότερα κακοπαρεπῆ ἔσπον, τὸ κατ' ἀμφο-
φισικῶς αἰαλλοίωτον· εἰς πίπτωσιν δ' ἑαυτῶν
τελείας ἐναυδεσπῆσεως, δ' ὄντως ἀληθοῦς,
καὶ μηδὲν ἐχρύσης φανλότητος. ὁ μὲν οὖν
Βήρων, ὅπως ἔχων ὡς ἔφην, ἐνεργείας μενάδι
πλὴν θεότητα τῷ χειροῦ καὶ πλὴν αἰδεσπό-
τητα συγχίας, ὁμοῦ φισικῶς καταλύει τὸν
βίον· ἀγνοήσας μόνως δ' τῷ ὁμοφυῶν παρ-
σώπων ὁμοφυοῦς ταυτότητος πλὴν ταυτουργίας
ἐκ δὲ δηλωτικῆν.

EIVSDEM EX EODEM
SERMONE. VIII.

IN hunc autem errorem illati sunt
malè credentes propriam carnis effe-
ctam diuinam operationem, quæ per ip-
sam in miraculis manifestata est, qua to-
tum Christus substantians secundum
quod intelligitur Deus, tenet retentum.
Non enim cognouerunt, impossibile
esse diuinæ operationem naturæ, alte-
rius naturæ substantiæ idioma fieri ab-
sque conuertibilitate. neque intellexe-
runt, quòd non utique proprium sit car-
nis, quod per eam quidem ostensum est,
non ex ea naturaliter ortum. præsertim
cùm claræ sit eis & manifestæ probatio-
nis. Ego enim linguâ loquens & manu
scribens, vnâ & eandem per vtrâque
intellectualis animæ meæ profero cogi-
tationem. operationem eius existentem
naturalem nullaratione ostendens eam
lingua vel manu naturaliter ortam, sed
nec effectam earum vel dictam cogita-
tionem propter eius ex vtrâque manife-
stationem. Linguam enim vel manum
cogitativam sapienter nouit nemo: sicut

234 *Anastasij Apocrisiarij Epistola*

nec sanctissimam Dei carnem, pro eo quoddassumpta sit, & per eam diuina sit operatio clara effecta, secundum naturam conditricem. Sed piè confitetur credens, quia propter salutem nostram, & vt ad inconuersibilitatem ligaret vniuersitatem, vniuersorum conditor ex sanctissima semper Virgine Maria per conceptionem inuiolabilem sine conuersibilitate substantiaue sibi met animam intellectualem cum sensiuo corpore naturâ factus est homo malitiæ alienus: totus Deus ipse, totus homo idem ipse, totus Deus pariter naturâ & homo idem ipse. deitate quidem diuina per suam ipsius sanctissimâ carnem non existentia natura carnis operans, humanitate verò humana non existentia natura deitatis. Nil diuinum nudum corpore operatur, nil humanum idem ipse priuatum diuinitate gerens, seruans sibi met modum secundum vtrumque immutabilem, per quem operatus est vtraque decenti more, ad approbationem perfectæ ac veræ, nihilque habentis prauitatis inhumanationis suæ. Itaque Bero quidem sic se habens, vt dixi, operationis monade deitatem Christi & humanitatem

Ad Theodosium Presb. Gangrensem. 235
naturaliter simul confundens, & parti-
ens personaliter, dissoluit vitam. Igno-
rans solius contra naturalium persona-
rum connaturalis identitatis eandem ip-
sam operationem esse significatiuam.

SYLLOGISMI DE SVPPO-
SITIS DIVINITVS SAPIENTIBVS
testimoniis, & aliis, eiusdem
S. Anastasij.

ECCE nunc & sacratissimus hic &
magnus Doëtor, veritatisque testis
fidelis, concorditer cum aliis omnibus
sanctis catholicæ Dei ac Apostolicæ in-
stitutoribus Ecclesiæ, duas secundum
vnitionem inconfusam & impartibilem
quemadmodum naturas, ita etiam duas
voluntates & duas operationes con-
gruentes & conuenientes naturis, diui-
nam vt dictum est & humanam, increa-
tam & creatam, non inceptam & cæ-
ptam, tanquam Dei simul & hominis
vnus & eiusdem Domini nostri IESV
CHRISTI, magna voce confitetur ac
prædicat, & confiteri nobis sine præua-

236 *Anastasij Apocrisiarij Epistola*

ricatione iubet. Difficillimum autem esse, ac modis omnibus impossibile diffinit, ut vnā voluntatem & operationem, aut naturā vnā deitatis & humanitatis eius confiteantur hi, qui piē viuere volunt. Propter quod & tale quid in eo dogmatizantes, tanquam impios & alienos immaculatæ nostræ Christianorum fidei abicit & condemnat, nōsque hoc facere protestatur. De duabus enim Saluatoris nostri Christi naturis & operationibus, ut breuiter pauca ex sacris illius eloquiis expediam, hæc euidenter affatur. Vtraque ostendens super quæ dupliciter, diuinē scilicet & humanē, operatum est secundum eandem quæ veraciter vera est & naturalis substantia. Deum immensum simul & circumscriptum hominem existentem & intellectum, substantiam vtriūque perfectē perfectam habentē cum operatione sua, id est naturali proprietate. ET RVRVS. Non enim facta est natura Deitas transmutata natura caro, facta natura diuinitatis caro: sed quod erat etiam deitati coaptata mansit caro, infirma & passibilis natura & operatione, sicut ait Saluator, *Spiritus quidem promptus, caro autem infirma*

Matt. 26.

42.

Ad Theodosium Presb. Gangrensem. 237

m. s. ET ITERVM. Per quam operatus & patiens quæ erant carnis sine peccato, pro nobis indicauit exinanitionem deitatis miraculis & carnis passionibus naturaliter roboratam. ET ITERVM. Mysterium diuinæ incarnationis Apostolis & Prophetis atque Doctoribus duplam & diuersam habere dinoscitur naturalem in omnibus theoriā, indiminitæ deitatis existens, & plenæ demonstratiuum humanitatis. ET ITERVM. Quibus diuinè pariter & humanè operatus est perfectionem per omnem vtriusque rationem sibi naturaliter incommutabilem saluans. ET ITERVM. Nil diuinum nudum corpore operatus, nil humanum idem ipse priuatum diuinitate gerens: seruans sibi met. modum secundum vtrumque immotabilem, per quē operatus est vtrāq; decenti more, ad approbationem perfectæ ac veræ nihilq; habentis prauitatis inhumanationis suæ. De his verò, qui vnā deitatis & humanitatis eius operationē, & naturā vnā dogmatizant, dicit: Non enim circumscribitur factitia natura id quod per naturam factum non est, licet cooriatur ei per conceptionem omnem circumscri-

bentem sensum: nec etiam in eodem ipso sibi natura differtur aliquando & naturalis operatio, donec vtrumque intra propriam manet naturalem inconuersibilitatem. ET ITEM. Connaturalium quippe tantum est eadem ipsa operans motus, essentiam indicans, cuius naturalem constat esse virtutem, alterius naturæ proprietate substantiæ secundum nullam rationem esse vel fieri sine conuersibilitate valente. ITEM. Ea quippe, quæ mutuò sunt cooperantia, & eadem operantia, & eiusdem originis, profecto & compassibilia naturæ non suscipientia differentiam, & naturis sibi confusis erit dualitas Christus, & personis separatis fiet quaternitas, quod est nimium fugiendum. ET ITERVM. Si igitur secundum Beronem assumpta sibi caro eiusdem operationis effecta est, haud dubium quin & eiusdem facta est sibi naturæ, cum quotquot est natura, id est in principalitate, in factione, infinitate, sempiternitate, incomprehensibilitate; & quæcumque horum secundum magnitudinem Theologica amplissimè in deitate ratio contemplatur. & vicissitudinem vtræque passa sunt, neutro na-

Ad Theodosium Presb. Gangrensem. 239
turæ suæ substantialem rationem ultra
saluandam habente. ET RVRVS. Qui
enim eorum, quæ alterius sunt naturæ
eandem ipsam sentit operationem, con-
fusionem pariter naturalem, & diuisionem
eorum inducit personalem, inco-
gnita prorsus idiomatum translatione
naturali eorum facta essentia. ITEM. Si
verò eiusdem sibi non fuit naturæ, ne-
que eiusdem sibi fiet naturalis operatio-
nis. ET ITERVM. In eundem autem
errorem illati sunt, malè credentes pro-
priam factam carnis diuinam operatio-
nem, quæ in miraculis per ipsam appa-
ruit, qua totum Christus substantians se-
cundum quod intelligitur Deus conti-
net retentum. ET ITERVM. Non enim
cognouerunt impossibile esse diuinæ
operationem naturæ idioma fieri sine
conuertibilitate. ET ITERVM. Qua-
rum donec vnum secundum substan-
tiam cognoscatur verbum, vnius ope-
rationis numquam aliquando eo quòd
vtriùsque sit cognoscetur motus. ET
ITERVM. Itaque Bero quidem sic se ha-
bens vt dixi operationis vnalitate Dei-
tatem Christi & humanitatem simul
confundens naturaliter, & partiens per-

240 *Anastasij Apocrisiarij Epistola*

sonaliter, dissoluit vitam, ignorans fortius connaturalium personarum connaturalis identitatis eandem ipsam operationem esse significatiuam.

His igitur ita & ab hoc quoque sacratissimo & magno Doctore ac martyre veritatis, (id ipsam autem est, si dicamus à sanctissimo, qui in eo loquitur, Spiritu) manifestiùs dictis, diligenter intendant qui volunt, & maximè qui communicant his, qui nouitates nunc operati sunt: & sciant certissimè, quia qui duas Saluatoris nostri Christi voluntates, naturales, & operationes denegant & abiiciunt, & impiam ac alienam Christianici dogmatis tam sacram & orthodoxam confessionem appellant, vnàmque deitatis & humanitatis eius voluntatem & operationem dogmatizant, eos qui taliter sibi consonè non confitentur anathematizantes, liquido, & absque vlllo tegente velamine sanctos Prophetas, & Apostolos, atque Doctores; vel etiam vt veriùs dicatur sanctissimum Spiritum, qui in illis locutus est, quinimo & loquitur, anathematizant, & ab eo per illos traditam nobis sacram & orthodoxam confessionem abnegant & abiiciunt,
atque

Ad Theodosium Presb. Gangrensem. 247
atque impiam & alienam à Christianico
dogmate esse asseuerant, & æquè vt præ-
dictus hæreticus, quin potius vt omnes
simul profani hæretici, qui in confusione
ac phantasia & diuisione decepti sunt,
solum supersubstantialis Theologiæ ac
incarnatæ dispensationis non abnegant
& subuertunt mysterium: quaternita-
tem quidem personarum sanctam con-
fidentes Trinitatem: at verò vnum hu-
ius, id est Dominum nostrum Iesum
Christum, inanimatum, & sine intellectu
ac sine ratione, secundum quod propter
nos factus est homo, introducentes, &
conuertibilitatem simul & conspersio-
nem ac mutabilitatem, confusionemque
ac phantasiam & diuisionem vtriusque
naturæ ipsius pronunciantes, & puri per
hoc hominis, vel prodigij cuiusdam ma-
trem sanctam semper virginem ac Dei
genitricem Mariam scribentes. Deinde
verò hanc, quæ videlicet in eo ab illis
dogmatizata est, vnam voluntatem &
vnam operationem respuentes, & neque
vnam, neque duas, id est diuinam & hu-
manam voluntatem vel operationem in
eo, vel quandam ex omnibus confiteri
volentes, non solum instabiles & tergi-

242 *Anastasij Apocrisiarij Epistola*

uersatores, sed & hereticis, qui in confusione ac phantasia & diuisione errauerunt, magis impios ipsi seiplos propriis verbis & dogmatibus monstrant. Nam illi quidem vel vnam, isti verò nec vnā voluntatem vel operationem eum habere volunt, ac per hoc in substantialem illum & inessentialē, minus enim est dicere sine voluntate, ac impotem, secundum vtrāque naturas pronuntiant. cū iuxta sacras diffinitiones & rationes corruptio, id est interemptio & inexistētia naturæ, naturalium habitudinum & operationum atque virtutum infirmitas & defectus existat. & quod vniuersaliter voluntate naturali ac substantiali operatione priuatur, neque est, neque aliquid est, neque est quæuis eius essentia. Et non ipsum tantum, sed & Patrem, & Spiritum sanctum, insubstantiuum astruunt & inexistētem. Eiusdem enim vtriusque illis substantiæ, id est deitatis, & volūtatis, ac operationis Saluator existit, secundum quod est & dicitur natura Deus: itavt subsequenter & Dominam nostrā verē sanctissimam super omnes Sanctos venerandam scilicet & laudandam, vt propriè ac non fallaci-

Ad Theodosium Presb. Gangrensem. 243
ter; sed veraciter Dei genitricem sem-
perque virginem, non propriè ac veraci-
ter matrem Dei describant, sed eius qui
nullomodo secundum ipsos existit. Et
isti quidem talibus ac tantis impietati-
bus capti, per sua ipsius dogmata propa-
lantur. Hi verò, qui simul cum duabus
voluntatibus & operationibus, quæ à
sanctis catholicæ institutoribus Eccle-
siæ piè in Salvatore nostro Christo di-
cuntur, aliam vnam nescio vnde fingen-
tes confiteri volunt, & anathematizant
eos, qui non consonè sibi vnam & duas,
id est tres voluntates & operationes in
eo confitentur. nihilominus & isti san-
ctos Prophetas & Apostolos ac Docto-
res, quin & super hos, qui in ipsis locutus
est, immò & nunc per eos affatur, sanctis-
simum Spiritum anathematizant, & tra-
ditam per eos nobis ab illo sanctam &
immaculatam fidem novis adulterantes
adinventionibus abnegant, & aliam in
Salvatore Christo naturam præter diui-
nam & humanam, extraneam quandam
& omnium alienam existentium fin-
gunt. cuius esse volunt à se fictam in illo
vnam voluntatem & operationem. quo-
niam omnis voluntas naturalis & sub-

Q ij

stantialis operatio, naturæ profectò voluntatiuæ ac operatiuæ idiomatica sunt. Et omnis operatio naturalis substantiam indicat, ex qua procedit & inest. & indicatium vniuscuiusque naturæ operatio & est & cognoscitur naturalis. & omnis natura propriæ operationis substantiali ratione cognoscitur, & omnis natura conuenientem sibi seque significantem habet operationem hanc ab aliis discernentem, diffinitionesque substantiarum naturales earum operationes vera ratio nouit. Et vt compendiosè dicatur, nec naturam sine operatione, quæ illam substantialiter characterizet, nec rursus voluntatem vel operationem constare esse sine quadam substantia, id est possibile, quemadmodum diuina concionantur eloquia, & ipsa rerum natura clamat. Igitur voluntatem & operationem vnâ præter duas circa Saluatorem Christum fingentes, & necessitate etiam aliam naturam præter diuinam, vt dictum est, & humanam, extraneam quandam existentium omnium alienam plasmantes applicant ei, cuius esse iam dictam à se vnâ voluntatem, quæ inane figmentum fictæ cogitationis est, & germen quod ab ido-

Ad Theodosium Presb. Gangrensem. 245

lolatRIA nil penitus differt. Deus enim simul & homo Saluator existens, duas tantum congruentes sibi naturas & voluntates & operationes, id est diuinam & humanam habet, quemadmodum inclyti præceptores nostri ac doctores affirmant: non vnā & duas, id est tres, vt aduersarij dogmatizant. quo illud euidentissimè gerant, quod olim à Deo per Esaïam Prophetam in calumniam dicitur, id est, *Caupones tui vinum aquā miscent.* *Esa. l. 22.*

Vt enim apparet, & isti verbum veritatis cauponum more adulterando, naturalem dualitatem voluntatum & operationum Saluatoris nostri Christi vnā voluntate ac operatione, quæ in ipso ab hereticis, qui in confusione ac diuisione seu phantasia decepti sunt, impiè dogmatizata est, veluti vinum aquā miscentes, vtrasque sectas confiteri compellunt, quod impium veraciter est & alienum immaculatæ fidei nostræ Christianorum. qui ex diametro similiter vt præcessores sui etiam per hunc à veritate decidunt modum. Æquale quippe ex diametro & simile malum est cum hæretica opinione, paternam proicere ac reprobare orthodoxiam, & è diuerso cum hac

Q iij

246 *Anastasij Apocrisiarij Epistola.*

pariter & illam confiteri & approbare.

2. Cor. 6. *Quæ enim participatio iustitiæ & iniquitati?*
14. *aut quæ societas luci ad tenebras? aut quæ con-*

uentio Christi ad Belial? aut quæ pars fideli
cum infideli? qui autem consensus templo Dei
cum idolo? diuinus ait Apostolus. Inquam

verò & ipse: Quæ participatio, vel com-
municatio, aut conuentio, aut pars, aut
consensus paternæ orthodoxiæ, ad ne-
quam hæreticorum opinionem, vt cum
altera altera prædicetur, vel etiã respu-
tur? Et hoc quoque diligēter intendant,
quia si quemadmodum magnus ab im-
mortalitate cognominatus, immò verò
cunctus Sanctorum chorus affirmat,
quòd pene fides Saluatoris nostri non
admittat, cum hoc instabile quiddam se-
cundum suam ipsius rationem existat.

Quod si hoc fuerit passa, & quod huic
est contrarium proculdubio sustinebit,
additamentum scilicet. & quomodo ma-
nebit vlteriùs fides defectibus ac profe-
ctibus immutata? Dicant, inquit, nobis,
qui per singulos dies fides creant, immò
Deos sibi diuersos fingunt, quoniam
cum fidei verbo mutatur atque multi-
plicatur à talibus id quod creditur. Ergo
& aduersarij fides sibi condentes diuer-

fas, absque omni contradictione secundum qualitatem & quantitatem atque immutationem dogmatum suorum, immutant simul & multiplicant id quod creditur, & quinque Christos catenus plasmasse monstrantur. Hunc quidem vnam operationē, illum verò nec vnam operationem, & alium vnam voluntatem, & alterum nec vnam voluntatem: porro quintum vnam & duas, atque vnam & duas, id est tres operationes & tres voluntates, vt aiunt, habentem. Et dicant si volunt illi ipsi, qui talia exponunt dogmata, & qui communicant eis, in quem talium ac tot Christorum à se fictorum credentes baptizati sunt vel baptizantur: aut cuius eorum corpus & sanguinem sumunt atque distribuunt: vtrum eius qui vnam, an qui nec vnam operationem; eius qui vnam voluntatem, an eius qui vnam & duas, & vnam & duas, id est tres operationes & tres voluntates, & propterea iam ex necessitate tres etiam naturas habet. Sed *non erat* ^{3. Reg. 18.} *vox, & non erat auditio*, quemadmodum ^{16.} ait Propheta magnus Helias scelestos sacerdotes & pseudoprophetas confusionis redarguens. Nam quicquid ho-

248 *Anastasij Apocrisiarij Epistola*
rum dixerint, illinc cum impietate etiam
redargutionem sermo eorum circumfe-
ret, quoniam non in verum & veraciter
existentem Christum credunt atque ba-
ptizant, nec illius corpus & sanguinem
accipiunt & distribuunt. Illum enim ve-
rum scilicet, & qui verè consistit, Chri-
stum Deum simul & hominem inclyti
magistri nostri ac præceptores scientes,
duas & tantum quemadmodum natu-
ras, sic etiam & duas voluntates, & toti-
dem operationes congruentes sibi, diui-
nam scilicet, vt iam dictum est & com-
probatum est, & humanam, increatam &
creatam, sine inceptione & cum ince-
ptione, in ipso confitentur & confiteri
nobis præcipiunt. Non autem, vt hi nunc
nouitates fecerunt, vnā & nec vnā,
nec duas, & rursus vnā & duas, id est
tres voluntates & operationes habere
illum fatentur. Super hæc autem omnia
quæ dicta sunt, & illud quoque certissi-
mè nouerint, quoniam vnā nec vnā,
neque duas, & iterum vnā & duas vo-
luntates & operationes, & omnia cum
anathematibus & depositionibus, ac ex-
communicatione dogmatizantes, apertè
sibi & alterutris repugnare probantur,

Ad Theodosium Presb. Gangrensem. 249
& ipsi per seipsoſ & inuicem ſubuertunt
ac deſtruunt, alterna verba & dogmata,
ſeque ipſoſ & alterutroſ, & eoſ qui ſibi
communicant, anathematizant, & ab
omni ſacra dignitate ac miniſterio pel-
lunt atque deponunt. Necnon & à per-
ceptione illibatæ communionis viuifici
corporiſ & ſanguiniſ magni Dei & Sal-
uatoriſ noſtri Ieſu Chriſti ſequeſtrant.
Et hæc liquidò noſ, & nullo intuentes &
ſcienteſ obſtante velamine, non ſolùm
propter multiformem errorem, verum-
etiam & propter inſtabilitatem & abſur-
ditatem ac reciprocationem talium vi-
rorum & dogmatum, omni cuſtodia noſ-
metipſoſ ab illorum impietate & com-
munionē ſeruemus, quotquot in verita-
te eſſe ac dici Chriſtiani volumuſ. Ali-
enum quippe à Chriſtianis eſt, cum ortho-
doxia etiam impietatem ſuſcipere, aut
conſiteri quidem orthodoxam fidem,
communicare verò hiſ, qui hanc per no-
uæ inuentioneſ abnegant & adulterant.
Propter quod diuina nobiſ lex ſimul &
Apoſtolica iubet, eoſ qui aliud præter
quod à Chriſtiferiſ viriſ accepiſim, do-
cere ac introducere conati fuerint, auer-
tere & anathematizare, non tantùm ſi

250 *Anastasijs Apocrisiarij Epistola*
homines fuerint, sed & licet Angeli fortassis è cœlo descendentes extiterint. Et si hoc fecerimus, & diuinam sine præu-
aricatione adimpleuerimus præceptio-
nem, sacrâmque ac orthodoxam fidem
absque adulteratione simul & innoua-
tione possederimus & confessi fuerimus,
ad vitam salui efficiemur æternam in
Christo Iesu Domino nostro. cum quo
Deo & Patri, vnà cum sanctissimo &
hono ac viuifico Spiritu, gloria, honor,
imperium, & adoratio nunc & semper,
& in omnia numquàmque finienda sæ-
cula sæculorum, amen.



SCHOLION, SIVE HYPOMNES-
*ticum, his qui desiderio ac zelo diuino legere
 voluerint, breuiter declarans, quæ paucis sunt
 agnita. id est unà cùm athletic certamini-
 bus, quot exilia, & in quibus locis ac tempore
 pertulerint martyrium, diemq; fide ad Deum
 profectionis, & exhibitionis, sanctorum &
 Deiferorum patrum nostrorum ac magistro-
 rum, nouorum reuera Confessorum, & ma-
 gnorum Martyrum; præcipue illius, qui pos-
 tam hic Epistolam digito Dei scripsit. eo quod
 ipse quidem eorum, qui ante se defuncti sunt,
 Maximi scilicet & Anastasii discipuli eius,
 significauerit diem, ut prælatum est: de se
 autem, & germanis fratribus eius, Theodoro
 scilicet, ac Euprepio, nemo. Insuper & Mar-
 tini sanctissimi & summi Apostolici Papæ ac
 Martyris, qui omni, quæ sub sole est, præcellit
 hieratica dignitati, atque quorundam alio-
 rum, quorum præsens Epistola mentionem
 non facit, nec quæcumque, ut reor, alia char-
 ta, vel homo.*



PORTET eos, qui hæc legerint
 exemplaria præsentis sacræ il-
 lius sacri Epistolæ, Deo paren-

tibus, qui scrutatur renes & corda firmissimè credere, quia in ea, Deo teste veritatis, ex ipsa Epistola, quæ propria manu eius, immò vt veriùs propter miraculi dicamus insignæ, digito Dei scripta est, sancti videlicet Patris & magistri nostri domni Abbatis Anastasij, Presbyteri & Apocrisiarii senioris & opinatissimæ vobis Romæ, multùmque certantis magni & noui reuera Martyris veritatis transcripta sunt, scripta ab eo (postquàm passus est, quemadmodum dictum est, in Byzantio, vna cum concertatore suo & verè philosopho, immò Deo sopho magnòque commartyre Christi veri Dei & Saluatoris nostri Maximo, id est cùm ab intus abscissæ fuerint pretiosæ ipsorum ac sacræ, diuinitusque veraciter mobiles linguæ ac manus, cum verberibus & tormentis amarissimis, ex quibus sanguinis fluorem & pompam per rotam urbem perpassi sunt. quod nec malæ vnquam vitæ reuera quisquam sustinuit. Et nisi solus Deus, qui ex nihilo vt essent cuncta produxit, & mortuos suscitatur, ex huiuscemodi crudelitate ipsorum, & tanto sanguinis fluxu, cauterio nullo modo illis indulto, vel constipatorio aliquo ab-

fcifionibus manuum atque linguarum ad ceffationem sanguinis iuxta morem appofito, hos conferuaflet ad verecundiam aduerfariorum, tradidiffent ex tunc defiderato à fe Deo fuas ipfius fanctas reuera & beatas proculdubio animas. Hæc autem omnia ob nihil aliud in eos gelferunt verè profaniffimi & miferriimi apoftatæ veritatis, nifi propter peffimam veraciter & folam inuidiam, quam antiquus hoftis dæmon in eis feminauit, quemadmodum & in fimilibus fuis Iudæis, cùm non potuiffent faltem ad modicum quid refiftere fapientix, quæ illis meritò fuerat à Deo donata, pro vera fcilicet veritate, & folùm pro eo quòd noluiſſent illi communicare cum his in tam publica & fine Deo impietate ipforum,) cum ipfa fancta dextera manu fua, quæ abſciſa fuerat, cuiusque truncus tantùm remanſerat, id eſt ſine planta & digitis inopinato argumento, cùm videlicet duo ſibimet paruiffima ligna & tenuia colligauerit, immò, vt veriùs dicatur, virtute ac gratia diuina, quemadmodum & lingua reuera diuina & inuiſibili expedite penitus & ſine prohibitione loquebatur, quanquam ab intus ex ipſo

fuerit fundo rescisa, sicut Lebarnicus Patricius Lazicæ cum iuramentis terribilibus enarrauit nobis, dispensatione Dei in hoc ipso per semet inspector effectus, diffidens super hoc glorioso & ingenti miraculo. Quin & Theodorus protosecretarius prætorij Præfecti Constantinopolitani ante hunc enarrauit mihi, & ipse cum horribilibus iuramentis, cum conscius fuisset sanctarum passionum ipsorum, tanquam dominus & magister huiusmodi rerum, glorificans & laudans ac gratias agens Deo super tali miraculo & tam fiduciali virtute ipsorum. Quoniam sicut canis vel ceruus excursu multo & siti vel caumate, ita laxauerunt & tradiderunt linguas suas ut etiam manus, quanquam breui valde statura sanctus & infirmus esset corpore Maximus, sicuti cunctis est manifestum. Quocirca & abundantius aduersarij sauciantes sensus suos super tanta & tali alacritate Sanctorum, intrinsecus nequissimi & veraciter inhumani, ut reuera feræ agrestes has abscidebant. non solum ista sic ab eo Epistola scripta, sed & aliis multis libris ac tomis studiorum ipsius. Quorum ipsi non solum inspectores diuina

prouidentia facti sumus, sed & partim in
fortem gratia Dei ex eis accipere illius
præceptione meruimus, & ipsis quoque
simili argumento & manu, immò, vt ve-
riùs dictum est, digito scriptis Dei, sicut
magni Moyssi tempore legitur factum.
prouidentia videlicet & cooperatione
solius omnipotentis Dei. qui cum sit
amator bonitatis & hominum, facit mi-
rabilia magna in Sanctis suis, & glorificat
verè glorificantes se, tam indeclinabili
opere, quàm verbo & veritate: cum ad-
huc degeret in vltimo, id est tertio exilio
suo Lazicæ, in castro Thusumes nuncu-
pato, sito supra villam Mochoes, climatis
Apsiliæ termini, ad Orientem Pontici
maris, apud ipsum pedem Caucasiorum
montium, iuxta Christi amicorum regio-
nem Abasgorum, & gentem Alanorum,
quasi signis quinque à prædio Zicha-
chorio, id est prima domo Gregorij veri
amici Christi Patricij & Magistratus
eiusdem regionis Alanorum. Cuius &
optimam memoriam meritò facit in hu-
iusmodi Epistola, translati videlicet vi &
præceptione miserorum Principum qui
illicante se vsque ad se præfuerunt, in
eodem tertio exilio septies, in difficilio-

ribus locis & tribulatione multa, in prædicto castro Thusumes dormiuit in Domino. cum & ipse certamine bono certasset, orthodoxam reuera fidem seruasset, & cursum martyrij consummasset, mensis Octimbrij die vndecima, feria prima, hora tertia, cum diceretur inter sancta officia, Sancta sanctis, indictione decima, cum prædixisset & ipse diem sanctæ depositionis suæ quibusdam qui sibi aderant ante menses tres. Et aliis quoque pluribus miraculis sanctissimi & omnia efficientis Spiritus cooperatione, tam ibidem, quàm in duobus exiliis suis, Trapezunti videlicet, & Mezembria patrat, plurimisque conuersis ad veritatem & illuminatis. Qui cum conuersati fuissent & perdurassent in hoc sancto & beatissimo & multorum sudorum certamine, id est coronam ferente confessione ac testimonio, prædictus quidem sanctus ANASTASIVS Presbyter & Apocrisiarius Romanus, à sexta indictione præteriti cycli vsque ad decimam indictionem, in omnibus prædictis tribus exiliis suis, translationibus diuersis affectus, tribulationibusque ac necessitatibus, & angustiis non mediocribus nec modicis, permanfit annis

annis viginti. Discipulis verò eius Theodoro & Euprepio germanis & sanctis fratribus, filiis Plutini beatissimi Imperatorij pistoris, id est qui super omnes pistorum publicos est, eorum videlicet, qui annonas scholarum omnium solvunt, quod appellatur Tetranston, diuitiis pretiosis & dignitatibus diuersis, diuinisque virtutibus, & virginitate, quæ his omnibus maior est, adornatis. per quam scilicet, vt opinor, etiam sanctis pro Christo agonibus & coronis honorari meruerunt, vt casti & mundo corde, quoniam ipsi Deum videbunt. post primum magistri sui & nostri apud Trapezuntem exilium multis eleemosynis & oblationibus factis, volentibus Romam confugere, protinus & ipsis in eadem persecutione prope Abydum comprehensis, propter eandem & solam causam, & pro eo quòd noluissent cum eis contaminari tam euidente impietate in profano & penitus sine Deo Imperatorio typo, qui ex summmissione factus est eorum, qui erant Ecclesiæ Constantinopoleos, & publicatis, id est denudatis omni substantia quæ inerat sibi, & dignitatibus quas habebant. flagellæque mortalia à Præfecto

R

suscipientibus, & Cherfonem in exilium missis, & illic vi sæpiùs ab inuicem separatis, & in castris gentium ibidem adiacentium deputatis: iunior quidem frater, qui vt verè in cunctis pheronymus, Euprepes nominatus est, completo in huiusmodi Dei amico agone anno nono, ad Dominum abiit mense Octobrio, die vicesima sexta indictione quartadecima. Alter verò, qui & prior frater, quique Dei donum merito à Domino est vocatus, perdurans ab eadem sexta indictione vsque ad iamdictam decimam indictionem instantis cycli, id est vsque ad sanctissimi patris & magistri eorum ac nostri Anastasij Presbyteri, qui reuera miserrimus, & orphani propter tam raritatem & inopiam verbi veritatis, & omnis spiritualis escæ, itavt nunc etiam adimpletum sit quod à Domino de malis novissimorum temporum dicitur, non famem panis mittendam, neque sitim aquæ, sed famem audiendi verbum Domini, sicuti dictum est. sanctam in Domino requietionem, annum vicesimum agit adhuc perseverans in athleticis sudoribus & agonibus, in eodem Cherfonis exilio, iam memoratus videlicet frater

Theodorus, qui & propria manu multa Sanctorum opuscula dignatus est exhibere nobis, qui pergebamus illuc ad visitationem & adorationem eius, & pretiosæ memoriæ MARTINI summi & verò vniuersalis Papæ & magni martyris veritatis. Cuius & miracula nobis copiosa, quæ ibidem facta sunt, cum illatis quoque illis importabilibus tribulationibus, retulit. donata etiam particula sancti orarii, id est facialis, quæ sibi fuerat ab eo dimissa, & vno ex campagis eius, id est caligis. quos nullus alius inter homines portat, nisi sanctus Papa Romanus. eo quod & ipse illic fuerit exilio relegatus, postquam omnia dira passus est, cum abduceretur ab vrbe Roma, qui seipsum tradiderat, gestiens atque desiderans admodum pro Christo subire martyrium. vt imitator & successor sancti & Apostolorum principis Petri, tam in nauigio, quàm in ipso Byzantio, itavt palam alapis cæderetur ab inimicis Dei. Dignum autem patre suo diabolo perpetrantes opus in eum, tam veste illum sua exuerunt, quàm ferreorum grauamina vinculorum & catenarum sancto eius collo & pretiosis reliquis membris imposuerunt,

Deinde cum eisdem ferreis compedibus pompantes, per totam plateam traxerunt à Palatio vsque ad pratorium Præfecti, cum vigiliæ magistro, id est primo carnificum, colligatum. & cum gladio præcedebat eum quidam, vt membratim concideret, deliberante ac præcipiente Bucoleonte detestabili Sacellario, & dignè sanguinem deuorantis bestię cognominato, tanquam qui & opera bestiali furore referta possideret, scientiâ & consilio Constantini Imperatoris, qui & prædictum obscenum & pessimum typum condidit, Gregorio eunucho & Præfecto miserę illius vrbis. Quod utique iam & factum fuisset: quantũ ad temerariam eius alacritatē & propositum pertineret, nisi misericordissimi & benignissimi Dei præsidium hos imbuisset, & non huius robustissimam fortitudinem hostes erubuissent. Nouerunt enim hoc pati frequenter etiam tyranni truces & inhumani, licet nimis immisericordes sint & crudeles, secundum eum qui operatur in illis satan: martyrio eius forsitan inuidentes secũdum similem sibi apostatam & idolorum vesanix deditum Iulianum illum famosum & verè sapientem

in malis. Aut certè Deo meliori quadam
& sibi soli nota, qui omnia nimirum ad
vtilitatem dispensat, immensa hunc &
ineffabili prouidentia conseruante. cum
fecisset in duobus carceribus, in excubi-
tu scilicet & custodia Præfetti, in tribula-
tione multa & infirmitate grauissima
dies centum octoginta. Omnem verò
tribulationis suæ agonem in annis tribus
& vltra, sicuti ex his quæ de ipso conscri-
pta sunt, & à Romanis militibus, & pro-
priis eius hominibus, qui cum eo multis
tormentis affecti per diuersa loca exi-
lium pertulêre, scire potuimus. Porro
dormiuit & ipse in Domino, cum vnâ
semper & solam sanctam Catholicam &
Apostolicam gloriosam Dei nostri Ec-
clesiam sacratissimis & veracibus do-
gmatibus synodicè illustrasset, & tam
sanctarum ac vniuersalium quinque Sy-
nodorum, Nicænæ videlicet, Constanti-
nopolitanæ, Ephesinæ prioris, Chalce-
donensis, & rursus Constantinopolitanæ
sub Iustiniano Imperatore, quàm om-
nium sanctorum diuinitus sapientium
& probabilium patrum nostrorum, ac ve-
racium magistrorum sacra & piissima do-
gmata roborasset. quemadmodum hi,

qui amore pio legere voluerint, in sacris gestis sanctæ ac Apostolicæ piissimæque Synodi, quæ ab eo Romæ celebrata est, inuenient, cum in omnem locum & omnem regionem transmissa sint, & arduè veritatem manifestasset ac prædicasset, & flagitia hostium reuelasset, atque liquidius publicasset. bono multumque sibi amabili agone agonizans, & ad desideratum Dominum, pro quo & proprium sanguinem quantum ipse fuit effudit, in lætitia copiosa profectus mense Septembrio, die sextadecima, indictione quattadecima, qua & custodientis pietatem, copiosæque certatricis, & castæ virginis ac martyris Euphemie honoranda memoria per annos singulos celebratur, reconditus inter tumulos Sanctorum in domo percolenda sanctissimæ intemeratæ ac semper laudandæ gratiosæ veræque semper gloriosæ dominæ nostræ, utpote quæ propriè natura & absque mendacio ac veraciter est Dei genitrix & semper virgo Maria, quæ appellatur Blachernes, extra muros à stadio vno ipsius de cetero benedictæ vrbis Chersonis. In qua sancta domo etiam iam memoratus sanctus Euprepius requiescit, iuxta eundem

perornatum ac verè magistrum, qui
Euangelicam vocem opere adimplevit,
qua dicitur: *Pastor bonus animam suam ponit* 10^a 11.14.
pro ouibus suis. Porro, sanctus & memora-
bilis ac optimus & per omnia sapiens, im-
mò diuinitus sapiens, magnusque verita-
tis propugnator & commartyr eorum
Megistus, qui & Maximus, (hoc enim, vt
antea indicauimus, dictione Latina Ma-
ximi nomen insinuat) cuius & sanctum
monumentum per singulas noctes lam-
pades exhibet à die qua dormisse dino-
scitur, vsque in præsens, & in perpetuum
omnibus illucescens, & patefaciens con-
fidentiam suam, quam obtinet apud
Deum, sicuti præposita commendat Epi-
stola: & nos ipsi per nosmet auditores à
multis illius loci principibus & habitato-
ribus, qui cum iuramētis huiusmodi mi-
rabile verè miraculum fiducialiter præ-
dicabant, effecti sumus. Eorum verò, qui
obutu proprio viderant has, vnus etiam
ipse Comes eiusdem Chemareos castri
nomine Mistrianus exiit, qui & vigi-
lans cum militibus has non semel nec
bis, sed & multotiens contemplatus est,
& primus patenter de his omnibus præ-
dicauit, nobis illuc pergere non valenti.

bus propter montis illius ascensum, id est verticis Caucasiarum, quo excelsior mons super terram non est, difficultatem, & tempus hiemis, insuper & confusionem gentium quæ fit in partibus illis. Pariter & Anastasius discipulus eius ab undecima indictione præteriti cycli per tria exilia, Bizyes scilicet, & Perberci Thracensium regionis, atque prædictum Lazicum, in multis contritionibus & intolerabilibus necessitatibus, atque huiusmodi athleticis certaminibus, annis decem peractis, ad regnum migrauerunt supernum. Sanctus quidem Maximus, sicut dictum est, mense Augusto, die triadecima, indictione quinta, cum prædixisset ex diuina reuelatione suam in Domino ante dies quindecim dormitionem futuram, sicuti iam præmissum est. sanctum verò suum pro veritate in Christo Deo nostro martyrium ante non paucos annos. Discipulus verò eius Anastasius mense Iulio, die vicesima quarta, indictionis eiusdem. **H**ic itur missa nobis est huiusmodi sacratissima & præposita propriæ manus, immò diuinitus exarata Epistola, vna cum suppositis sibi deiloquis testimoniis & syllogismis, ab eodem ip-

forum exilio, id est Lazico. quam & habemus, & conseruamus, cum eodem quo scribebat tradito sibi diuinitus argumento, id est prædictis duobus exilibus fusticulis, & alijs benedictionibus, ac muneribus eius sanctis ac venerabilibus, nec non & omnibus post Deum bonis, librorum videlicet eius studiis, & propriæ manus compositionibus, tanquam reuera sacrosanctis laudibus & reliquiis. Data verò est nobis verè minimis, Theodosio scilicet & Theodoro, germanis & sine dolo fratribus humilibus & peccatoribus Monachis, per Gregorium Monachum & Abbatem Monasterij sancti Ioannis Baptistæ regionis Albanorum, quod appellatur Batararu, mensis Augusti die vicesima, indictionis vndecimæ, quæ præterit nos, qui reuertebamur à regione sæpe dicta Lazorum. Illuc enim profecti fueramus, licet valde infirmi & pauperes & indigni essemus, secundum consuetudinem ad visitationem eorum, non solum propter iamdictum creditum nobis pondus conscriptum, id est præceptionem sæpe memorati sancti ac summi Apostolici Patris Romani Martini personaliter ad eum in eadem magni nominis vrbe aduenien-

tibus, & certitudinem propriæ manus de his quæ ab eo synodicè confirmata sunt, ex ipso sumentibus & audientibus Papa & alio ex his qui simul aderant. Sed & quoniam ore proprio mandauerat nobis de hoc, postquam passi sunt, cùm adhuc essent Byzantij in custodia prætorij Præfecti, quæ appellatur Diomedis, ex qua & præmisimus eos in iam sæpè dictum tertium eorum exilium Lazicæ. merentes illis, & in reliquis eorum exiliis & custodiis, laboribus & sollicitudinibus, angustisque non mediocribus, secundum quod nobis possibile fuit per Deo acceptas eorum preces, nobis cooperante ipso, qui eripuit nos sæpiùs de iniquis manibus impiorum, marisque periculis ac diuersis tempestatibus, ministrare de paupercula, quæ inerat nobis ex parentum benedictione sicut in Domino; vt autem veriùs dicamus, Dei munere, & non ex alienis, sed & reliquis nil minus eorum concertatoribus & commartyribus, & vt fieremus inspectores stigmatum ipsorum & passionum, quæ propter Christum verum Deum nostrum pertulerunt. Quin immo & auditores per nos effecti, diuinitus quoque sapientis atque saluantis exper-

tes eorum constitueremur doctrinæ, & Deo persuadibilibus & benè acceptis ipsorum orationibus frueremur, & quædam vestimentorum, quæ in passione sibi scissa sunt, propriis manibus ab eis accepta deferremus, vñ cum sanctificatis pannis, pretiosoque sanguine rubricatis; qui circumpositi fuerant sanctis eorum quæ abscissæ fuerant manibus, causa sanguinè medicinaliter restringendi. Vtrosque autem complecti ac memorari, non sine consideratione, vt reor, perpendimus, pro eo quod vnum & idem ipsum in certamine sanctæ reuera & orthodoxæ fidei, & in vinculo pacis & caritatis dinoscantur effecti. De ceterò infinita multitudo eorum, qui in prædicta non ferenda & intolerabili persecutione diuersis verberibus & tribulationibus palam & occultè martyrium inferebant, astuto ac versuto molimine, has illius aliter atque aliter, quasi non pro fide, sed sub prætextu aliarum ingerebant occasionum atque damnorum. adeo vt hæc simplicioribus quibusque, qui facillè decipiuntur, ignorantibus, soli Deo, qui occultorum est cognitor, & his qui studiosiores erant hos & quamobrem passi sint

proculdubio deferentes. Pro quibus omnibus vniuersos qui in veritate quę reuera sunt veritatis relegitis, ac si præsentes & procidentes, tam cordis genu cum corporalibus genibus, quàm cordis sensu cum lacrymis inclinati, & ante vestigia omnium vestrũm prouoluti, deprecamur & exoramus, quo primũ quidem veniam in omnibus tribuatis exiguitati ac indiscipline nostrę, qui ad certitudinem & satisfactionem tanquam verè fideles fideliter talia prorsus recipimus. & ne obliuio velet tantos & tales sacros agones, eo quòd valdè à paucis & rarishęc cum diligentia cognoscantur.

• Nos autem, vt dictum est, cùm voluntate Dei horum ipsis visibus consciij ex parte maxima facti fuissetus, & discrimen quod ex desidia generatur metuissetus, & non ob aliud, vt coram Deo dico, nisi propter hoc, quoquomodo hęc scribere præsumpsissetus, & vitã vel laudes depromere minimè valuissetus, talium & tot pro pietate certaminum ac sudorum verè mirabilium, & magnorum illorum in Domino sacratissimorum virorum, propter collactaneam scilicet & rudem rusticitatem nostram, & omnimodam

indisciplinationem, per quas nobis & sermonis inest inopia super omnes. Quibus sufficere arbitramur pro magnæ vitæ actibus & præconis, si qui veritatis & studij amore legere voluerint diuina illorum, & veraciter sine fastidio contra impietatem & pro pietate labores plurimos, & conscripta quæ & cum omni solertia & diligentia vnà cum his etiam quæ sunt ex aduersariorum execrabilibus scriptis, licet humiles & veraciter viles super omnes in omnibus simus, iuxta virtutem tamen quæ inest nobis, in diuersis libris ac tomis conscripsimus, & amatoribus veritatis tradidimus, in gloriam & indefinentem laudem & gratiarum actionem omnipotens Dei & verè mirabilis in sanctis suis, ac zelum & alacritatem eorum, qui pro pietate certare voluerint, confusionemque ac inuitabile opprobrium inimicorum veritatis & ipsius Dei vniuersorum. instantiasque ac oppositiones illatarum sibi falsarum calumniarum, & decretorum inanium ac instabilium, & absolute omnes eorum, sacratissimos ac pios agones atque sudores, qui ab eis qui ex aduerso erant diuerso modo sunt acti, id est à subintroduc

novæ & hæreticæ omnia recipiente ad in-
ventionem Heracliano, Cyro, Sergio, Pyr-
rho, Paulo, petritarum, & inuoluntatio
inoperatistarum, vel ut veriùs dicamus
nouorum Epicureorum, id est penitus ca-
rentium Deo, ut ipsa rerum & ipsa con-
trariorum conscripta demonstrant his
qui huiusmodi discernere norunt.
Quatinus hi, qui post nos studiosi & in
verbo potentes fuerint, & his inuentis ex
his occasionem acceperint, Deo ac san-
ctis eius gratiarum actiones debitas red-
dant. *Da enim sapienti occasionem, & sapien-
tior, inquit, erit.* Secundò verò indefinen-
tibus orationibus & supplicationibus
cum operibus bonis ac lacrymis beni-
gnissimum natura & misericordissimum
placētis Deum, ut compatiatur infirmi-
tatibus nostris. Sedētque decetero in-
stantem adhuc dolosam & versutam, &
penitus argumentosam, atque grauissi-
mam super omnes præcedentes paganas
& hæreticas persecutiones. quippe cum
sciat pulueris nostri fragilitatem, & faci-
lem lapsum propter nimiam fraudem
eorum atque nequitiam, & finis seditio-
nis fiat, & terminus huiusmodi atro-
cissimi mali, pretiosum scilicet illorum

sanguinem effundentium. veluti sub impiis & Dei exfortibus Arrianis, pro rosso sanguine sancti Petri Alexandrini Patriarchæ ac Martyris gestum est. Propter quod & prædicti sancti Patres nostri, & veraciter pietatis doctores, præcipuéque Apostolicus & verticalis Papa noster Martinus similiter semetipsum in sacrificium pro fidei populo tradidit, in omnibus agnothetam Christum Deum nostrum, & verticem Apostolorum Petrum imitatus, & in cunctis sequutus. cuius & successor ut reuera dignus effectus est. pacémque firmam & indissolubilem unitatem ubique sanctis suis donet Ecclesiis: nec permittat de reliquo usque in finem hæresim quamlibet suscitari, tam propter multitudinem miserationum suarum, quàm ob infirmitatem & mobilitatem naturæ nostræ, quæ super omnes præteritas generationes excrevit. Tertiò autem, ut immobiles usque in finem conseruemur, non solum nos, sed & omnes pii, in sancta reuera & orthodoxa atque immaculata nostra Christianorum sola Catholica & vera fide, remissionemque peccatorum & salutem percipiamus, qui veraciter peccatores sumus &

serui omnium, qui verè orthodoxi & proprij adoratores sunt Christi veri Dei & Saluatoris nostri, qui reuera glorificantes se magnificè in veritate & glorificat. Cuique decora est omnis gloria, honor, imperium, magnificentia, in cœlo & in terra, adoratio & gratiarum actio in sensu cordis & ipsa veritate, timorèque ac tremore pariter & exultatione, secundum propheticum eloquium, vnà cum immortalì & miserationum amatore, compatiensissimòque ac misericordissimo super naturam Patre, atque sanctissimo & consubstantiali, viuificòque ac omnipotente diuino Spiritu, nunc & semper, & in vniuersa & infinita sæcula sæculorum, amen.

FINIS.







Handwritten text, possibly a signature or date, located below the first smudge.





